



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

EX BIBLIOTHECIS GUDBRANDRI
VIGFUSSON et FRIDERICI YORK POWELL
olim alumni, partim ab hoc legatis, partim
emptis, a. MCMIV.

B.1.13. 19 ✓







SKÝRSLA

UM

FORNGRIPASAFN ÍSLANDS

Í REYKJAVÍK.

I.

1863—1866.

GEFIN ÚT

AF

HINU ÍSLENZKA BÓKMENTAFÉLAGI.


KAUPMANNAHÖFN.

PRENTUÐ HJÁ S. L. MÖLLER.

1868.

FORNGRIPASAFN

ÍSLANDS.



SKÝRSLA

UM

FORNGRIPASAFN ÍSLANDS Í REYKJAVÍK.

1863—1866.

SIGURÐUR GUÐMUNDSSON

SAMDI.

EFTIR að hin danska fornleifanefnd var stofnuð, snemma á þessari öld, og vísir til forngripasafns var kominn hjá Dönum, þá tók nefnd þessi brátt að hyggja til forngripa hëðan af Íslandi. Einkum hafði hún augastað á kirkjum, og útvegaði jafnvel stjórnarbréf um að friða forngripi í kirkjum hér á landi, svo að þeim yrði eigi glatað nè fargað nema til forngripasafnsins í Kaupmannahöfn¹, og var jafnframt skorað á Íslendinga, einkum klerka, að selja af hendi fornar leifar. Einstakir hinna greindari og betri manna þá á Íslandi gátu skilið það, að í forngripunum mundi vera andlegur fjársjóður fólgin, en þeir sáu þó engi önnur ráð til að bjarga þeim en að láta þá fara sömu leiðina, sem svo mörg ágæt handrit voru komin á undan, það er að segja til Kaupmannahafnar, og eigi allfáar fornleifar voru sendar til forngripasafnsins þar. Með því móti hafa eflaust margir ágætir gripir frelsast frá eyðileggingu, sem eru nú vel geymdir

¹) Þrjú kansallibréf 19. April 1817, prentuð í Lagasafni Íslands VII, 669—671; — umburðarbréf fornleifanefndarinnar í Kaupmannahöfn sent stiptsyfirvöldunum á Íslandi 5. April 1817, sst. bls. 658—661.

í opinberu safni, sem menn eiga aðgáang að, en þó verða þeir eigi Íslendingum eins að notum og æskilegt væri, vegna þess að vér höfum enn enga skýrslu um, hversu margir eða hverir hlutir eru komnir frá Íslandi, eða hver tala er á þeim í safninu, eða hvernig á þeim stendur. Þar að auki voru helzt sendir þángað þeir gripir, er sízt var hætta búin, nefnilega frá kirkjunum. Færri voru þeir þó hér á landi, er kunnu að meta fornmenjarnar, og þóttu þær of auðvirðilegar til að „forframast“ með því að fara úr landi. Þessi andlega deyfð hefur orðið til að glata mörgum ágætum gripum¹, en eigi að síður eigum vér þó henni að nokkru leyti að þakka, að enn eru eptir talsverðar fornleifar í landinu. Nokkru síðar fór mjög að fara í vöxt tala erlendra manna, er ferðuðust hér um land, og ymsir þeirra hafa orðið fengsamari á fornleifunum en forngripasafnið í Kaupmannahöfn; hafa þeir margir hverir með ymsu móti snapað saman mörgum ágætum gripum, haft á burt með sér, og látið þá í privatsöfn eða einkasöfn sín, þar sem þeir liggja grafnir, og eru að eins einstökum mönnum til augnagamans, en vísindunum og Íslandi til einkis gagns. Mér gat eigi annað en grámit að sjá, hvernig fornmenjar vorar fækkuðu og hurfu árlega, bæði á þenna hátt og fyrir hirðuleysi einstakra manna, því öll sú aðferð, er menn almennt hingað til hafa haft með fornmenjar, miðar í raun og veru til hins sama, hvort heldur menn safna saman fornmenjum til að selja þær útlendum hverjum sem hafa vilja, sér í hag, og það opt fyrir hálfvirði, eða menn smíða úr þeim, eða láta þær fúna og grotna niður í hirðuleysi, eða þá að menn hafa sömu aðferð og með bækurnar, að menn safna þeim einn og einn maður hér og hvar út um landið, og þykjast hafa

¹) Eg hefi t. a. m. skýrslur um hærumbil tuttugu tjöld og undir 60 vopn, er glatazt hafa í minni þeirra manna, er nú lifa, eða litlu áður.

mætur á þeim, en sjá ekki um að þeim sé borgið; bera síðan erfingjarnir þær optast á hauginn, eða selja þær útlendum, þegar hinir eru dauðir. En að safna því öllu á einn stað, og að láta þeim þar verða borgið, sú alþjóðlega hugmynd er enn ekki vöknud nema hjá einstökum mönnum¹.

Til þess að koma í veg fyrir, að landið yrði þannig gjörrúið gersemum sínum, sá eg engin önnur ráð, en ef stofnselt yrði á ÍSLANDI sjálfu ÍSLENZKT FORNGRIPASAFN; en auðsèð var, að það var enginn hæggðarleikur að koma slíku á. Íslendingar eru optast tregir til að trúa fyr en þeir taka á, og það er varla ofsagt, að þeir vantroysta margir hverir alltof mjög kröptum sínum, svo að þó eg, eða einhver annar, hefði farið að boða evangelium slíks forngripasafns, mundu fáir hafa orðið til að ljá því eyru, meðan það hefði eigi orðið staðfest með sýnilegum stórmerkjum. Til þess því að geta komið slíku safni á þurfti fyrst að fá einhvern álitlegan vísi, er væri svo markverður, að allir skynsamir menn hlyti að sjá og skilja, að hugmyndin um íslenzkt forngripasafn væri eigi eintómur hugarburður. Nú bar svo vel í veiðar, að nálægt Baldursheimi við Mývatn fannst um sama leyti merkilegt dys frá heiðni. Fyrir meðalgaungu Jóns Sigurðssonar á Gautlöndum, alþingismanns, fékk eg skýrslu um fund þenna eplir Arngrím Gíslason bókbindara á Grænavatni, og fylgdu uppdrættir. Skýrslu þessa gaf eg með nokkrum athugasemdum út í Þjóðólfi, (14. árs nr. 17—18 ¹⁰/₄ 62), og í næsta blaði (s. á. nr. 19—20 ²⁴/₄ 62), kom eg fram með „Hugvekju til Íslendinga“ útaf fundi þessum, og reyndi í henni til að leiða mönnum fyrir sjónir nauðsyn og nytsemi forngripasafns á Íslandi. Enn fremur brýndi eg þetta bæði munnlega og skriflega fyrir kunníngjum mínum og

¹) Sjá nr. 245.

öðrum, sem eg hafði færi á. Til þess að leggja hyrning-arsteininn í þvflíkt safn varð fyrstur kandidat Helgi Sigurðsson á Jörva, núverandi sóknarprestur að Setbergi. Hann ritaði stiptsyfirvöldum Íslands til bréf 8. Janúar 1863, og bauðst til að gefa smtán gripi sem stofn til íslenzks forngripasafns, með því aðalskilyrði, að Stiptsyfirvöldin tæki að sér umsjón safnsins. Þetta bréf er þannig látandi:

„Allir góðir Íslendingar, sem hafa þekkingu og ást á fornfræði og fornmenjum, munu vera á mínu máli um, að nauðsynlegt sé og fagurt að viðhalda þeim fáu fornmenjum, er enn kynnu að finnast í landinu, og munu þeir vera auðhvattir til að láta það ásannast í verkinu. En jafnframt má og gjöra ráð fyrir þeim mönnum, er skortir greinda þekkingu, þótt þeir annars opt hafi góðan vilja. Margir þeirra eru meðal almúganna, og hafa opt, fremur en hinir, einstaka gamla hluti handa á millum, finna þá eða eignast við yms tækifæri. Um þá er nokkuð öðru máli að skipta, því hjá þeim geta opt gamlir hlutir liðið undir lok, sökum þekkingarleysis, og veit eg þartil of mörg dæmi. Sökum þessa mundi máské ekki þykja úr vegi, að drepíð væri lítið eitt á allsherjar-þýðingu fornmenja, áður en ítarlegar yrði vakið máls á viðhaldi íslenzkra fornmenja.

Fornmenjarnar lýsa á sinn hátt, eins og fornsögurnar á sinn, fornöldunum, og leiða þær sem sýnilegar og áþreifanlegar fram fyrir sjónir manna; lýsa þær þannig, hver um sig, öld þeirri, er þær eiga að rekja aldur sinn og kyn til (t. d. steinvopn steinöldinni, koparvopn koparöldinni, járnvopn járnöldinni, og svo er um hverjar aðrar fornmenjar: allar þær lýsa aldar sinnar kunnáttu, smekk, hugsunarhætti o. s. frv.). Þær eru í svipuðu sambandi eða hlutfalli við fornsögurnar, sem mannamyndir eru við æfisögurnar, að því leyti þær ná til: bezti túlkur sagnanna, lýsa opt betur, en nokkur

saga getur, fornöldinni, eru hinar beztu, já stundum hinar einustu leiðarstjórnur sagnaritara, fræðimanua og listamanna, þar sem sögur og sagnir eru óljósari, ófullkomnari, óáreiðanlègri eða með öllu tapaðar, svo fornöldin er hulin sögulegri dimmu.

Sökum þessa og þvílíks, er eg ekki vil orðlengja í þetta sinn, hafa allar mentaðar þjóðir hinar mestu mætur á fornmenjunum, safna þeim hvaðan sem þær geta, raða þeim niður hjá sér, samkvæmt aldri þeirra og öðrum einkennum, geyma þær svo mjög vandlega, og leggja opt og óspart mikið fè og fyrirhöfna í sölurnar.

Jafnframt láta þær sér annt um, með ritgjörðum og fleiru, að útbreiða meðal alþýðu sem greinilegasta þekkingu á fornöld og fornmenjum. Fá þær þannig alla alþýðu í fylgi með sér, og launa mönnum fornmenjar og önnur fornfræðastörf. Landstjórnin og heldri menn leggja og sitt fram. Þetta sýna fornmenjasöfnin í öllum hinum heldri borgum Norðurálfunnar. Þetta sýna fornfræðafélögin, fornfræðaritin og störfin í hinum mentuðu ríkjunum. Þannig geta þjóðirnar sjálfar seð og sýnt öðrum fjarlægjar og horfnar aldir (líkt og leikurinn hið mannlega líf), og einsog leidd þær fram úr grófinni. Skapa þær sér þannig mikið gagn og gaman, mikla frægð og aðsókn lista og vísindamanna; því fornmenjarnar eru hið sama fyrir listamanninn sem vísindamanninn, og sérílagi sagnaritarann, því báðir þeir leiða í ljós fornaldirnar, hver á sinn hátt.

Þó að allar fornmenjar hafi sitt gildi, hvaðan sem þær eru ættaðar, eru þó hverri þjóð gagnlegastar og kærastar þær hinar sömu, sem ættaðar eru fra fornöld hennar og gömlu þjóðerni; og því kærari eru, eða ættu þær að vera þjóðinni, sem hún hefir varðveitt meira af þessu gamla þjóðerni, og hvílir fremur við fornöldina, eins og t. d. Íslendingar. Henni, þ. e. hverjum einum af henni, er og jafnskýlt að gæta fornmenja sinna (er

hún á með fyllsta rétti) sem fornaldarsagna sinna og þjóðernis. Því sè þeirra ekki gætt, er að því vísu að gánga, að þjóðerni það, sem á þeim er byggt, verður á völtum fæti.

Að vísu er nú aðeins á stytta hátt drepíð á ágæti fornmenjanna (er annars væri nóg efni í heila bók), og þær mætur, er mentaðar þjóðir hafa á þeim og eiga að hafa, ef þær vilja vera í tölu mentaðra þjóða; en eg hygg þó að það, sem þegar er á drepíð, nægi þó til að sýna þeim, er lítils eða einkis meta fornmenjar, eða eru hirðulausir með þær, sökum þekkingarleysis á ágæti þeirra, að verðugt sè, nauðsynlegt og fagurt, að sýna fornmenjunum hina mestu alúð með eptirtekt, hirðu-semi og geymslu á þeim, og að enginn sè verðugri til að eignast þær hjá manni en fððurlandið; því eg gjðri ráð fyrir, að það hafi öflugan vilja til að eignast þær, vit og getu til að geyma þær og nota.

Af því eg hefi nú farið svo stuttlega yfir, að eg hefi orðið að sleppa mörgu — þótt eg voni, að slíkt þurfi ekki að valda misskilnínghi — hefi eg og sleppt að geta þess, hverir hlutir að væru fornmenjar; því eg þóttist gánga að því vísu, að flestir vissu hvað almennt skilst við fornmenjar. Hirðuleysi á þeim áleit eg sjaldnast vera spröttið af þesskyns þekkingarleysi, heldur einkum og optast af vanvizku á þýðingu þeirra, þ. e. að hvaða gagni o. s. frv. þær væru. En væru nokkrir þeir, er ekki vissu hverir hlutir teldust til fornmenja, skal þess aðeins getið, að í þrengri merkingu eru til fornmenja taldir allir talsvert eða mjög gamlir hlutir (svo sem einnar eða fleiri alda gamlir), hvers kyns sem vera kynnu, og úr hverju helzt sem þeir eru (járni, kopar, trè, steini, silfri, gulli o. s. frv.), einkum þeir, sem mannaverk eru á og hafa haft einhverja þýðingu, eða verið hafðir til einhvers á sínum tíma. En einkum eru það hlutir þeir, sem fundizt hafa, eða geymzt, í jörð

eða á, frá fornöldinni, t. a. m. vopn, smíðar, föt eða vefnaður, skurðir, rúnir, rúnasteinar, forneskja og galdur o. s. frv. Hlutir þessir eru því fremur fornmenjar, sem þeir eru eldri og markverðari.

Eg vakti upphaflega máls á íslenskum fornmenjum. En hvað er þá í stuttu máli um þær að segja? — Lítið, og að nokkru leyti ógeðfellt. Þær eru nú fáar orðnar til í landinu, að því menn vita til, og veldur það því, að ymsar þeirra hafa verið látnar fara út úr landinu á ymsum tímum, til Dana eða annara útlendinga, fyrir lítið eða ekkert; sem og einnig það, að sumar af fornmenjunum hafa fyr eða síðar verið teknar til úrsmíðis, eða með annari ummyndun verið gjörðar óþekktanlegar, og sem fornmenjar þýðingarlausar, af sjálfum landsmönnum; í stuttu máli: þeim hefir verið tortýnt¹. Og þá má nærri geta, að þeim hefir aldrei verið safnað í sjálfu landinu, nema, ef vera skyldi, lítið eitt hjá einstöku manni, og hefir það þá, að honum liðnum, optast tortýnzt eða farið víðs vegar, af því eigandinn ekki bar umhyggju fyrir viðhaldi þeirra eptir sinn dag, og þeir, sem þá hlutu þær, sýndu þeim litla eða enga alúð. Aftur eru dæmi til, að þó mörgum hafi verið laust í hendi með fornmenjar, af því þeim ekki gat hugkvæmzt hvað bezt væri að gjöra við þær, eða og möltu þær minna en vert var, þá hefir stöku manni þókt mjög vænt um þær, sem menjagripi frá fornöldinni, og því ekki viljað farga þeim, enda til þeirra manna, er líklegri voru, en hann, til þess að sjá þeim farborða. Þó hefir sá hinn sami ekki hugsað um, að sjá þeim framvegis borgið, svo allt hefir borið að sama brunni. Á seinni tímum hafa að vísu margir metið

¹) Svona fór um spjót, er fannst í Grettisodda (þar sem Grettir barðist við Mýramenn); svona um klótið af sverði Snorra goða, og mart fleira.

mikils fornmenjar, og ekki viljað þær glötuðust, en þeir hafa ekki sæð neinn betri veg til að viðhalda þeim, en, eins og fyr var dregið á, að senda þær Dönum. Þeir áttu að eiga þær og sjá um þær, eins og fleira. Nefndum mönnum, er þannig hafa þókt sjá fornmenjunum bezt borgið, hefir þótt vanta góðan geymslustað fyrir þær í landinu; og þótt sumum ekki hafi þótt öll vandkvæði á því, hafa þeir haldið, að til lítills væri að fara að safna fáeinum fornmenjum, annaðhvort af því þeir hafa örvænt um, að fleiri mundu svo gjöra, eða þeir hafa ekki gætt þess, að mart smátt gjörir eitt stórt. Í stuttu máli: gamla skoðunin sýnist alltaf hafa verið rikust sú, að íslenskum fornmenjum væri bezt borgið hjá Dönum, og að hún hafi haldizt við, síðan Árni Magnússon safnaði og færði Dönum allar þær fornsögur og handrit, bæði á pappír og kálfskinni, er hann gat fest hendi á, um allt landið. En þó þessi skoðun væri rétt á dögum Árna Magnússonar, þegar mikið þekkingar- og hirðuleysi á fornmenjum drottnaði, gat hún, að réttu lagi, ekki átt við á seinni tímum, þegar margir í landinu voru farnir að hafa mætur á íslenskum fornmenjum; því þá sýndist sem menn hefðu átt að fara að safna þessum fornmenjum fyrir í landinu, eptir því sem kraptarnir þartil uxu, þó það, eins og kunnugt er, ekki væri gjört.

Því þótt mart af fornmenjum hafi glatazt, hefir þó til þessa nokkuð verið til af þeim í landinu. Og utan að þessu, sem til var eða er, var vegur að halda. En það hefir eins farið í þessu falli sem fleiru, að gamli vaninn er rikur, og á opt langt í land að breytast til batnaðar. Á þetta sér ekki fremur stað í Íslandi en mörgum öðrum löndum. Og hafi nú þessu þannig verið varið á seinni tímum, eins og nú er vikið á, hvað íslenskar fornmenjar áhrærir, er ekki að furða, þó minni alúð væri lögð við þær á fyrri tímum, og mart

af þeim hafi þá glatazt, eins og fyr er minnzt á. Því geta allir nærri, sem þeim tímum eru kunnugir. Og er mönnum það, einsog fleira á þeim tímum, virðandi til vorkunar, sökum þess að þá var þjóðarandinn orðinn svo mjög niðurkæfður og úrkynjaður, af öllum þeim hörmúngum, er dunið höfðu yfir landið öld eptir öld, vegna óheppilegrar stjórnar á landinu og annara landplága. Og þegar svona stóð á, var naumast ætlandi til að öðruvísi færi, eða að fornmenjarnar hefðu betri afdrif en svo mart annað ágætt. Hér er að vísu stuttlega yfir sögu farið um afdrif íslenzkra fornmenja hingaðtil, en þó, að ætlan minni, svo mikið sem nauðsyn ber til; enda er það, sem hér er sagt, meðfram og einkum sagt í því skyni, að ókunnugir menn, einkum útlendir ferðamenn, ekki þurfi að bregðast ókunnuglega við, þótt þeim bregðist von sín um, að sjá fjársjóð eða safn af fornmenjum í landinu, þótt þeir annars (þ. e. ef öðruvísi hefði verið ástatt), hefðu haft ástæður til að vænta þess í fornsögulandinu mikla.

Eins og það er geðfelt, að eiga fræga fornöld, eins er það ógeðfelt, að eiga ekkert fornmenjasafn, nè geta sýnt útlendum mönnum, er koma til að skoða okkar nafnkunna land, neitt þvílíkt. En eins er varið með þetta, einsog annað, er vèr ekki höfum getað öðlazt, að ekki tjáir þar um að fást, og ekki verður það aptur fengið, sem mist er til fulls. En úr mörgu má bæta, og svo má segja um þetta. Hér og hvar á landinu eru enn til fornmenjar, ef vel er leitað, þó þær sèu, eins og við er að búast, mjög á sundrúngu. En enginn getur sagt, hvað þær sèu margar, eða hve markverðar, fyr en þeirra er leitað með alúð og þær geymdar vel og notaðar. Látum því ekki ásannast, að vèr lengur sèum hirðulausir með þær fáu fornmenjar, er sumir af oss enn kynnum hafa handa á milli, vita af eða finna. Höldum þeim saman og munum eptir

því, að mart smátt gjörir eitt stórt, að þetta fáa, ef saman kæmi í eitt, getur orðið mart, getur orðið að safni, er bæði væri þjóðlegt og í marga staði markvert. Hlynnum því af alefli að þessum dýrmæta fæsjóði. Reynum til að safna fornmenjum og koma saman á einn stað. Leggjumst á eitt í þessu, og hver leggi sitt til, af þeim er það geta, og láti í tæ, þó ekki sé það nema einn forngripur eða fáir. Höfum því betri von um hluttekning annara og aðstoð, sem áform þetta er nauðsynlegt og fagurt, og margir ágætismenn eru í landinu. Vitum og, að margir af alþýðu eru farnir að skilja í ágæti fornmenjanna, og meta þær, ef til vill, á við fornsögurnar, eins og þær líka eiga skilið, og væntum því, að þessir menn geti á sinn hátt, engu síður en mentuðu mennirnir á sinn, orðið hinir beztu aðstoðarmenn fyrirtækisins. Þess vegna er ósk mín og von til allra Íslendinga, er eg veit að sjá nauðsyn á íslenzku forngripasafni engu síður en eg, og óska þess af heilum hug: 1) að þeir komi inn hjá sem flestum, þar sem þess þarf, verðskuldaðri virðing, þekking og ást á fornmenjum landsins; — 2) að þeir sæu í fyrirspurn um fornmenjar þessar, og nái til sín því af þeim, sem unnt er, til þess að frelsa allt þvílíkt frá mögulegri glötun. — 3) að þeir verði samtaka í og samráða um, að safna öllum þessum fornu hlutum (eða myndum, uppdráttum og lýsingum af þeim hlutum, er ekki yrði safnað) svo fljótt, sem auðið er, saman á einn stað í landinu, og þannig leilast við að landið geti eignast íslenzkt fornmenjasafn. Þetta safn, svo lítið eða mikið sem það yrði, ætti að vera á helzta stað í landinu og í einu lagi. Og staður þessi er, að ætlun minni, sjálfsagt Reykjavík, og ber einkum tvennt til þess: 1. þangað koma flestir, bæði inn- og útlendir menn, til þess að sjá safnið eða hafa gagn af því. — 2. þar sæst að líkindum bezti geymslustaður fyrir þvílíkt safn, einkum

þegar hið nýja bókhlöðuhús yrði þar fullgjört. Ættu þá stiptyfirvöldin og bókavörður stiptybókasafnsins (eða, ef betur þætti við eiga, annaðhvort í bráð, eða vegna breyttra kríngumstæða, 2—3 af skólakennurunum) að hafa jafnt umsjón yfir þeim sem bókunum. En það segir sig sjálfst, að ekki mætti ljá út neitt af fornmenjunum, enda mun það hvergi gjört, þar sem slík söfn eru. En þetta á heima meðal ákvarðana um geymslu á safninu.

Nýnefnd ósk mín er sprottin af laungun minni og vilja að hlynna að fornmenjum okkar. Og af því eg hefi jafnan haft mætur á þeim, og verið í fyrirspurn um þær, hefir mér tekizt að eignast fáeina þesskyns hluti, er eg, samkvæmt tilgáangi greina þessara, skal nánara skýra frá, svo þeir sýni, hvaða árángur orðið hefir af viðleitni minni. En ekki getur verið ætlan mín, að þessu sinni, að skipta hlutum þessum í flokka, eptir aldri þeirra eða gildi — því til þess þurfti ítarlegri rannsókn; en hér er rúm eða tími til — heldur ætla eg fyrst að geta þeirra, sem eru úr trè eða horni, og því næst þeirra, sem eru úr málmi, og seinast tveggja (pergamenta eða) kálfskinnsblaða, og loksins kvers með forneskju á. Hlutirnir eru þá þessir:

1. Stokkur, skorinn með svo kölluðu höfðaletri; og er á hliðum hans nafnið: Steinvör Sveinsdóttir; á botninum ártalið með rómversku lettri: ANNO MDCXCIV, og í línu þar undir: ÞANN XXXI MARTI. Á lokinu er bara forn skurður. Stokkur þessi er einn af gömlu spónastokkunum og smíðaður handa nefndri konu (óvíst hverri)¹. Eru því endar hans krínglóttir útskotnir (fyrir spónablöðin). Útúr endum þessum er með skurði myndað fyrir drekahöfðum (uppáhaldsmyndum fornaldar-

¹) Steinvör dóttir sira Sveins á Barði átti Ólaf sýslumann Einarsson í Skaptafells sýslu; hún andaðist 1716. Espól. Árb. ix, 32. J. S.

innar), og sèst þar mótað fyrir tönnum og augum. Stokknum hefir verið skipt sundur í miðju að innan, og er því lokið í tvennu lagi, og leikur hvert þeirra fyrir sig á ási úr bólu til beggja enda. Þegar eg eignaðist stokkinn, er mun verið hafa eign forfeðra minna í Vog, var annar endinn og annað lokið fúíð af honum. En eg setti þetta hvorttveggja á, í líking hins endans. Gamla sólkið, helzt ríkisfólk, hafði þvílíka stokka til að geyma í spæni sína, er það átti mikið af og hafði handa gestum. En spónaeygnin hefir mjög staðið í blutfalli við nautafjölda í landinu, sem miklu meiri var á fyrri öldum en seinna.

2. Litill kistill, allur með gömlum skurði, og ártalinu 1771 innanvert á lokinu. Fyrir honum er trèfluga með fornum svip. Hjörur hans og læsing er sjálfsgagt ýngra en kistillinn. Slíkir kistlar, allir útskornir, voru pallkistlar gamla kvennfólksins, á þeim tímum, sem venja var að skera út allt, sem fagurt átti að vera.

3. Trafakefli. Er skurðurinn á því með allt öðrum svip, og líkum þeim, er sjá hefir mátt á öðru, einkum gömlum lárnum. Kefli þetta eignaðist eg eptir móður mína, Guðrúnu Þorkelsdóttur, og hún eptir móður sína, Guðrúnu Þórðardóttur frá Stóra Kálfalæk. Slíkum keflum fylgdi sívalt kefli, nálega eins langt, og var það haft til að vefja uppá nýþvegin tróf, sem síðan voru sléttuð á þann hátt, að velta sívala keflinu, með traflinu um, á sléttu borði, með flata keflinu, er optast hafði handfáng (stundum þó eins og trèhöldu upp úr sèr) á endanum, eins og það sem hér ræðir um.

4. Leifar af mjög gömlu sverði. Blaðið er nú að lengd 11 þumlungar. En þá er það fannst, loddi framanvert við það hèrum 6 þumlunga langur partur, ryðbrunninn, og vart samanhángandi. Var partur sá ekki hirtur (þó það hefði átt að vera). Skaptið er laungu fúíð af,

svo ekki er annað eptir en sverðtáanginn, er verið hefir furðu gildur, eins og blaðið hefir líka verið ærið þykkt. Um hjóltun er járnlykkja, mjög eydd af ryði. Framan af sverðinu vantar auðsjáanlega meira en blóðreflinn. Af litlu broti í sverðinu hefi eg komizt að, að í því er stórgert, hjart bitjárn. Sverð þetta fannst hërumbil fyrir 20 árum fram undan bænum á Álptanesi á Mýrum, niður við sjó. Hafði vogurinn, er þángað gengur inn, veturinn á undan brotið úr bakkanum fram undan bænum, svo þar sást á sverðið. Á þessum bakka fremst, og enda þar sem hann nú er brotinn af, hefir bærinn fyrrum staðið, en seinna verið smásærður upp frá vognum, eptir sem hann hefir brotið framan úr bakkanum. Þetta sanna sagnir og minni gamalla manna. Eptir þessum málavöxtum hefir sverðið, er verið hefir mikið vopn, líklega fallið niður í gamlar bæjarmoldir, eða máske verið falið þar, fyrir mörgum öldum. Af sterkleika sverðsins má og ráða, að það muni vera mjög gamalt, líklega ekki ýngra en frá landnámstíð, eða landsins gullöld.

5. Tigilknífur; og er skaptið úr kopar, með gati á fyrir tigilinn. Á því eru upphleyptar myndir karls og konu, talsvert máðar; þó sèst glöggst til hjálms á höfði hans, sverðs, er hann hefir í beltinu, og til fatanna á báðum þeim; er limaburður þeirra og staða ekki ólík því, sem þau væri að stíga vikivaka. Blaðið á knífi þessum er frá seinni tímum. Skaptið fannst fjarri mannabygðum; var því síðan komið til Konráðs, bróður Gísla fornfræðings Konráðssonar. Konráð var vinur sira Brynjúlfs Bjarnasonar, er fyrrum var prestur í Miklaholti, og gaf honum skaptið, af því hann vissi að hann unni fornmenjum. Á seinustu árum sínum gaf sira Brynjúlfur mér greint skapt. Það er geymt í stökk þeim, er fyrst var talinn. Þar er og geymt:

6. Koparlykill, er átt hefir að svo kallaðri trölla-

læsingu; er hann því skegglaus, eins og slíkir lyklar voru, og hefir pípan, sem að utan er sívöl, en að innan með þríhyrndu holi, gengið utan um þristrendan stand, sem hak hefir verið á neðan til, til að hræra læsingarjárníð. Sökum þess, hvað læsing þessi var einföld, en ekki hægt að komast í hana, nema með lykli, er átti við standinn, hefir hún, að líkindum, verið kölluð tröllalæsing; sèst slík læsing nú óviða.

7. Lyklahríngur, eða sylgja, er gamla fólkið hnýttu lyklum sínum við, af því ekkert op er á honum. Innan í honum eru stafrnir Jhs (= Jesus). Munu því sylgjur þessar, er ekki sjást nú víða, vera frá kristnum tímum. Móðir mín gaf mér sylgjuna, og

8. Stíl úr kopar. Er hann frammjór, en ofantil áttstrendur með gati á, til að festa hann við sig eða við sylgjuna. Stíll þessi var hafður til að benda á stað, þegar börn voru látin stafa. Stílar þessir eru víðast hvar undir lok liðnir.

9. Leifar af litlum tigilkníf, sem verið hefir einjárnúngur, með snúnum röndum á skaptinu, og eru þær mjög ryðbrunnar. Framan af blaðinu brotnaði af slysum, þá knífurinn fannst; sá eg þá í brotið, og sá, að í knífnum er smágert stál.

10. Kopardoppa aptan af knífskapti. Hinir aðrir partar knífsins, sem verið höfðu úr járn, duttu sundur af ryði, þegar við knífnum var hrært. Þetta hvorttveggja (9. og 10.) fannst, þá eg lét ryðja til jarðeplagarðs hjá mér vorið 1862.

11. Reiðgjarðarhríngjur, sem kallaðar hafa verið Bollahríngjur eptir gömlum munnmælum, og kenndar eru við Bolla, er drap Kjartan Ólafsson. Er mælt þær hafi verið reiðgjarðarhríngjur Bolla. Þetta er og ekki ósennilegt, og víst sýnist það, að hringjurnar sæu frá eldri tímum, eptir því sem ráða má af smíði og lögun þeirra, og einkum af því, hvað þær eru kopar-

miklar, því þær jafnast, að því til, á við tvennar samkyns hringjur nú á dögum, þótt orðnar sæu talsvert máðar. Þær eru komnar sunnan úr Borgarfirði með Árna Jónssyni, er varð mjög gamall maður og bjó á Borg í Miklaholtshrepp, og voru þær lengi sððulhringjur Guðríðar konu hans. Hann vísaði mér að þeim hjá tengdasynt sínum Jóni, og hjá honum fékk eg þær. Árni var margfróður maður, og sagði mér hvað gamlir menn hefðu sagt um uppruna hringjanna. Hann sagði mér og, að til hefðu verið á yngri árum sínum í Borgarfirði aðrar svipaðar hringjur, er kenndar hefðu verið við Kjartan Ólafsson, en vissi ekki hvað af væri orðið; enda hefi eg ekki getað til þeirra spurt.

12. Gamalt drykkjarhorn, allt út grafið, með trèbotni og tinstút. Á því er mynd af tóu og flattri örn, og utanum það í hring er lína með höfðaletri og í henni orð þessi: „drekktu varleg(a)”. Aldraður maður, er lengi hafði átt það, gaf mér það, og kvaðst ekki vita aldur þess, en sá, er sèr hefði fengið, hefði sagt sèr, að sá botn, er fyrr hefði verið í því, hefði verið orðinn fúinn af elli, svo nýr hefði verið í látinn, og þá hefði særzt upp á hornið. Af þessu, og einkum því, hvað máð hornið er, sem að líkindum ekki hefir opt mætt sliti, má ráða, að það sè allgamalt.

13. Kálfskinnsblað, með pápiskum latínusaung á annars vegar, og saungnótum yfir hverri línu. Línurnar með mjög vönduðu lettri, en dauðu og lítt læsilegu, eru þrettán, og nóturnar, sem sumar hverjar eru að mestu burt máðar, jafnmargar. Þegar eg eignaðist það voru inn í það fest ómarkverð blöð. Gat eg þá ekkert frétt um uppruna þess, nema að það áður hefði verið á flækíngi.

14. Partur af kálfskinnsblaði, er sýnist hafa verið kaupmála- eða samningsbréf, dags. 22. Novemberm. 1594, að Skálholti í Biskupstúngum. Blaðið er dauft aflestrar, einkum seinni hlutinn.

15. Forneskja og galdur á 19 blöðum í 8 blaða broti. Eru þar, á meðal annars, ymsar stefnur og særingar (tóustefnur o. fl.), eignuðar Sæmundi fróða, Gísla lærða í Melrakkadal og Þórði á Strjúgi. Þar á eru og: syrpuvers, lásavers, ýmisleg galdradæmi (og eru aðalatriðin þar með villuletri), og sum þeirra með tilheyrandi stöfum, mjög margbrotnum, er heita ymsum nöfnum. Seinast koma svo nefndir varnarstafir (verndar- og heillastafir) allra stafa mestir og margbrotnastir, með ymsum nöfnum, svo sem: Himinsbarnahjálmur, Drottníngarsignet, Gimsteinn Jónasar, Móisesstafur, Orionsauga, Prófetapryði, Sólarvagn, Veldisvagn, Karlamagnúsarinnsigli, Móisesinnsigli, Salómonsinnsigli, Baldursinnsigli. Kver þetta er sýnishorn af galdri og forneskju fornaldarinnar, bæði á Íslandi og í öðrum löndum. Það er svo undir komið, að maður nokkur læði mér nokkur lausablöð, með forneskju þeirri á, er nú var nefnd; áskildi hann, að eg dyldi nafn sitt í því tilliti. Hafði hann skrifað upp nefnd blöð á yngri árum, þá er hann reri fyrir vestan Jökul. Af blöðum þessum skrifaði eg upp það sem er í kverinu.

Um leið og eg hefi talið upp hluti þessa, hefir mér þótt eiga við að drepa á hið helzta, er eg vissi um uppruna þeirra, sögu, tilgáng og ásigkomulag; geng eg að því vísu, að þeir, sem unna fornmenjum, muni taka það vel upp fyrir mér.

Þess skal og getið, að nefnda hluti hefi eg eignast smátt og smátt, á þremur fyrstu árunum eptir að eg kom frá Kaupmannahöfn, nema hlutina 9. og 10. Síðan hefi eg ekki getað spurt til eða eignast neitt af slíkum blutum, þótt eg jafnan haldi spurnum þar um, og sýnir það, að hér nærlendis ekki er orðið um auðugan garð að gresja.

Sökum þess, að eg hér að framan hefi hvatt landa mína — og það með gildum rökum, að ætlan minni,

— til að hlynna að íslenskum fornmenjum og safna þeim á einn stað í landinu, mætti með sanngirni ætlast til, að eg lèti ekki lenda við orðin tóm, heldur leggi minn skerf til þvílíks safns. En af mér, eins og hverjum einstökum, verður ekki með sanngirni ætlast til mikils í þessu efni, heldur að eg leggi mitt fram, eins og allir eiga að gjöra, er vilja ávinna landinu nokkurt gagn og sóma með ymsum fornmenjum. Sökum þessa gef eg Íslandi framantalda hluti, fimtán að tölu, og ætlast til og óska, að þeir verði fyrsti vísir til safns íslenzkra fornmenja. Vona eg jafnframt, að margir verði fúsir á að styrkja þenna vísir, og seú þess minnugir, að kornið fyllir mælirinn.

Á þessari litlu gjöf skal eg standa svo fljót skil, sem unnt er, eptir að eg hefi fengið vissu frá þeim ágætismönnum, er eg fel gjöfina á hendur til beztu umsjónar, um, að þeir vili um gjöfina annast, samkvæmt þeim ákvörðunum, er eg nú gjöri um hana, eða máské seinna gjöri eptir nánara samkomulagi við hina heiðruðu hlutaðeigendur. Þær ákvarðanir, er eg nú gjöri fyrir gjöfinni, eru þessar:

1. Gjöfin (íslenzkar fornmenjar fimtán að tölu) skal vera undir umsjón stiptsyfirvalda Íslands, og geymast útaf sér (helzt í skáp með loki fyrir) í sama húsi sem stiptsbókasafnið, og vera undir geymslu bóka-
varðarins.

2. Geymlumaður (bókavörður) skal rita hina gefnu hluti í kver, sem umsjónarmenn (stiptsyfirvöldin) ákvarða þar til með áskript sinni á það. Þar skal og getið, hvernig gjöfin sé til komin.

3. Nefnda hluti skal ekki ljá neinum manni, í neinu skyni, burt af geymslustaðnum, og því síður farga, heldur skal geyma þá þar sem vandlegast.

4. En öllum skal gefast kostur á að sjá nefnda hluti, jafnt útlendum mönnum sem innlendum, á þeim

tímum, er umsjónarmönnum og geymslumanni þykir best henta. Þeim sem vilja draga upp hlutina, mæla þá eða nota, án þess þeir þar við skemmist, skal þar til gefast kostur á sjálfum geymslustaðnum.

5. Samkvæmt tilgáangi gjafarinnar skal bæta við hana gjöfum þeim, er koma kynnu frá öðrum, og fara með á sáma eða líkan hátt.

Þær og nöfn gjafaranna skyldi auglýsa á prenti, og jafnframt mælast til af mönnum slíkra gjafa.¹

Jörva, 8. d. Januarmánaðar 1863.

Helgi Sigurðsson."

Stiptyfirvöldin gjörðu góðan róm að þessu máli, og skipuðu Jón Árnason, bókavörð stiptybókasafnsins, forstöðumann fyrir fornmenjasafni þessu, eptir fyrirmælum Helga; rituðu þeir Jóni bréf um þetta 24. Februar 1863, þannig látanda:

„Þér hafið í bréfi af dags dato skýrt oss frá, að Candid. philosophiæ Helgi Sigurðsson á Jörva hafi sent yður ritgjörð, sem hann ætlist til að prentuð verði í blöðunum, um þá nauðsyn, sem á því sé að safna íslenskum fornmenjum saman á einn stað í landinu, helst í Reykjavík, og skori hann í tæðri ritgjörð á landsmenn í því skyni; en næst því, að lýsa nauðsyn þessari, teli hann nokkrar fornmenjar, fimtán að tölu, sem hann eigi, og gefi þær jafnframt Íslandi, sem fyrsta vísi til safns af íslenskum fornmenjum í landinu sjálfu, er geymist undir yfirumsjón stiptyfirvaldanna í húsrúmi stiptybókasafnsins, undir tilsjón bókavarðarins, eptir þeim ákvörðunum, sem hann hefir til bráðabirgðar tiltekið fyrir geymslu þeirra í niðurlagi ritgjörðarinnar; tjáið þér, hann hafi lofað að standa skil á ofangreindum fimtán gripum hið fyrsta, eptir það hann hafi

¹) Bréf þetta er prentað í „Íslendingi“ III, nr. 20 (¼ 1863).

fengið vissu fyrir því frá stiptsyfirvöldunum, að þau vili taka að sér að annast gjöfina, samkvæmt þeim af honum tilteknu ákvörðunum. Loksins hafið þér vænt þess, að gjöfin muni, þegar fram líða stundir og safnið eflist, verða landinu bæði til sóma og gagns, og þess vegna vonast eptir, að stiptsyfirvöldin mundu taka vel boði þessu.

Þar sem vér nú hljótum að vera á einu máli með gjafaranum, herra Cand. Helga Sigurðssyni, um nauðsyn þá, sem á því er, að halda saman þeim fáu forngripum, sem eptir eru hér á landi, og teljum það auðsætt, að sá einasti vegur til þessa sé, að safna þeim saman á einn stað í landinu sjálfu, og að Reykjavík, margra hluta vegna, sé staður sá, er bezt sé til þess kjörinn, skulum vér, með því herra Helgi Sigurðsson hefir snúið sér til yðar um þetta mál, er einnig varðar yður sem bókavörð stiptsbókasafnsins, biðja yður að votta honum virðingu vora og viðurkenningu um þá ættjarðar- og fornaldar-ást, sem lætur sig í ljósi hjá honum í þessu hans hrósverða fyrirtæki, og viljum vér enganvegin skorast undan að takast á hendur þá yfrumsjón með safni þessu, sem hann hefir ætlazt til af oss, eins og vér líka vonum þess af yður, að þér góðfúslega villið taka að yður tilsjónina með safninu og hlynna að því með yðar alþekktu alúð og nákvæmni.

Íslands stiptamtshúsi og skrifstofu biskups,
24. Febrúarmán. 1863.

Th. Jonasson

ost.

H. G. Thordersen".

Sá dagur, sem bréf stiptsyfirvaldanna er ritað og þegar var getið, 24. Febrúar 1863, má heita afmælisdagur hins íslenzka forngripasafns, því að samkvæmt gjafabréfi Helga urðu þessar fimtán gripir þá

landsins eign, um leið og stiptsyfirvöldin tókust á hendur yfirumsjón safnsins. — Jón Árnason vildi þó eigi einn takast á hendur forstjórn og umönnun safnsins, og beiddi þess í bréfi til stiptsyfirvaldanna 15. Juli s. á., er hinir fyrstu gripir komu til safnsins, að eg væri einnig skipaður umsjónarmaður þess, jafnsframt og hann beiddi um, að veittir yrði 20 rd. til bráðabirgða til skápa handa safninu. Í bréfi 24. Juli til Jóns Árnasonar samþykktu stiptsyfirvöldin báðar þessar uppástungur hans, og í bréfi sama dag fálu þau mér á hendur umsjón safnsins með honum; tókst eg það á hendur með bréfi til þeirra 5. August 1863¹, og síðan hefi eg haft þá arðlitlu sýslu á hendi. Það fyrsta, sem kom hingað til forngripasafnsins, var Baldursheimsfundurinn, er Jón á Gautlöndum útvegaði því, og afhendi hann gjöfina 15. Juli 1863. Frumgjöf Helga á Jörva kom eigi til safnsins fyr en í Augustmánuði s. á.

Það fór sem mig varði (sbr. Hugvekju mína í þjóðólfi XIV, nr. 19—20), að þegar vísir væri kominn til safnsins, mundi það sannast, að hvorki væri landið enn

¹). Bréf stiptsyfirvaldanna (Th. Jónasson — H. G. Thordersen) 24. Juli 1863 til málara Sigurðar Guðmundssonar, að þeir biðja hann, eptir tilmælum Jóns Árnasonar amanuensis, „að takast á hendur ásamt honum (Jóni Árnasyni) umsjón með forngripasafni því, sem nú er að stofnast hér í bænum, með gjöfum Cand. Helga Sigurðssonar á Jörva og alþingismanns Jóns Sigurðssonar á Gautlöndum“. Stiptsyfirvöldin segjast snúa sér til Sigurðar, „þar sem þér (Sigurður) manna bezt vitið deili á, hvernig sliikum forngripum bezt sé komið fyrir“, og segjast vænta „yðar (Sigurðar) góðfúslegu undirtekta, því fremur, sem oss er kunnur sá áhugi, sem þér hafið á því, að slikt forngripasafn, sem hér ræðir um, geti komið upp hér í landi“. — Í svari sínu 5. August 1863 til stiptsyfirvaldanna segir Sigurður: „eg tjái mig fúsan til að takast á hendur meðumsjón þessa safns, og hlynna að því eptir mætti“. J. S.

orðið fornmenjalaust, enda mundi safninu vekjast upp styrktarmenn eigi allfáir, og sèst það bezt á gjafaskýrslunni. Árið 1863 gáfust 42 gripir, og gefendur voru 9. Árið 1864 gáfust 152 gripir, og gefendurnir voru 62; höfðu 3 þeirra gefið áður. Árið 1865 gáfust 110 gripir, og voru þeir 62 er gáfu, meðal þeirra 49, er eigi höfðu áður gefið. Árið 1866 gáfust að eins 56 gripir, voru þá 25 gefendur, og höfðu 5 þeirra áður gefið. Þetta árið (1867) hafa þegar (til 28. Juli) gefið 52 gripir, en gefendur eru 27 að tölu og 23 þeirra nýir. Alls hafa gefið eða safnast (að eins 5 gripir hafa verið keyptir) 412 gripir, en gefendur eru alls 158, og þeir allir á Íslandi nema einn (nr. 37—38). Skýrsla þessi sýnir alls eigi tölu þeirra manna, er hafa unnað og unna safninu, því að þeir eru miklu fleiri. Sumir hafa heitið gjöfum, sem enn hefir eigi náðzt til, og ymsir hafa reynt til að styðja það á annan veg, enda eru eigi forngripir í hvers manns höndum, þó að talsvert sè enn til af þeim út um landið, og það eru eflaust mjög margir fleiri, en eg get vitað af, sem farnir eru að skilja, hversu dýrmætar fornleifarnar eru til að upplýsa sögu lands vors í mörgum greinum, og kannast við, að þær sè betur komnar í safni sèr en víðs vegar út um landið, þar sem nær því allt hjálpast til að spilla þeim og glata. Menn hafa því mestu ástæðu til að vona, að safnið muni framvegis eflast og auðgast af góðum gripum, enda eru öll líkindi til, að mart muni enn finnast í jörðu, því að fá dys hafa enn verið könnuð, og þó að engi fornmenjavon sè í allmörgum hólum, er sögur hafa skapast um í þjóðtrúnni (nr. 83), þá veit eg af hërumbil 70—80 dysjum víðs vegar, sem líklegt er að sè áreiðanlega forndys. Forngripasafnið mun engu síður eiga sèr vini meðal kvenna en karla. Reyndar sjást fá kvennanöfn á gefendaskránni, eða einungis 20 (5 árið 1864, 7 árið 1865, 4 árið 1866 og 4 það sem af er árinu 1867), en þess

fleiri kvennanöfn eða fangamörk þeirra standa á gripunum, sem gefið hafa, og mjög margir þeirra eru einmitt úr vörzlum og eigu kvennfólksins, svo sem allt, er að kvenbúnaði lýtur, útsaumar, öskjur, kistlar, trasakefli, brauðstílar, o. s. frv., enda hafa konur hér á landi frá því í fornöld og fram á þenna dag jafnan unnað fornum fróðleik og við haldið honum. Vær höfum sögur um ymsar fræðikonur frá eldri tímum, og margur verður enn að jata, að hann hafi margan þesskonar fróðleik numið af konum, enda sýnir safnið það ljóslega, að konur nú standa eigi á baki ættmæðrum sínum, hvað það snertir, og fyrir safnsins hönd eiga þær í raun og veru engu síður þakkir skilið en karlmennirnir.

Safn þetta hefir ýmist verið kallað fornmenjasafn, forngripasafn, eða fornmenja og þjóðgripasafn. Safnið FORNGRIPASAFN er hið algengasta bæði í ræðu og riti, og svo má það einnig vel heita, því þó að sumir munir þess sé eigi mjög gamlir að áratölu, nefnilega frá átjándu öldinni, þá mega þeir þó heita forngripir, með því þeir eru úreltir og farnir að verða sjaldgæfir og hafa meira eða minna fornaldarsvip á sér. Þó að hin eiginlega fornöld hér á landi eigi geti talizt lengur en fram að 1400, þá má þó með sanní segja, að fornöld vor í mörgum greinum nái fram undir 1800. Þá var umturnað hinum fornu stofnunum, er bundu menn með helgum böndum við fornöldina: alþingi, stólunum, skólunum o. s. fr., og sjarskaleg breyting varð á öllu hinu borgaralega, kirkjulega, heimilislega og andlega lífi; hin nýja öld, er þá rann upp, er svo ólík hinn fyrri, að gamlir menn, sem þá lifðu og enn lifa, þekkja varla af öðru en náttúrunni, sem ávallt er sjálfri sér lík, að þetta sé sama landið. Forngripasafnið hefi eg, eptir því sem faung eru á og rúm hefir leyft, flokkað í fernt, eptir þeim sjórum aðaltímabilum, er mér virðist þjóðháttasaga Íslands helzt falla eptir. Fyrsta tímabilið tel eg frá

byggíngu Íslands og þar til er kristni er orðin rótgróin í landinu og biskupsstóll settur, eða frá 874 til 1060. Þó að landið kristnaðist um 1000, og þá hafð eflaust lagzt af að heygja menn að fornum sið, svo að heiðin dys, sem flnnast, megi teljast fyrir þann tíma, þá hafa þó eflaust verið talsverðar menjar heiðninnar fram eptir elleftu öldinni, meðan þeir menn lifðu, er skirðust rosknir, og meðan yfirstjórn kirkjunnar eigi var í landinu sjálfu, enda hafði kristnin þá lítið aðhald frá Noregi, nema að eins á dögum Ólafs helga (1014—30), og þykir mér því réttast að miða síðara takmark hins heiðinglega tímabils við hærumbil 1060. Annað tímabilið tel eg frá 1060 til 1400. Framan af því tímabili, til 1264 eða 1300, er kristnin ávallt að magnast. Katólsk hindurvítni taka og smásaman að smeygja sér inn, einkum með Guðmundi góða, en þau verða íþróttinni til eflingar, og kirknaskraut fer vaxandi. Múnkaletrið burtrýmir algjörlega að kalla hinum fornu rúnum. Suðurgaungur, sem hafzt höfðu skömmu eptir 1000, sem t. a. m. má sjá á því, að Brennu-Flosi gekk suður, voru nú alltíðar; Rómferlarnir og aðrir suðurgaungumenn fluttu aptur heim með sér suðræna mentun; þá tók hinn heiðni útskurða andi, með orma og dreka hnútum, að víkja fyrir hinu býsanzka lagi, eða stíl, sem síðan varð hér nærpvi eingaungu drottandi í öllum innlendum útskurðum. Íslendingar stóðu þannig í fjörugu sambandi við allan hinn mentaða heim, og gátu því svo vel fylgt tímanum, eða urðu enda að sumu leyti undan sínum tíma. Verzan þeirra var þá og óbundin. Að líkindum hefir háttbreytíng sú, er varð í Noregi á dögum Ólafs kyrra, lítið náð til Íslands um þær mundir, því að það sjá menn á Sturlúngu, að hin gamla öndvegisskipan hefir verið vanaleg hér fram undir 1300, og til verulegrar nýbreytni í búningum þekkja menn eigi heldur fyrir þann tíma. Á síðara hluta þessa tímabils verður talsverð breyting á ymsum háttum

manna. Þegar landið var komið undir vald Noregs konungs, þá kemur upp riddaraöldin; skjaldarmerki taka að tíðkast og fleira, sem heyrði til riddara síðum, sem sjá má af riddarasögunum, því eflaust eru margir partar í þeim al-íslenzkir, sem sýna, að Íslendingar hafa borið fullt skyn á þessháttar hluti. Eldaskálar leggjast af, en ofnstofur og ofnbaðstofur taka að koma í þeirra stað. Húsin á bæjum fjölga, en minna. Verzlun Íslendinga, sem þá varð að mestu einskorðuð við Björgyn, þar sem Hansakaupmenn einkum ráku verzlun, hefir eflaust haft talsverð áhrif á háttu manna á Íslandi, og greidt fyrir breytingu þeirri, er varð á um aldamótin 1400. Um þau aldamót var Ísland fyrir stundu komið undir Dana konung, en þá tóku Þjóðverjar og Englendingar að reka hér verzlun nær því eingaungu, og varð þá algjör breyting á klæðabúnaði karlmanna, vopnabúnaði og ymsum öðrum heimilisháttum. Svarti dauði, er geysaði hér í byrjun fimtándu aldarinnar, hefir eflaust gjört þeim nýjúngum greiðari inngaungu, því gamla fólkíð, sem jafnast er fastheldnast við hið gamla, hefir þá mart fallið. — Þá tel eg byrja hið þriðja tímabil í þjóðháttasögu Íslands, og nær það fram að siðabótinni, eða frá 1400 til 1550; þá lagast að mörgu hættir landsmanna eptir því, sem tíðkaðist fyrir vestan haf og á Þjóðverjalandi, og allt kirknaskraut er þá í blóma sínum. Þá ruddi sér nokkuð til rúms hið gotneska útskurðarlag, en aldrei varð það hér þjóðlegt né almennt. Siðabótin, sem Danir ruddu hér veg fyrir með ofbeldi, varð að mörgu leyti að hinu mesta siðaspelli hér á landi. Við hana kom kyrkingur í allt hið þjóðlega líf. Íþróttin, er áður hafði töluvert blómgaft í skauti katólsku kirkjunnar, lagðist að mestu leyti í dá. Danir úmturnuðu og rændu mörgu mesta og bezta skrauti kirknanna, og sýndu frábæra atorku í að afmá menjar íþróttarinnar. Þessum siðabótar ránskap og kirknaspelli, og öðru aldarfaraldri, sem því var samfara,

er mjögsvo breinskilnislega lýst í „Aldasaung“, er Bjarni Jónsson skáldi kvað nær sjötugur, hërumbil 1616. Lýsing hans mun vera nokkurnveginn sönn, því þó að hann kunni að vera nokkuð katólskur í anda, þá dregur hann engar dulur á, að „mart ljótt“ hafi átt sér stað í hinum gamla sið, og eins kannast hann við „fagra kenningu“ í hinum nýja sið. Þessi fjögur erindi eru í kvæði hans:

„Allt hafði annan róm
áður í páfádóm:
kærleikur manna' á milli —
mart fór þá vel með snilli —
Ísland fékk lofið lengi
ljótt þó hær mart fram gengi.

Kirkjur og heilög hús
hver vildi byggja fús
gáfu til gózið hreina,
grafnar brikur og steina;
klerkar saltara söngu,
sveinar og piltar úngu.

Allt skrif og ornament
er nú hið gamla brennt,
bílæti Kristí brotin,
blöð og líkneski rotin,
klukkur kólflausar standa,
kenning þó fögur að vanda.

Hækkuð er tolla tekt,
tvöföld þar lögð við sekt;
hús drottins hrörna og falla,
hreinn þó sum standi varla;
klaustroðnar kúa beilir
kristinna manna reitir”.

Þessar fáu en gagnorðu vísur sýna, að næg ástæða er til að telja tímabila skipti í sögu ípróttarinnar frá siðabótinni, og eins er það í öðrum greinum þjóðháttasögunnar. Fyrir 1550 voru byssur og fallbyssur farnar að flytjast inn í landið, og þess er getið um Jón biskup Arason, að hann gjörði „skanz“ eða vígi á Hólum og hafði þar „byssur og stykki“¹, en nú tók vopnaburður að leggjast niður, og öll vopn, önnur en byssurnar, hverfa smásaman.² Danir boluðu hëðan þjóðverja og hinar vestrænu þjóðir, og stíuðu landsmönnum þannig frá öllum samgaungum við þær; þeir einokuðu alla verzlun hér, svo að Íslendingar urðu í öllu tilliti að láta sér nægja það, sem þeir skömtuðu úr hnefa. Velmegun landsins fór við þetta sihnignandi, og er engi furða þótt mart breyttist til verra við þetta atferli. Þetta vanþrifa tímabil, eða fjórða tímabilið, nær frá 1550 til 1800. Þá varð síðast stórkostleg breyting á hóbýlum manna og húsgögnum, búningi karla og kvenna o. s. fr., sem áður er á vikið. Þessu tímabili mætti auðveldlega skipta í undirdeildir eptir öldunum, því að ártöl standa á svo mörgum gripum frá þeim öldum, en þess virðist varla þörf í þjóðháttasögu Íslands, því að á því tímabili urðu engar stórkostlegar breytingar. Vær höfum þegar fengið allmarga gripi frá hverju þessara tímabila, sem margir hverir eru mjög merkir, eins og skýrslan ber vott um. Þó eru þeir, sem von er, misjafnlega merkir, og einstakir þeirra ættu fremur heima í öðrum söfnum; en það þótti

¹) Samanber Sigurðar registur um Hólastað; þar er getið um „tvær fallbyssur, er keyptar voru fyrir sextán hundruð, níu haka-byssur fyrir níu hundruð og hálfhaka sjö“.

²) Magnús Jónsson gamli, sýslumaður fyrir vestan, vildi halda fram vopnaburði; ágrip af vopnadómi hans frá 1581 er í Annálum Björns á Skarðsá 1, 270—80, en það bar lítinn árángur til frambúðar.

varhuga vert að neita þeim viðtöku til safnsins, er þeir buðust, með því að þeir eru merkir í aðra stefnu, enda vantar þau söfn að nokkru leyti hér á landi, sem þessir hlutir ætti eiginlega heima í.

Þó að forngripasafnið hafi nú fengið svo marga styrktarmenn hér á landi, er hafa auðgað það að góðum gripum, þá má svo að orði kveða, að það hafi alltaf verið og sè enn að berjast við öndina, því það hefir alltaf skort sè til viðurhalds, og fáir hafa orðið til að liðsinna safninu í því efni. Stiptsyfirvöldin hafa veitt því tvívegis lítillfjörlegan styrk, eptir áskoran okkar umsjónarmannanna, til skápakaupa og annars (nr. 187—189), samtals 24 rd. 40 sk., af sè því, sem ætlað er til óvissra útgjalda Íslands, enda fengu þau litlar þakkir fyrir það örlæti sitt hjá stjórninni (bréf dómsmálastjórnarinnar 1. Juli 1865).¹ Það er þó auðvitað, að slík stofnan, er felur í sèr andlegan fróðleik, hlýtur að hafa talsverðan kostnað í för með sèr, og það getur enganvegin verið sanngjarnt, að allur sá kostnaður liggi á einstökum manni, heldur á hann auðsjáanlega að liggja á öllu landinu, sem er eigandi safnsins og hefir af því gagn og sóma. Af þessum ástæðum höfum við forstöðumennirnir þrívégis knúð á náðardyr stjórnarinnar, og beðið um 300 rd. árlegan styrk handa safninu úr ríkissjóði, sem okkur virðist vera hið allra minnsta, er það geti komið af með. Fyrst stiptsyfirvöldin (1863), þá konferenzráð Thomsen, forstjóri forngripasafnsins í Kaupmannahöfn (1864), og

¹) Tilbindi um stjórnarmál. Íslands II, 191; þar segir dómsmálastjórnin, að hún „lætur útborgun þessa standa óraskaða, en framvegis má ekki greiða nein þesskonar gjöld úr ríkissjóðnum“. Það kann að vera vafi á, hvort dómsmálastjórnin hafi með þessum orðum viljað banna, að greiða framvegis nokkurn styrk til forngripasafnsins, eða þá heldur að greiða útgjöld „í von um samþykki stjórnarráðsins“ eptirá. J. S.

stíðast alþíng (1865), mæltu kröptuglega fram með bænarskrám vorum. Kirkju- og kennslumálastjórnin gat heldur eigi annað en kannast við, að fyrirtækið væri gott og nýtsamlegt, og var bæn okkar heldur meðmælt (sbr. bréf hennar 15. Februar 1864 og 3. Februar 1865¹, en dyrnar upp lukust eigi að heldur, því að fjármálastjórnin stóð föst fyrir. Jafnframt þessum tilraunum okkar við stjórnina leituðum við bæði bréfliga og munnlega til einstakra manna hér á landi um einhverja bráðabirgðarhjálp, og varð árángurinn lítill. Þó má geta þess, að stúdent Páll Pálsson í Reykjavík gaf safninu auða bók eða prótokoll, og Jónas Jonassen faktor í Reykjavík gaf því glerrúður yfir skápa, er kostuðu 3 rd. 64 sk. Enn fremur gekkst Helgi Sigurðsson á Jörva fyrir samskotum fyrir vestan (1865), og urðu þau að upphæð 2 rd. 64 sk. Til hlunninda safnsins má telja það, að það hefir hingað til haft ókeypis húsnæði á stíptsbóka hlöðunni á dómkirkjuloftinu í Reykjavík, en hvorki er sá staður allskostar hentugur, sökum rúmleysis, enda getur það skjól brugðizt, þegar minnst varir, og lítur út fyrir að innan skamms muni verða. En þó að menn teldi eigi húsnæði með bráðustu þörfum þess, þá eru þær þó ærið margar, svo sem opt hefir verið tekið fram. Þegar við sáum, að munnlegar eða skriflegar áskoranir fyrir safnsins hönd voru eigi einhlítar, þá fengum við í vetur sem leið í Decembarmánuði nokkra Reykvikínga með okkur, til að annast um og senda með okkur prentaða „Áskoran til Íslendinga“ um bráðabirgðarsamskot handa safninu, og er hún þannig hljóðandi:

„Áskoran til Íslendinga.

Einhver hin nýtsamasta og nauðsynlegasta stofnan
hér á landi er FORNMENJA- OG ÞJÓÐGRIPASAFN ÍSLANDS

¹) Tíðindi um stjórnarmálefni Íslands II, 9. 143.

í Reykjavík. Það er sannnefnt safn til sögu Íslands, og er eða getur orðið engu síður fróðlegt fyrir söguvora en íslensk handritasöfn, t. a. m. safn Árna Magnússonar, og felur enda ljósari og áreiðanlegri þekkingu á fornöldinni í sér, það sem það nær, en nokkurt bókrit. Safn þetta var stofnsett árið 1863 með gjafabréfum þeirra Helga Sigurðssonar á Jörva (nú prests á Setbergi), 8. Janúar, og Jóns Sigurðssonar á Gautlöndum, 15. Augúst. Síðan hafa allmargir orðið til að senda því ókeypis góða gripi. Nú eru samtals komnir hingað til þess um 360 gripir, og loforð hafa fengist fyrir nær því eins mörgum gripum, sem enn eru ókomnir. Hagur safnsins stendur enn mjög völtum fótum: gjafir til þess, er losað hefur verið úti um landið, geta eigi náðzt, hinar nauðsynlegustu hirzlur fyrir það verða eigi fengnar og skýrslur um muni þess verða eigi prentaðar svo fljótt, sem þörf gjörist, — allt sökum peníngaleysis. Því verður þó eigi um kennt, að eigi hafi verið leitað um styrk til stjórnarinnar handa því, því að þrívægis hefur verið farið að henni bónarveg: fyrst haustið 1863 með röggssamlegum meðmælum stíptsyfirvaldanna, þá haustið 1864 með öflugri meðmælingu konferenzráðs Thomsen, forstöðumanns fornmenjasafnsins í Kaupmannahöfn, og síðan 1865 með tilstyrk alþingis, en hingað til hefur stjórnin daufheyrzt við öllum þeim bænum. Vær sjáum því engin önnur úrræði, ef safninu á að verða borgið, en að vær Íslendingar sjálfir skjótum saman nokkru fê handa því, að minnsta kosti til hinna bráðustu nauðsynja þess, og sýnum stjórninni þannig í verkinu, að oss sé full alvara að vilja hafa safnið og blynnna, að því, enda er eigi ólíklegt, að stjórnin þá fari að gefa því meiri gaum en hingað til.

Af því, að svo brýna nauðsyn ber til að styrkja safnið nú þegar, og með því að vèr finnum oss skylt málið, þaræð safnið er sameiginleg eign allra vor Íslendinga, þá höfum vèr, er ritum nöfn vor hér undir, komið oss saman um að gángast fyrir samskotum handa því. Vèr vitum reyndar, landar góðir! að margir yðar eru lítt aflagsfærir, en vèr vitum það og, að „mikið má, ef vel vill“, og það hafið þér margopt sýnt með samskotum til annara fyrirtækja. Því viljum vèr leyfa oss að skora FASTLEGA á yður, æðri og lægri, að styðja þetta þjóðlega fyrirtæki með nokkru fjárframlagi; og þér, sem hafið af litlu að miðla! blygðizt yðar eigi að gefa lítið, en gætið þess, að „mart smátt gjörir eitt stórt“ (— gæfist, t. a. m., einn skildíngur fyrir nef hvert á Íslandi, yrði það yfir 600 ríkisdali —). Vèr vonum fastlega, að þér kunnið að meta safnið réttilega og vilið eigi, að fornmenjar þær, er enn eru eptir úti um landið eða síðar kunnu að finnast, glatist sökum áhugaleysis eða samtakaleysis sjálfra vor, og vèr treystum því, að þér því ALMÉNNT verðið vel og drengilega við þessari áskoran vorri, eins og sæmir mentaðri þjóð, er ber virðingu fyrir þjóðlegum fróðleik, og vèr berum því fremur traust til yðar í þessu efni, sem Íslendingar ávallt hafa haft mætur á fornöldinni, og margir yðar hafa þegar sýnt mikinn áhuga á að bjarga fornmenjum, með því að senda þær að gjöf til safnsins. Látið eigi þetta traust vort til yðar bregðast, landar góðir! og skorizt eigi undan að vinna sjálfum yður og ættjörðu vorri sóma og gagn á þenna hátt.

Hver, sem áskoranarbréf þetta er sent, er beðinn að senda það aptur og gjafir þær, er hann getur safnað, annaðhvort til einhvers af oss, er ritum þetta,

eða til þess, er fyrir vora hönd sendir það, og gefendurnir eru beðnir að rita sem greinilegast á það nöfn sín og upphæð gjafanna.

Reykjavík, 12. dag Decembermánaðar 1866.

*Eggert Ólafsson Brím. Jón Árnason. Jón Þorkelsson.
Lárus P. Blöndal. Ólafur Finsen. Páll Melsted.
Sigurður Guðmundsson”.*

Þessi áskoran var hefir þegar haft nokkurn árángur, og vér höfum fulla vissu fyrir, að hún ber meira árángur hér eptir, því að ymsir hafa lofað gjöfum, sem enn eigi hafa sent þær til safnsins, og mega undirtektir manna heita góðar í eigi betra árferði. Slík samskot geta þó aldrei orðið nema til bráðabirgða, og höfum við því enn farið þess á leit við alþing, að það reyndi til að útvega safninu árlegan styrk, helzt úr rikissjóði. Þingið kannaðist við brýna nauðsyn þess, eins og 1865, og var það samþykkt með miklum atkvæðafjölda að rita konungi bæna-skrá þess efnis, hver sem nú árángurinn verður.

Eitt það, sem brýna nauðsyn ber til að gjöra, er að auglýsa sem fyrst skýrslur um gripi þá, er gefast safninu, til þess bæði að koma í veg fyrir, að gefendurnir tortryggi umsjónarmenn safnsins, eins og eigi hefir verið laust við, og til þess, að menn geti lært að þekkja það og meta, og verði því fúsari á að fulltíngja því, enda er skylt og maklegt að halda á lopti minningu og nafni þeirra manna, er styrkja þetta þjóðsafn vort og eigi skirrast við að leggja í sölurnar það gagn eða skemtan, sem þeir kunna sjálfir að geta haft af að eiga hina einstöku gripi, heldur sýna, að þeir kunna að meta sóma og gagn þjóðarinnar meira en augnagaman sjálfra sín. Ritstjóri Þjóðólfs hefir að þessu leyti talsvert hlaupið undir bagga með safninu, og auglýst á sinn kostnað

mikið af gripum þess, alls 161 grip árin 1863—65, hefir safnið eflaust unnið sér hylli margra fyrir þær skýrslur og þannig haft mikinn hag af því. Þó gat safninu eigi verið þetta einhlítt, því að skýrslur fengust eigi prentaðar svo fljótt, sem þörf gjörðist, svo að í Decembarmánuði 1866 var allt óauglýst fyrir tvö hin síðustu árin, og engar líkur til að fá meira prentað að svo komnu; þá var hálfarkar skýrsla prentuð sem viðaukablað Þjóðólfs (22. December) á kostnað einstakra manna, og voru þar auglýstir 70 gripir, er gefizt höfðu 1865, en þetta var í eitt skipti fyrir öll, svo safnið var litlu nær. Úr þessum kröggum höfum vér nú þá von að Bókmentafélagið bæti, og að það annist prentan skýrslna þessara fyrst um sion, enda kemur það vel heim við ætlunarverk félagsins, að útbreiða bæði erlendis og hér á landi fróðleik þann, er felst í fornmenjum vorum, að svo miklu leyti sem honum verður lýst í jafnstuttum skýrslum og þessum, sem engar myndir fylgja. Það þótti bezt við eiga, með því að þess var kostur, að byrja frá upphafi, bæði af því, að erfitt er að fá glöggf yfirlit eða geta borið samkynja gripi saman í hinum sundurlausu skýrslum í Þjóðólfi, er margir munu hafa þegar glatað, og sömuleiðis af því, að þörf þótti á að gefa ítarlegri skýrslur um sumt, einkanlega um Baldursheims fundinn, enda eru eigi all-fáar stafvillur, töluvillur og jafnvel orðavillur í skýrslunum í Þjóðólfi, og áletranir eigi svo nákvæmar, sem skyldi, en nú hefir verið leitast við að hafa þær svo nákvæmar að allri réttiritan, sem unnt er, þegar þær eru eigi prentaðar með sama letri, en særðar til venjulegs bókleturs.

Reykjavík, 5. August 1867.

Höfundurinn.

1. ¹⁵/₇ 63. Jón Illugason, bóndi í Baldursheimi við Mývatn¹: TENÍNGUR og 24 TAFLTÖFLUR. Töflurnar eru sumar af tónn og sumar af beini. Svo er að sjá, sem helmingurinn af þeim hafi verið rauður, en hinn hvítur. Hóla er neðan í þær allar, en að ofan eru sumar hnöttóttar, en sumar með háfan og hvassan odd. Það getur verið nokkuð vafasamt, hvaða tafl þetta sè. Kotrutafl getur það naumast verið, nema því að eins, að það hafi verið teft allt öðruvísi en nú, því bæði eiga töflurnar í því að vera flatar, svo hverja megi leggja ofaná aðra, ella eru þær dræpar, og svo eiga þær að vera 30 að tölu, þar sem þessar eru að eins 24. Þó munu sumir erlendir nú telfa hana með 12(?) töflum, því að kotra með 12 töflum er farin að flytjast hingað í búðir. Enn fremur er það mjög óvíst, að kotra hafi verið kunn orðin á Norðurlöndum á 9. og 10. öld, sem þetta tafl er frá, en hún mun vera frakkneskur leikur, eins og tölunöfnin á teníngunum og eins nöfnin mor eða mar og jan benda til. Að vísu er

¹) Fremsta talan við hvern grip í skýrslu þessari merkir þá tölu, eða númer það, sem gripurinn er einkennður með. Þá er viðtökudagurinn talinn í brotaformi (t. a. m. ¹⁵/₇ = 15. Juli) eða með „s. d.“ (= sama dag), og við þá fáu gripi, sem láðzt hefir eptir að rita viðtöku daginn (fyrsta árið), er það táknad með „/“. Þá stendur nafn gefandanna í nefnifalli, og er stètt þeirra og heimili talin, sem þá er þeir gáfu, en eigi tekið tillit til þeirra breytinga, er síðan hafa á því orðið. Við þá fáu gripi, er keyptir hafa verið, er þess getið sérstaklega. Síðan er skýrt frá gripunum sjálfum.

tenínga snemma getið, t. a. m. í Ólafs sögu hins helga, kap. 89 (um 1019), en það sannar eigi að kotra hafi verið þekkt. Í Grágás er minnst á verpla, sem kunnu að vera sama sem teníngar, en þó gæti vel hugsast, að verplakast væri sama og keilukast, og hefði verið hafðir til þess smáir tunnulagaðir knettir (sbr. orðin bjórverplar og ölverplar). Í Sturlúngu (v, kap. 31) er getið um tenínga í sambandi við tölurnar daus og ás (um 1234), og s. st. (III, kap. 26) er getið um tafl (skáktafl) og kotru (um 1198), og s. st. (v, kap. 48) er og nefnd kvotra (um 1237). Í Biskupa sögum (I, bls. 596) er enn getið kvotru á dögum Þórðar Sturlusonar (1165—1237). Eg ætla því, að kotru muni eigi getið í áreiðanlegum sögum fyrr en á 12. öld, en þó að hún (kvotra) sé nefnd í Karlamagnúsar sögu (bls. 470 og 486), þá sannar það eigi, að hún hafi fyr flutzt til Norðurlanda en hér er talið. Talan á þessum tölum frá Baldursheimi stæði heima, ef þær hefði verið hafðar í ofanfellíngartafl, en á því er hinn sami annmarki, að í því á að leggja hverja töflu ofaná aðra, sem nafnið sýnir, og væri þetta ofanfellíngartaflis tölur, hefði fornmennt orðið að tælla það allt öðruvísi, sem þó er varla hægt. Í fornritum vorum er talað um tvennskonar töfl, er hér geta komið til greina, hnottafl eða hnettafl, og hnefatafl eða hneftafl. Í Gullþóris sögu (kap. 14) og Flateyjarbók (I, bls. 463) er getið um hnettafl, og í Krókarefs sögu (kap. 10) er getið um hnettafl af tönun. Af Grettis sögu (kap. 70) má sjá, að hnottaflstöflur hafa haft odd upp úr sér, eins og þessar 24 tölur, sem hér eru, því að þar segir, að Þorbjörn aungull tefdi eitt sinn „hnettafl; það var stórt halatafl“. Stjúpmóðir hans gekk þar hjá og yrtist við hann, unz þau reiddust bæði. Þá greip hún eina töfluna og kastaði að Þorbirni, og er svo að sjá, sem töfluballinn hafi komið í augað, því að það lá úti á kinn. Í sögunni

af Vilmundi viðutan (kap. 8) er talað um hala á hnefataðflu, er höfð var fyrir skotspón, og sýnir það, að þær töflur hafa og haft líkt lag, og hala eða odd uppúr. Nasnið hneftafl kemur fyrir í Ragnars sögu loðbrókar (kap. 16) og í Fornmanna sögum (IV, bls. 29, og II, bls. 271 — á þeim stað er og nefnt hneftafl neðanmáls). Í Friðþjófs sögu (kap. 3) er ýmist nefnt hnefatafl eða hnottafl, en þar á sjálfsagt að vera hnefatafl, sem síðar mun getið. Í gátum Gests hins blinda í Hervarar sögu er getið um bæði töflin. Þar er fyrst gáta um skáktafl, síðan um hnefatafl (25—26. er.) og síðast um hnottafl (31—32. er.). Í flestum útgáfum Hervarar sögu er nasnið hnefatafl tekið upp í textann í síðustu gátunni (31—32. er.), en útgáfa Stepháns Björnssonar tilfærir neðanmáls lestrarháttinn hnottafl, sem vafalaust er hinn eini rétti¹, því að það er auðsætt af gátunni, að í henni er talað um allt annað tafl, en í gátunni um hnefann. — Í hnefataflsgátunni er talað um „brúðir” eða „drósir” (töflur), er vegi „drottinn” sinn „vopnlausar” (eða „vopnlausan”), og áttu hinar hvítu að vega gegn honum, en hinar dökkvu að verja hann. Þessi „drottinn” eða konungur er hnefinn, sem virðist hafa verið æðstur, líkt og konungur í skáktafli, og mun hafa verið stærri en töflurnar sjálfar og öðruvísi lagaður. Þetta styrkist af Friðþjófs sögu (kap. 3); þar talar Friðþjófur um hnefa, er sýnir að hann hefir teft hnefatafl, og miðar þó til Hríngs konungs, og bendir það á konungstign hnefans. Þar er og talað um „rauðar” töflur, og kemur það vel heim við litinn á þeim, er hér er um að ræða. Vel gæti verið, að beinmyndin (nr. 6), sem fannst með tafla þessu, sé einmitt hnefi úr hnefatafli, því að öll líkindi eru til, að mannsmynd hað verið á hnefanum. — Í gátunni um húnann í Hervarar sögu segir, að hann sé allur

¹) svo hefir einnig sagan í Fornaldar sögum Norðurl. I, 476.

„járni urinn í kríng“, haði „átta horn“ og ekki „höfuð“, og að því „dýri“ fylgi mjög margir (þ. e. nefnilega töflurnar). Að húninn sé allur í kríng „járni urinn“ ætla eg að eins vera til að villa gátuna, og muni eiga að merkja, að hann sé sorflinn með þjöl að utan. Þar sem sagt er, að hann haði ekki höfuð, en átta horn, þá virðist liggja nærri að álykta af því, að hann haði verið í laginu sem teníngur, og að teníngur sá, sem fannst með töflum þessum, sé einmitt hún úr hnottaflí, er jafnframt haði verið hafður fyrir teníng. Teníngurinn er aflángur og mjög áþekkur ymsum, er fundizt hafa í Danmörku. Á hliðunum standa 3 og 6 andspænis og sómuleiðis 4 og 5, sem, ef það er lagt saman, hvort um sig myndar hina fornu helgitölu 9, en á endanum hafa staðið 1 og 2. Þess hefir áður verið getið, að teníngar sé nefndir nokkuð snemma hér á landi, þó að eigi sé getið um þá í sambandi við kotru fyr en á 12. og 13. öld. Að teníngur þessi sé eigi úr kotrutaflí styrkist enn fremur af því, að hann fannst að eins einn, og optar hefir einn teníngur fundizt sér í útlöndum, enda bendir Guðmundar saga biskups (Biskupa sögur II, 177) á, að menn haði stundum haft að eins einn teníng; af Fornmanna sögum (IV, bls. 210) má þó sjá, að menn hafa einnig haft tvo tenínga. Hefði teníngur verið notaður í hnefataflí, mundi þess vera getið í Hervarar sögu og Friðþjófs sögu, og er miklu eðlilegra að ímynda sér, að teníngur þessi haði verið hafður fyrir huna í hnottaflí, sem Hervarar saga bendir til, og áður var á drepið. Hnottaflíð eða hnettaflíð mun í rauninni vera hið sama tafl og vèr nú köllum refs-kák, sem alls eru í 13 töflur með tóunni. Það mun draga nafn af því, að það haði upprunalega verið teft með hnotum, líkt og refs-kák hjá oss er opt teft með kvörnum, enda eru töflur þessar frá Baldursheimi allsvipaðar hnotum í laginu. Húninn mun eiga að merkja bjarn-dýrshúna, enda segir í gátunni um hann,

að hann dregi fê manna með fláræði. Nöfnin „húni“ og „fê“ hafa nú smásaman flenzt eða breytt, eptir því sem til hagar á Íslandi, í tóu og lömb, því hér er það einkum tóan, er bitur fê manna og helzt lömbin, enda er tóan opt kölluð dýr á Íslandi, svo sem húninn í Hervarar sögu, og þau lömb dýrbitin, er tóan bitur. Líkt mun standa á með danska taflíð „*hunden efter haren*“, að það mun eiga ætt sína að rekja til hnottaflsins. — Það hefir áður verið sýnt, að bæði hnefataflstöflur og hnottaflstöflur hafi haft hala eða odd uppúr sér, sem þessar töflur. Ymsar slíkar halatöflur hafa fundizt erlendis, og kalla Danir bæði þær, og eins hinar, sem eru flatar og sléttar að ofan eins og kotrutöflur, dammtöflur eða „*dambrikker*“, en það get eg enganvegin álitíð alls kostar rétt, því eins miklar líkur eru fyrir, að þær flötu og sléttu sê einmitt kotrutöflur. Það sêst heldur enginn vottur til þess í íslenskum bókum, svo að mér sê kunnugt, að fornmennt hafi þekkt tafl það, er Danir kalla „*dam*“, að minnsta kosti eigi með því nafni. Mönnum kynni að koma til hugar, að hnefatafl væri sama og „*dammur*“, eða svipað dammi, eða að dammur sê myndaður úr hnefatafli, með því að í dammi eru hafðar 24 töflur, svo sem virðist hafa verið í hnefatafli; en það þykir mér þó næsta ólíklegt, því að eg veit eigi til, að í dammi sê nokkurstaðar í útlöndum hafður nokkur konúngur eða hnefi, sem hnefataflíð þó er kennt við, og virðist því vera hið einkennilega í því, enda mundi hið upprunalega nafn á taflinu haldast einhverstaðar í útlöndum ef svo væri, en það hefi eg hvergi orðið var við. — Af því, sem sagt hefir verið, þykir mér sennilegast, að hér sê sameinað hnefatafl og hnottafl, og hafi þessar 24 töflur, 12 rauðar og 12 hvítar, verið nægilegar til að tesla með hvorttveggja, og sê þá beinmyndin (nr. 6) hnefinn og teningurinn húninn. Slíkar sameiningar ymsra tafla munu hafa

verið tíðar í fornöld. Í Krókarefs sögu er þess getið um sama taflid, að „það var bæði hnotttafl og skáktafl“. Það er og algengt hjá oss, að töfl eru sameinuð, svo sem að hafa kotru innan í skáktaflsborði, en skákborð og refsák utaná, eða þá skákborð og mylnu (á dönsku: „*tafl og mölle*“). Í henni eru 18 töflur). Ef þessi ágizkan er rétt, þá höfum vér hér fullkomið hnefatafl og hnotttafl, og vantar að eins borðið. Þá er eptir að vita, hvernig borðin hafi verið. Hnotttaflsborðið ætla eg að muni hafa verið sem refsákabborð, af þeim ástæðum, sem áður eru færðar fyrir því, að hnotttafl muni vera sama og refsák, en um hnefataflsborðið er allt óglöggvара. Í Víglundar sögu kap. 21 er getið um tafl með borði, sem hefir reiti, og sem teft er með töflum, og hefir það að líkindum verið hneftafl, en reitir eru kallaðir á skákborði, og gæti menn því ímyndað sér, að þau hafi verið lík. Enn er að minnast á holurnar, sem eru neðan í hverri töflu, og hafa menn ímyndað sér, að þær hafi verið til þess, að töflurnar skyldi eigi færast úr stað, er víkingar sátu að tafla á lángskipum sínum í sjálfargangi, og hafi því hlotið að vera smálittir upp úr taflborðinu, er töflurnar hafi verið settar ofan á,

2. (¹⁶/₄ 63. Jón Illugason í Baldursheimi): SVERÐ, mjög ryðbrunnið og ryðgað í parta. Þegar sverðið fannst, var meðalkastinn dottinn af, svo að eigi mátti sjá lengd hans nè lag, en lengd og breidd sverðsins mátti mikiðtil sjá, og skýrt sást votta fyrir eggleinum. Þó að talsvert væri brunnið burtu framan af blóðressinum (oddinum), mátti sjá, að brandurinn hefir upprunalega að minnsta kosti verið ein alin og sex þumlungar upp að hjöltum, en 2 þumlungar og 2 línur á breidd upp við þau. Hjöltun voru einn þumlungur á breidd og 4 þumlungar á lengd. Þau eru bein þegar horft er á blið sverðsins, en breiðust í miðju og ávöl til endanna, þá horft er ofaná hjöltin; er það lag

eins og tíðkaðist á 10. og 11. öld¹. Á þeim mátti glöggst sjá, að þau höfðu upprunalega verið smelt, það er að segja gullrekin eða silfurrekin, því að annars vegar á þeim sást votta fyrir grind, eða sem brugðnum knút, sem smelt hefir verið inn í hjöltun af öðrum málm, og sást sarið eptir skýrt, en sá málmur var að mestu dottinn burtu. Nú sèst eigi framar votta fyrir því, þareð sverðið hefir talsvert skemmzt í flutningnum, af því, hve mjög það var ryðbrunnið, en þessi lýsing er tekin eptir hinni nákvæmu skýrslu og vönduðum uppdrætti Arngríms Gíslasonar, sem alls engin ástæða getur verið til að vefengja. Eptir uppdrætti hans hefir þessi knútur eða rós, sem smelt hefir verið inn í hjöltun, verið gjör í likum eða sama anda og á tveim skrautsverðum, er fundizt hafa: annað í Noregi og annað í Danmörku; og bera þessar ryðbrunnu leifar órækt vitni um það með sögum vorum, að Íslendingar hafi, eigi síður en aðrar þjóðir á Norðurlöndum, borið því lík skrautsverð. Sverð þetta hefir verið meðalsverð, eptir þeim sverðum að dæma, er eg hefi séð frá Danmörku og Svíþjóð frá sama tíma (fyrir 1000).

3. S. d. Sami: FJADRASPJÓT, æði ryðbrunnið; þó sèst allt lag á því, og hefir það verið vandað að öllu og ágætlega smíðað. Lítið er ryðgað af eggjum þess; munu menn hërumbil sjá hina upprunalegu breidd þess, og er hún einn þumlungur og ein lína, þar sem fjöðrin er breiðust fyrir framan falinn. Aptan af falnum er nokkuð ryðgað, óvíst hvað mikið, en hann er 10 línur á þykkt, þar sem hann er digrastur. Af oddi spjótsins er að eins lítið ryðgað, og er fjöðrin 10 þumlungar á lengd; sjást á henni skyggðir blettir hær og hvar. Lengd alls spjótsins er nú 15 þumlungar og 5 línur. Annað spjót samskonar hefi eg fengið að austan (sbr. nr. 44). Það er ámóta á breidd og þetta spjót, en 12 þumlungar á lengd allt, enda er nokkuð ryðgað framan af oddinum og

¹) sjá. nr. 22.

talsvert aptan af falnum. Þessi spjót eru lengri og rennilegri en flest spjót, er eg hefi séð í Danmörku frá þeim tíma. Þau munu bæði vera frá sama tíma, frá því fyrir 1016, er hin breiðu spjót tóku að tíðkast hér á landi (Grettla, kap. 45).

4. (¹⁶/₇ 63. Jón Illugason í Baldursheimi): Leifar af TYGILKNÍF. Hann er brotinn í tvennt upp við skaptið, og nokkuð er brotið framan af oddinum. Hann er eineggjaður og með þykkum bakka. Á honum er trèskapt, með húfulöguðum járnhólk að framan, sem gat hefir verið í að framan fyrir tångann. Að líkindum hefir annar hólkur verið á aptanverðu skaptinu. Þó er það eigi með öllu víst, því að megnið af eþra hluta skaptisins er fúíð af. Þó að talsvert sé brotið af oddinum, er auðséð, að knifurinn hefir verið frammjór. Blaðið er nú 2½ þumlungur á lengd, en mun upprunalega hafa verið rúmir 3 þumlungar. Knífur þessi hefir verið mjög líkur að stærð og lagi knífum þeim, er Norðmenn bera enn við belti sín. Þeir eru jafnan með hólkum á skaptinu bæði að aptan og framan, og svo má ætla, að verið hafi á þessum, enda er það víst, að fornmenn höfðu slíka knífa, því að í þorfinns sögu karlsefnis (kap. 3) segir, að knífur þorbjargar völvu var „tvíhólkaður af eiri“, eða með tveimur eirhólkum.

5. S. d. Sami: Leifar af ÖXI eða PÁLSTAFSBLAÐI. Pálstafir eru að mestu ókunn vopn, að minnsta kosti úr járni (sbr. annars nr. 114), og er mér næst að ætla, að þetta muni heldur vera hið þykkvasta af öxi fyrir neðan augað, enda virðist hér móta fyrir auganu. Hvers konar öxi það hafi verið, verður elgi séð, en mjög þunn hefir hún orðið að vera, með því að hún er meira eydd af ryði en allt annað, er með henni fannst og sjálfsagt hefir legið jafnlengi í sömu jörðu, enda er líklegt, að axir fornmannna hafi verið mjög þunnar, er þeir báru þær í annari hendi sem sverð, en skjöld í hinni. Maður sá, er þetta hefir átt, hefir því haft meira en alvæpni, er

hann hefir haft skjöld, sverð, spjót, týgilkníf og enn öxi (eða pálstaf).

6. S. d. Sami: BEINMAÐUR eða mannsmynd skolin úr beini. Það er mannsmynd ofan að mitti, og er í kyrtli eða ólpu, og hefir hölt á höfði með eyrum á hliðunum; það bendir til, að siður hafi verið í fornöld að hafa þesskonar dýraeyru á báðum hliðum á höttum. Hettir með eyrum sjást og myndaðir á þesskonar myndum, sem til eru á forngripasafninu í Kaupmannahöfn, og má ætla, að þær sé því frá sama tíma og þessi, eða frá því fyrir 1000—1016, og eigi eldri en frá 9. öld. Eftirlaginu gæti mynd þessi vel verið taflmaður eða skákmaður, en væri hún það í raun og veru, mundi fleiri þesskonar menn hafa fundizt með henni, og þó að hinir hefði verið úr trè, er líklegt, að einhverjar menjar þeirra hefði sézt, með því að megnið af týgilknífsskaptinu (nr. 4), sem þó er úr trè, var heilt. Menn gæti og ímyndað sér, að mynd þessi hefði verið goð eða hlutur úr þússi manns, því að fornmenn báru títt goðalikneski í þússi sér, er þeir kölluðu hluti, og voru þau gjör úr tönn eða silfri. Þess er getið um Íngimund hinn gamla Vatnsdælagóða (Vatnsdæla, kap. 10), og Hallfreðar saga vandræðaskálds bendir á hið sama. Hluti þessa höfðu fornmenn er þeir vörpuðu hlutkesti, eða og til að segja sér óorðna hluti, og má sjá slíkt af því, er sagt er um hluti Einars skálaglams (Jómsvíkinga saga, kap. 42). Þesskonar hlutir hafa fundizt fyrr á Íslandi (sjá Ferðabók Eggerts og Bjarna bls. 1035).

Af þessum ástæðum datt mér fyrst í hug, að beinmaður þessi kynni að vera skákmaður, eða þó öllu heldur hlutur, og því er hann tölusettur sér í dagbók forngripasafnsins, en síðar hefir mér komið til hugar, að það mundi vera hnefi úr hnefatafli, eins og getið er hér að framan (bls. 39), svo að hann ætti að fylgja taflinu (nr. 1), og þykir mér það hið líklegasta.

7. ($1\frac{1}{4}$ 63. Jón Illugason í Baldursheimi): SKJALDARBÓLA eða BUKL af skildi. Það er kollótt bóla, sem upprunalega hefir verið hërumbil $3\frac{1}{3}$ þumlúngs þvert yfir, en 1 þumlúngur og 7 línur á hæð, með barði allt í kring að neðan, og hafa í því verið naglar, sem bólan hefir verið fest með við skjöldinn. Skjöldur þessi hefir að öllum líkindum verið buklari og mun hafa verið járnrendur, því að hinir lausu naglar, er fundust hjá honum, eru fleiri en svo, að þeir geti eingaungu verið úr bólunni, og eru þá líklega úr skjaldarröndinni. Lík bóla og þessi hefir fyrir nokkru síðan fundizt í Hildishaugi (landnámamanns), sem er nálægt Kirkjubæjarklaustri á Síðu. Vær höfum því þegar tvenn rök fyrir því, að buklarar muni hafa verið hafðir hér í heiðnum síð, þó að hinar elztu sögur vorar geti sjaldan um þá. Þeirra er optar getið á Sturlunga öld, og virðast þeir þá hafa verið orðnir tíðari.

8. S. d. Sami: Lítið JÁRN, 3 þumlúnga langt. Það er breitt í báða enda, en mjótt í miðju, og hefir annar endinn auðsjáanlega brotnað frá einhverju. Til hvers járn þetta hafi verið haft, getur mér eigi komið til hugar. Utan um járn þetta annars vegar og um annan enda þess hefir vafizt eitthvað af klæðum þess manne, er það var heygt með, og sést á einum stað bæði horn og jaðar af klæðinu. Klæði þetta er alveg orðið að járn, en allir þræðirnir sjást enn eins greinilega og á hálfslitnu vaðmáli. Eigi verður sèð, hvort klæðið er ofið úr líni eða ull, en vendin á því er sem á vaðmáli, sem vel er gefið í, nú á dögum, en eigi sem á einskeptu. Bandið hefir verið viðlíka smátt og í meðalvaðmáli nú, eða öllu smærra. Í Ferðabók Eggerts og Bjarna (bls. 1035) er þess getið, að um 1720 hafi fundizt gylltar hlutaskálir eða metaskálir við Knafahóla, þar sem Gunnar á Hlíðarenda barðist við Starkað undan Þríhyrningi og sonu hans (um 987), en á botni skála þessara sást mótað far eptir smágjört lèrept, er legið hafði við botn þeirra. Á

Þessum tveim fundum má með vísu ráða, að fornmenn hafi á 10. öld getað oðð tvennskonar vefnað, jafnsmáan og nú er almennt oðð, og er slíkt mikilsvert og áreiðanleggra en allar sagnir. Eigi er ólíklegt, að í útlöndum kunni að finnst þvílík slitur af steingjörvum klæðum á vopnum fornmanna, og kynni mikið að mega af því læra um vefnað þeirra, ef vandlega væri að gætt¹.

9. S. d. Sami: HEINERÝNI með gati í endann. Það er tveir þumlúngar og 4 línur á lengd. Gat hafa menn haft á slíkum brýnum, til þess að geta fest þau við sig, enda hafa fornmenn jafnan haft heinar hángandi við belti sér, til þess að fægja með vopn, sem hlýða þótti, og brýna þau, svo sem segir um Óðinn í Bragaræðum (Snorra edda, kap. 58), að hann tók hein af belti sér og brýndi ljái þræla Bauga jötuns. Í Sturlúngu (IV, bls. 62) segir, að Sighvatur Sturluson þóttist hafa hein í þússi sér, er hann þóttist nú á egg á öxi Snorra bróður síns. Þesskonar brýni hafa og fundizt í útlöndum og hér á landi, og á safnið þegar fjögur önnur með gati í endann, en þrjú af þeim eru með stærra og grófara móti, og eitt þeirra tinbúið².

10. S. d. Sami: BITILL eða KJAPTAMÆL úr járn. Þau eru sem mæl af vanalegu bandbeizli eða hringabeizli, enda mun mega telja víst, að menn hafi hér einúngis haft hringabeizli á söguöldinni. Mæl þessi eru fjórir þumlúngar á milli hringanna, en hringirnir eru tveir þumlúngar þvert yfir, og mega þau því kallast í minna lagi. Á háskólasafninu í Kristjaníu í Noregi eru tvennir líkir bitlar, er Norðmenn ætla að sé frá heiðni. Annar þeirra er þó nokkuð margbrotnari, og kann að hafa átt

¹) Á síðustu árunum hafa í Danmörku og víðar fundizt eigi alllitlar leifar af fornum klæðnaði og fornum vefnaði. J. S.

²) Sjá nr. 87, 264, 324 og 333.

við tvefalt beizli, en eptir rósum, sem á honum eru, má ætla, að hann sé yngri og varla frá heiðni.

11. (¹⁹/₄ 63. Jón Illugason í Baldursheimi): Lítil JÁRN-HRÍNGJA; það er hófhríngja. Hún er brotin í tvennt, en bæði brotin eru til. Hún er að eins einn þumlúngur og 8 línur á breidd, og ætla eg því fremur, að hún hafi verið sverðfetilshríngja eða beltishríngja, en af hestbúnaði. Þó gæti hugsast, að hún væri af beizli, t. a. m. kverkólarhríngja. —

Um dys það, er allir þessir gripir (nr. 1—11) hafa fundizt í, hefir Arngrímur Gíslason bókbíndari gefið skýrslu þessa: „Vorið 1860 fundust í Baldursheimi við Mývatn leifar af dysi, að öllum líkindum frá heiðni. Það er blásið upp úr holti, hërumbil 200 faðma beint í austur frá bæjardyrum, og sást fyrst höfuðkúpa af manni, sem er 17⁵/₈ þumlúngar að hríngmáli, og fannst þá um leið spjót (nr. 3). En vorið eptir, árið 1861, fannst sverð mjög ryðgað (nr. 2). Var þá farið að grennslast eptir meiru, en því miður af eptirtektalittlum únglingum, og var því óreglulega mokað upp dysið, svo ekki verður sem nánast sagt frá, hvernig leifar þessar litu út. Dysið snýr frá austri til vesturs, höfuð í austur, svo beint hofði móti dyrum, og spjótið til hægri handar og tafl (taflmaður) (nr. 6) og 24 beintöflur (nr. 1). Líka lítur út fyrir, að skjöldur hafi legið til þeirrar handar, og sjást eigi aðrar leifar þess en naglar, og lítið eitt af trè í kring. Til vinstri handar lá sverðið, og sneri oddur niður. Nokkur smástykki komu þar af járn, sem auðsjáanlega eru af umgjörð meðalkassans, slétt, en bjúg, með lítið barð á röndinni (af skjaldarbólunni). Sverðið hafði verið í trèslíðrum, og sjást leifar þess utan á sverðinu báðumegin. Hjá því lá lítið brýni, með gati í annan enda, og lítil glertala¹ brotin, með gyllingu auðsjáanlegri. Beinir láu

¹) Glertala þessi hefir eigi komið til safnsins, og er það akaði

rètt, handleggir niður með hliðum og sætur rèttir, og má kalla, að leifar þessar horfði frá landnorðri til út-suðurs. Lærleggirnir voru 17¹/₂ þumlungur, með hlössum, að lengd, og samsvarandi því að gildleika. Hérumbil einnar álnar langt frá fóttagalli dyss þessa var annað dys, að hesti, og var það krínglótt, voru leifar hryggsins hringbeygðar vestanfram, en fótleggir allir til samans austan fram, höfuð í norður, beygt inn að fótleggjunum. Engi merki fundust til reiðskapar, önnur en kjaptamæl (nr. 10), er var uppi í höfðinu, og ein lítil járnhringja. Hesturinn hefir verið í meðallagi stór, og úngur, er vel má sjá af tönnum. Hér að auki fannst lítið ryðgað járn, er menn héldu að væri leifar af lítilli öxi.

Það getur varla verið vafi á, að dys þetta og allir þeir gripir, er í því hafa fundizt, sè frá heiðni, eða frá því fyrir 1000, enda eru þeir mjög fornlegir. Það er kunnugt, að tíðska var í forneskju að grafa menn með hestum sínum og jafnvel hundum (nr. 87), svo sem segir í Svaða þætti (Flateyjarbók I, 436), að Svaði „var graffinn af sínum mönnum, ok þar með hundur hans og hestur at fornum sið“, enda sannast þetta af ymsum dysjum, er könnuð hafa verið hér á landi, svo sem á Gautlöndum (nr. 85–87). Hestar voru látnir í haug með mönnum, til þess að þeir gæti riðið til Valhallar og hingað í heim frá Valhöll (Sögubrot af fornkonúngum kap. 9, Helga kviða Hundingsbana önnur, Hákonarmál 13. er.). — Eptir að kristni var lögtekin (1000), mun kristilegur gróptur fljótt hafa orðið almennur hér á landi, sem sjá má af Njálu (bls. 146), að þeir voru grafnir að kirkju, er féllu á alþingi 1012, og menn vita enn sem komið

Því að öllum líkindum hefir hún upprunalega verið úr steinasörvi. Þó getur verið, að hún hafi síðar verið höfð fyrir knapp, með því að hún fannst ein í karlmannsdysi. Síðan höfum vèr fengið fleiri þesskonar tölur til safnsins (sjá nr. 157).

er engi rök til þess, að nokkrir hafi verið heygðir með hundum og bestum eptir það, en allt bendir á hið gagnstæða, bæði fornnrit og fornleifar. Þó að menn fyrst framan af, meðan kirkjur voru mjög strjálar, kunni að hafa verið grafnir úti á víða vangi, þá eru engi líkindi til að með þeim hafi verið grafnir hundar eða hestar, og hafi slíkt átt sér stað á laun, þá hefir það eflaust lagzt af þegar Ólafur helgi fékk hér numið úr lögum ýmislega forneskju (um 1020, sbr. Fornmanna sögur iv, 280; Flateyjarbók II, 51. 239), eða fyr (Íslendingabók kap. 7). Eins er það næsta ólíklegt, að hundar eða hestar hafi verið látnir fylgja í gröfina óbótamönnum, er dysjaðir voru utan kirkjugarðs. Það má því, eptir því sem enn er kunnugt, telja það sem öldungis gilda og óræka sönnun fyrir, að eitthvert dys sé frá heiðni, ef í því finnast hundsbein eða hrossbein saman við mannabein. Hér á landi getur það varla hafa komið fyrir, að menn og hestar hafi fallið saman og því verið dysjaðir saman, því að hér börðust menn aldrei á hestum, eins og þó kom fyrir í Noregi, en þau tvö eða þrjú dæmi, sem í sögum vorum (Njálu og Sturlúngu) koma fyrir um vopnafiðskipti á hestbaki, verða að eins af tilviljun. Sömuleiðis mun það fljótt hafa lagzt af, að grafa með mönnum vopn þeirra eða vildargripi, sem þeir eptir heiðinni trú áttu að skemta sér með í Valhöll, svo sem taffið, er fannst hjá Baldursheimi, og má því ætla, er slíkir gripir finnast í dysjum saman við mannabein, að þeir muni vera frá því fyrir 1000—1020. Enn er það fornleika merki, ef leirker eða þvíumlíkt finnast í dysjum með mannabeinum. Þvílíkt leirker fannst t. a. m. í Hildishaugi, er áður var nefndur (nr. 7), og mun Hildir hafa átt að hafa í því nesti sitt til Valhallar. Til þeirrar venju, að taka með sér nesti í hauga, bendir orðtækið, að berja nestið, sem haft er enn í dag um þá, er berjast í andarslitrunum. Að allur þessi fundur

(Baldursheims-fundurinn) sè frá því úr heiðni, eða frá því fyrir 1000, ætla eg fullsannað.

Allir þessir gripir (nr. 1—11) gáfust safninu fyrir meðalgaungu alþingismanns Jóns Sigurðssonar á Gautlöndum¹.

¹) Gripir þessir frá Baldursheimi (nr. 1—11) voru nefndir og skýrt frá þeim í Þjóðólfi („Merkilegur fundur“, sjá Þjóðólf xiv. ár, nr. 17—18, bls. 70—71), áður en þeir komu hingað til safnsins, þótti því nú þörf á ítarlegri skýrslu um þá, og það því fremur, sem þeir eru merkari. Bréf Jóns Sigurðssonar alþingismanns, sem afhendir þá safninu, er þannig látanda:

„Eftir mér gefinni heimild af Jóni bónda Illugasyni í Baldursheimi innan Þingeyjar sýslu, sem er eigandi forngrípa þeirra, er fundust í Baldursheimi árið 1861, og sem lýst er í Þjóðólfi, 14. árg. nr. 17—18, afhendi eg hérmeð tæða forngrípi þeim herrum, Jóni stúdent Árnasyni og Sigurði málara Guðmundssyni, í þeirri röð sem nú skal greina:

1. goðmynd eða tafmaður,
2. teningur úr beini,
3. 24 töflur úr beinl (líkast til úr kotrutaffi),
4. leifar af sverði,
5. fjaðraspjót,
6. brot af skjaldarbólu,
7. brot af tigilhúlf,
8. leifar af öxi,
9. járnhringja, líklega af sverðfeti,
10. kjaptamél,
11. lítið brýni með gati.

Þessa forngrípi afhendi eg ofangreindum mönnum með eptirfylgjandi skilmálum:

1. að með þeim verði byrjað að stofna islenzkt forngrípa-safn í Reykjavík, sem sè landsins ævarandi eign.

2. að þeir strax og fleiri forngrípir safnast í sama augna-miði, og þegar stjórn og fyrirkomulag gripasafnsins er komið á fastan fót, afhendi umsjónarmönnum safnsins gripina í sama ásigkomulagi og eg nú afhendi þá.

3. að svo framarlega sem ekkert verður af stofnun forn-

12. ^{15/7}63. Jón Sigurðsson á Gautlöndum, alþingismaður: Gömul KJAPTAMÈL úr kopar, grafin og forneskjuleg. Þau eru 4 þumlúngar og 3 línur milli hrínganna, og 2 þumlúngar og 2 línur hríngarar sjálfir þvert yfir. Þau eru að því leyti óvanaleg, að sex lausir hríngar eru yfir um sjálfan bitilinn, sem ætlaður er til að vera uppi í hestinum. Kjaptamèl þessi fundust í Háls sókn í Fnjóskadal. Lík kjaptamèl, með lausum hríngum yfir bitilinn, hefir Brynjólfur hreppstjóri Brynjólfsson í Bolholti sagt mér (1864) eptir föður sínum, að hann hafi fundið. Líkt krókaverk og á mælum þessum er á gullhöfuðbandi, ormsmynd úr gulli og eldgömlum kringum, sem allt hefir fundizt í Noregi og er talið frá heiðni.

13. „/“. Sigurður Helgason á Jörva, dannebrogsmáður: Snúinn FÍNGURHRÍNGUR úr kopar eða öðrum málm. Hann fannst seint á átjándu öld í bakka, er sjór hafði brotið af, fram undan bænum á Vogu á Mýrum, og mun því vera nokkuð gamall.

14. „/“. Jakob Bjarnarson prestur í Gufudal: LYKLASYLGJA, sem á er ritað með stóru gamallegu latínuletri staka þessi:

„HRING. ÞÖLL. SV. SEM. HRINGINN. A.

HAFINN. SIE. FRA. PINV.

HIALPE. HENN. (= hjálpin?) DROTTINS. HENNE. ER. HIA.

(H)ANN. EIDIR. SORGAR. LINU”.

15. „/“. Sami: Önnur LYKLASYLGJA, sem á er ritað með stóru latínuletri vísubrot þetta:

„HRUNDINN SV SEM HRINGIN BER

HREPPI AUDLEGD ALL(a).

gripasafns, og engin sýnileg merki sjáist til þess að liðnum tveim árum hér frá, að slíkt fyrirtæki muni fá framgång, þá áskil eg mér óskertan rétt til að taka gripina aptur.”

Staddur í Reykjavík 15. Júlí 1863.

Jón Sigurðsson.

— Báðar þessar sylgjur (nr. 14 og 15) eru ættaðar vestan úr Patreksfirði og eru all-forneskjulegar. Slíkar sylgjur eru nú farnar að verða sjaldgæfar, helzt með letri. Á gömlum sylgjum var titt skammstafað Jesú nafn („IHS”¹⁾) eða þá lukku óskir í ljóðum, opt vel kveðnar. Eg vil nefna til dæmis vísu af sylgju eða hring, sem fannst í haug, líklega öskuhaug, suður í Njarðvíkum, og doktor Sveinbjörn Egilsson átti. Vísan er þessi:

„Læstri hirzlu ljúktu upp nú
með lyklinum, sem eg geymi;
hvort á mig maður eða frú,
auðgist ment og seimi.”

Við sylgjur þessar festu konur lykla sína og brauðstíl, og kníf og skæri í skeiðum, er þær höfðu jafnan á linda sér, sem gamlar myndir sýna.

16. „/”. Sami: Lángálma af gömlum HÖKULKROSSI. Hún er öll saumuð með postulamyndum. Þar á er Pétur með lykilinn að himnaríki. Hún er úr Sauðlauksdals kirkju.

17. „/”. Sami: Stór KNAPPUR. Yfir hann er haglega saumað með svörtu taglhári. Hann er að líkindum gjör á Íslandi, því að víst er um það, að konur hér kunnu vel að gjöra líka knappa fram undir þessa daga.

¹⁾ Skammstafanin „IHS”, sem opt kemur síðar fyrir í skýrslum þessum, getur lesist ýmislega. Í katólskri tíð voru þannig skammstöfuð yms orðtæki, svo sem „in hoc salus” (í þessum er sálhjálpin), „Jesus hominum salvator” (Jesús frelsari mannanna), „Jesum habemus socium” (væð höfum Jesúm til félaga), „Jesús hortator sanctorum” (Jesús hvetjari heilagra). Líka er það opt skammstafað Jesú nafn eintómt, og ætti þá eiginlega að vera með grískum uncial-bókstöfum: „ΙΗΣ” (= Jes.), og svo mun það optast eiga að lesast á fornmenjum vorum. Í Evangelium Palatinum er Jesú nafn ritað þannig: IHS. Stundum gæti hugsast, að eitthvert algengt mannsnafn væri skammstafað svo, t. a. m. Jón H.son.

Knappur þessi kvað vera úr gamalli biskupshempu frá Hólum. Hann á að vera saumaður af Halldóru Guðbrands dóttur biskups, Þorlákssonar. Hann og fleiri eins knappar komust í eigu sira Benedikts Pálssonar á Stað á Reykjanesi, og síðan í eigu sira Gísla í Sauðlauksdal, Ólafssonar.

18. „/“. Ólafur Pálsson í Reykjavík dómkirkju-prestur: Mjög stórt BRÝNI úr rauðleitu grjóti. Það er 13 þumlungar og 3 línur á lengd. Það fannst í mýrarjaðri, skammt fyrir neðan túnið í Stafholti, þrjár páltorfur niðri í jörðu.

19. „/“. Helgi Sigurðsson á Jörva kandidat: Lítill STOKKUR með tappalæsingu eða „typpløkulæsingu“. Á hann er skorið með höfðaletri:

„INGESIOMFRV INGIBIÖRG EIRIKSD.“

20. „/“. Sami: TRAFAKEFLI, einkennilegt í laginu. Á það er skorið með stóru latínuletri:

„LIFDU. SO. GED. GOD.“

GUD. A. VALD. OG. FRID. HALD.

UM. ALLDER. ANNO 1747“.

21. „/“. Sami: Sívalt KEFLI samkynja hinu (undir-keflið). — Bæði þessi kefli (nr. 20 og 21) fékk Helgi hjá hjónunum Birni Gíslasyni og Íngibjörgu Jónsdóttur á Brúarbrauni¹.

22. „/“. Sami: Leifar af gömlu SAXI eða SVERÐI eineggjuðu. Brandurinn er nú 11 þumlungar; en er það fannst, loddur framan við það um 6 þumlunga langur partur, mjög ryðbrunninn, sem eigi var hirtur, og vantar nú auðsjáanlega meira framan af því en blóðresflinn. Meðalkaflinn er fúinn af, svo að ekki er annað eptir en sverðtánginn, er verið hefir ærið gildur, enda er brandurinn $\frac{3}{4}$ þumlungs á þykkt í bakkann upp við hjöltun. Af hjöltunum er eptir að eins járnlykkja ein, mjög eydd

¹) Um gripina nr. 12—21 er áður auglýst skýrsla í Þjóðólfi xiv, Nr. 5, bls. 17—18.

af ryði. Af litlu broti í saxi þessu eða sverði komst Helgi að því, að í því er stórgert hjart bitjárn. Vopn þetta hafði (1863) fundizt fyrir nálægt tuttugu árum fram undan bænum Álptanesi á Mýrum, niður við sjó, og hafði vogurinn þar brotið af bakkanum veturinn á undan, svo að sást á sverðið. Eptir sögn og minni gamalla manna hafði bærinn fyrrum staðið fremst á bakkanum, en síðan verið smáfærður upp frá vognum, eptir því sem brotið hefir úr bakkanum, og hefir sverðið líklega fallið niður í gamlar bæjarmoldir eða verið falið þar. Af því hvað hjöltun, sem annars vegar hafa sína fullu lengd, nefnilega 4 þumlunga og 5 línur frá miðju og út á enda, eru laung og mjó, má ráða, að sverð þetta muni helzt vera frá tólftu eða þrettánda öld.

23. „/“. Sami: Leifar af litlum TYGILKNÍF. Hann hefir verið einjárnúngur, með snúnum röndum á skaptinu, og eru þær mjög ryðbrunnar. Þegar knifur þessi fannst, brotnaði framan af blaðinu, og sást þá á brotinu, að í honum er smágjört stál. Hann fannst vorið 1862, er Helgi lét ryðja til jarðeplagarðs á Jörva.

24. „/“. Sami: Lítil PALLKISTILL, allur með gömlum skurði. Innanvert á lokinu stendur:

„DISA A. 1771“.

Hjörurnar eru auðsjáanlega yngri en kistillinn.

25. „/“. Sami: TRAFÁKEFLI (yfirkeflið) með knútum, fléttingum og snúningum. Á því er handfáng, en eigi trèhalda, sem stundum er. Bæði lag og skurður lýsir óvanalegri fegurðar tilfinning. Helgi fékk keflið eptir móður sína, Guðrúnu Þorkelsdóttur; og hún eptir móður sína, Guðrúnu Þórðardóttur frá Stóra-Kálfalæk.

26. „/“. Sami: SPÓNASTOKKUR skorinn, með krínglóttum endum og útskotnum fyrir spónblöðin. Á lokinu er að eins skurður. Á hliðunum eru rósahnútar og með höfðaletri:

„STEINVÖR SVEINS DOTT(ir)“,

og sðmuleiðis „IHS” með bundnu höfðaletri. Á botninn er skorið með rómversku lettri:

„ANNO MDCXCIV. ÞANN XXX MARTI”.

Á endunum er með skurði myndað fyrir drekahöfðum og mótar fyrir tönnum og augum. Stokknum hefir verið skipt í sundur í miðju að innan, og er því lokið í tvennu lagi, og leikur hvort þeirra fyrir sig á ási úr bólu til beggja enda. Þegar Helgi eignaðist stokkinn, var annar endinn og annað lokið fúíð af, en það setti hann á í líkingu við hitt. Hann ætlar, að stokkurinn hafi verið eign forfeðra sinna í Vogí¹.

27. („/“, Helgi Sigurðsson á Jörva kandidat): SYLGJA eða lyklahringur. Hún er oplaus og hefir því verið knýtt við hana lyklunum. Innan í henni eru stafrnir „IHS”. Sylgjuna fékk Helgi frá móður sinni.

28. „/“. Sami: BRAUÐSTÍLL úr kopar. Hann er frammjór, en ofan til áttstrendur, með gati á til að festa hann við sig eða sylgjuna². Helgi fékk stíl þenna hjá móður sinni.

29. „/“. Sami: REIÐGJARÐARHRÍNGJUR úr kopar, með laufaviðarhrislum í hinum vanalega býsanzka stíl. Þær eru svo koparmiklar, að þær að því til jafnast við tvennar samskonar hringjur nú á dögum, þótt þær sè talsvert máðar. Þær hafa verið kallaðar Bolla-hringjur, og eiga að hafa verið reiðgjarðarhringjur Bolla Þorleikssonar, að sögn Árna Jónssonar, er bjó á Borg í Miklaholtshrepp. Hann hafði hringjurnar með sèr sunnan úr Borgarsirði, og voru þær lengi sððulhringjur Guðríðar konu hans, en síðan komust þær í eigu Jóns, tengdasonar hans, og hjá honum fékk Helgi þær. Eptir sögn þessa Árna, er varð mjög gamall maður, voru aðrar svipaðar hringjur til í Borgarsirði, er kenndar voru við Kjartan Ólafsson. Margar mjög

¹) sbr. lýsingu hér að framan, bls. 15.

²) sbr. nr. 41.

líkar hringjur eru til, með ártölum frá seytjándu öld, og munu þessar hringjur eigi vera öllu eldri.

30. „/“. Sami: KÁLFSKINNSBLAÐ með latínusaung og nótum yfir hverri línu. Línurnar eru 13, með vönduðu lettri, en daufu og lítt læsilegu. Nóturnar eru sumar hverjar að mestu máðar burtu.

31. „/“. Sami: partur af KÁLFSKINNSBLAÐI. Þar virðist hafa verið á kaupmálabréf eða samningsbréf, og er það dagsett í Skálholti í Biskupstúngum 22. Novbr. 1594. Það er dauft aflestrar, einkum síðari hlutinn.

32. „/“. Sami: GALDUR OG FORNESKJA á 19 blöðum í 8 blaða broti (pappírshandrit); eru þar á meðal annars ymsar stefnur og særingar (t. a. m. tóustefnur), eignaðar Sæmundi fróða, Gísli lærða í Melrakkadal og Þórði á Strjúgi. Þar á eru og syrpuvers, lásavers, ýmisleg galdradæmi, og eru aðalatriðin þar með villuletri, og sum þeirra með tilheyrandi stöfum, mjög margbrotnum, er heita ymsum nöfnum, svo sem t. d.: Himinsbarna-hjálmur, Drottningar-signet, Gimsteinn Jónasar, Móyses-stafur, Orions-auga, Prófeta-prýði, Sólar-vagn, Veldis-vagn, Karlamagnúsar-innsigli, Móyses-innsigli, Salómons-innsigli, Baldurs-innsigli. Kver þetta hefir Helgi sjálfur ritað upp eptir blöðum, er rituð voru af manni nokkrum, er eigi vildi láta nafngreina sig, þá er hann reri fyrir vestan Jökul.

33. „/“. Sami: DRYKKJARHORN með trébotni og tinstút, allt grafið. Á því er mynd af mannsandliti, tóu og krufnum erni. Þar á er og karlmaður með stóran bardahatt á höfði, í stuttri treyju og á stuttvíðum brókum, með langt hár, og kamp á efri vör. Í hring utan um hornið er ritað með höfðaletri:

„DRECKID VARLEG(a)“.

Af karlmanns búníngnum að ráða, er hornið frá seytjándu öld. Botninn er talsvert yngri en hornið, og er það

sögn þeirra, er átt hafa það fyrri, að færzt hafi upp á hornið, er botninn var settur í.

34. („“. Helgi Sigurðsson á Jörva kandídat): TYGIL-KNÍFUR með koparskapti og gati á fyrir tyglinum. Á skaptinu eru upphleyptar myndir karls og konu, og er limaburður þeirra og staða eigi ólík því, sem þau stigi danz. Karlmaðurinn hefir bardahatt á höfði og korða við belti sér, í stuttvíðri treyju og stuttvíðum brókum, með uppbrotin stigvél; má af því með vísu ráða, að skaptið sé frá seytjándu öld, og munu þá slíkir knífar hafa verið algengir. Safnið á tvo samskonar (nr. 168 og 363), og eg veit af þremur öðrum; hafa mennirnir á sköptum beggja þeirra byssur. Blaðið á kníf þessum er ýngra, en skaptið fannst sjarri mannabygðum. Það komst í eigu Konráðs, bróður Gísla Konráðssonar fornfræðings, en hann gaf sira Brynjólfu Bjarnasyni, er fyrrum var prestur í Miklaholti, og hjá honum fékk Helgi það, einsog stendur í skýrslu hans.

35. „“. Sami: PÍPULYKILL úr kopar, er átt hefir að svo nefndri tröllalæsing. Hann er skegglaus, og er pípan sívöl utan, en með þristrendu holi innan í, er gengið hefir utan um þristrendan stand, sem hak hefir verið neðan á, til að hræra læsingarjárníð.

36. „“. Sami: KOPARDOPPA aptan af knífskapti, lík doppunni aptan á knífnum nr. 325. Hinir partarnir knífsins, sem voru úr jární, dultu í sundur af ryði, er við þeim var hrært. Þetta fannst með nr. 23 í jarðeplagarðs stæði á Jörva vorið 1862¹.

37. „“. Guðbrandur Vigfússon í Kaupmannahöfn: RÓÐA eða KROSSMARK, skorið á hvalbeinsspjald. Það er 6 þumlúngar og 8 línur á lengd, með ramma um,

¹⁾ Gripirnir nr. 22—36 eru frumgjöf Helga Sigurðssonar, og hefir hann áður lýst þeim sjálfur í Íslendingi (nr. 20), einsog hér að framan stendur (bls. 15—20).

og hefir verið svart skíði neglt ofan á rammann, allt sett með hvítum doppum af hvalbeini eða tönn. Undir krossinum standa Jóhannes og María, en yfirskriftin á róðunni er „INRI“ (= Jesus Nazarenus Rex Judaeorum, Jesús frá Nazaret konungur Gyðinga), og er hún með hálf-engilsaxnesku latínuletri. Verkið á mynd þessari sýnir, að hún er eflaust skorin á Íslandi, líklega á fjórtánda öld, enda var þá títt að skera þesskonar spjöld, og þóttu þau þá gripir (Laurentius saga, kap. 65). Gripur þessi gefur manni nokkra hugmynd um hagleik Íslendinga fyrrum, og er hann að því leyti merkur fyrir sögu landsins. Spjald þetta á einhvern tíma að hafa fundizt undir grundvelli kirkjunnar á Stað í Steingrímsfirði, og hjá prestinum þar, sira Sigurði Gíslasyni, fækk Guðbrandur róðuna 1858.

38. „/“. Sami: LYKLASYLGJA með krossi innan í og gamallegu lettri, lítt læsilegu. Sylgju þessa gaf sira Sigurður Gíslason Guðbrandi í sama sinn og nr. 37.

39. „/“. Haldór Jónsson á Hofi í Vopnafirði prófastur: Stór JÁRNHRÍNGUR, sem fyrr var í kirkjuhurð á Hofi, og er það í munnmælum, að hann sé úr hinni fornu hofhurð, sem þar er enn sýnd. Hríngurinn er mjög merkur, allur smeltur með silfurrósum. Hann er 7 þumlungar þvert yfir. Hann er nær því alveg af sömu gjörð, og auðsjáanlega frá sama tíma og hríngur sá, sem er í hinni ágætu kirkjuhurð frá Valbjófsstað, sem geymd er í forngripasafninu í Kaupmannahöfn, og sem varla er yngri en frá tólftu öld¹. Þessir hríngar eru augljós vottur um skart fornanna, er þeir höfðu hurðarjárn silfurrósuð. Það styrkist og af því, að á miðri seytjándu öld

¹) uppdráttur af hurð þessari er í „Nordiske Oldsager i det Kongelige Museum i Kjöbenhavn, ordnede og forklarede af J. J. A. Worsaae“, 1859. 8vo. Nr. 505 bls. 127. (Afbildninger fra det kgl. Museum 1854, Nr. 388). J. S.

fannst fyrir austan silfursmeltur lás, sem enn var til 1752. Vær vitum og fyrir víst, að lamir hafa opt verið mjög skreyttar, og eru sumar þeirra enn til.

40. „/“. Halldór Jónsson á Hofi í Vopnafirði prófastur): FERÐASKRÍN eða koffort Guðbrands biskups Þorlákssonar á Hólum. Það er slétt og einfalt, með sléttum járnböndum á hornunum. Lokið er tvöfalt, og má slá því út til beggja enda, og gjöra það að aflaungu borði. Járn eru á hjörum á göflunum, til að setja undir enda borðsins til stuðnings.

41. „/“. Sami: Gamall BRAUÐSTÍLL ferstrendur, er fannst í öskuhaug á Hosi. Á hann er ritað með vel gröfnu höfðaletri stökubrot þetta:

„GEFE. ÞIER. NAD. MED. DIRA. DAD.

DROTTEN. HIMNA. HALLA.

SÆMDAR. RAD. Þ...”

— Slika eða líka stíla höfðu Rómverjar hinir fornu, sem kunnugt er, til að rita á vaxspjöld með, og kölluðu þá stilos (í eintölu: stilus). Á miðöldunum höfðu klerkar þá til þess að rita með á vaxspjöld, sem gjör voru til að rita á uppköst, áður en menn rituðu á bókfell, eða ef menn vildu muna eitthvað sérlegt úr bókum (Laurentius saga, kap. 15). Á síðari öldum höfðu konur þá hángandi við belti sín, og pikkuðu með þeim brauð.

42. „/“. Eiríkur Kúld á Þíngvöllum, prestur að Helgafelli: VIKIVAKABÍKAR eða TVÍMENNÍNGSBIKAR kallaður, renndur úr trè. Hann er 9 þumlunga hár, og 5 þumlungar og 3 línur þvert yfir opið, og tekur nær því 2½ pott. Hann er líklega ætlaður til að drekka úr öl¹.

1) Gripirnir nr. 37—42 eru áður taldir í Þjóðólfi xvi, Nr. 5, bls. 17—18.

43. ¹³/₁₆₄. Sigurður Sivertsen frá Útskálum, skólapiltur: DRYKKJARHORN, sem mikið hefir verið sagað af öðrum endanum á. Það sem eptir er enn, er einkenni-legt og vel gjört. Tvær skrúflínur ganga upp eptir horninu, en þar á milli eru níu dýr, sem elta hvert annað: 1) refur, sem blæs út úr sér feikna mæði, er óvart hefir orðið að rós, 2) göltur, 3) uxi, 4) leon, 5) hestur, 6) einhyrningur, 7) hjörtur, 8) ljón-ynja, 9) hafur. Hvert síðasta dýrið hafi verið, læt eg ósagt, en varla er það efunarmál, að það hefir dregið rós í halanum, til að líkjast því, er fyrst gengur. Þess-konar fyrirkomulag hefi eg séð á gömlum kirkjustöfum á Skarði á Skarðsströnd¹.

44. ²⁰/₁₆₄. Sigurður Guðmundsson málari: FJAÐRASPJÓTSODDUR, mjór og í meðallagi lángr. Fjörðrin er $7\frac{1}{2}$ þumlúngur á lengd. Nokkuð er ryðbrunnið aptan af falnum, en lítið eitt af oddinum. Þegar þessi spjótsoddur er borinn saman við aðra forna spjótsodda, þá virðist sem hann muni vera frá söguöldinni, eða frá því fyrir 1016. Drengur fann spjótsodd þenna í flagi í Skálhólum, sem eru langt fyrir norðan bæinn á Fossnesi í Eystrahrepp. Leifar sáust af skaptinu, er hann fannst, en það datt allt í sundur, er á var tekið, og nokkuð fór um leið aptan af falnum. Þar fannst ekki meira.

45. S. d. Sami: Slitur af HRÍNGABRYNJU. Hríng-

1) Gripurinn nr. 43 er auglýstur í Þjóðólfi xvi, Nr. 17—18, bls. 71.

irnir eru í meðallagi smáir, eptir því sem vant er á hringabrynjum. Brynjuslitur þetta fannst nálægt Bessastöðum, og þar í grennd fundust tvö önnur brynjuslitur, sitt á hverjum stað, og vita menn eigi hvert þeirra þetta er.

46. (20/64. Sigurður Guðmundsson málari): Slitur af HRÍNGABRYNJU með smærri og þéttari hringum en hin fyrri (nr. 45). Það fannst í heiði nálægt Núpstað í Skaptafellssýslu. — Á báðum þessum slitrum (nr. 45—46) ganga fjórir hringar í einn, og er hver hringur negldur og kveiktur(?) saman; sýnir það, að þetta hafa verið mjög vandaðar hringabrynjur, eptir því sem tíðkaðist í útlöndum. Slitur þessi eru líklega frá 14. eða 15. öld, en gætu þó vel verið miklu eldri, því að mjög er valt að kveða á um aldur á hringabrynjum, og ætla eg, að margir hafi á því flaskað, sem það hafa reynt. Víst er um það, að negldar hringabrynjur geta verið mjög gamlar. Völundar kviða (6. er.) og margar fornar vísur sanna það fyllilega. Fundir frá seinni tímum hafa og sannað, að þær geta jafnvel verið frá annari eða þriðju öld eptir Krists burð.

47. S. d. Sami: Gamalt ÍSTAÐ, forneskjulegt og mjög líkt þeim, er tíðkuðust í fornöld. Svo er að sjá, sem í því hafi verið sigurnagli, sem dottlinn er úr. Það fannst í keldu fyrir neðan Stóra-Vatnsskarð í Skagaflrði.

48. S. d. Sami: Gömul snúin JÁRNMÆL með óvanalega stórum hringum og í lengsta lagi. Þau eru 4½ þumlúngur milli hringanna, en hringirnir eru 3 þumlúngar og 5 línur þvert yfir. Þau fundust á Þíngskála þíngstað. Nokkuð lík járnmeal, eins snúin, eru til í háskólasafninu í Kristjáníu, en þau hafa þverteina, sem þessi eigi hafa. Þau munu vera talin frá heiðni.

49. S. d. Sami: Gömul SKEIFA, sexboruð, óvanalega stór. Hún er 5 þumlúngar þvert yfir hælana. Hún fannst á alfaravegi í leirflagi í miðjum Hraundal í Mýra-

sýslu með nokkrum nöglum í, og er því auðsèð, að hún hefir farið undan hesti. Skeifuna gaf mér Þorsteinn Brandsson, bóndi í Ytra-Hraundal. Fengi menn fleiri þesskonar skeifur, og einkum ef þær fyndist með öðrum fornmenjum, er víst væri um aldur á, þá kynni það að geta sýnt mönnum, að hér hafi verið betra eða stærra hestakyn áður, enda kunna að finnast líkur til þess í fornsögum vorum.

50. S. d. Sami: Partur af fornum STÓL eða BEKK, sem upprunalega hefir gjör verið fyrir tvo að sitja í. Hann er með tveimur drekahöfðum ofan á brúðunum, og sitja menn milli eyrna drekanna og halda í annað eyrað. Á þverslána er skorið tvísett dýr með manns-höfði og hettu, líkt og opt sèst myndað á skinnbókum frá 14. öld. Þar á er myndaður fiskur og ormur með drekahöfði, sem slær knút á sporðinn, og maður, er blæs í lúður og situr á vatnahesti, sem er hestur að framan, en hefir margbrotinn sporð að aptan. Þessi stólpartur er að gjörð fullt eins forneskjulegur og hinir ágætu stólar frá Grund í Eyjafirði, sem geymdir eru í forngripasafninu í Kaupmannahöfn¹. Stólpartur þessi er að minni byggu

¹) Stólarnir frá Grund komu til Kaupmannahafnar 1843. Ritgjörð um þá eptir Finn Magnússon er prentuð í Antiquar. Tidsskr. 1843—45, bls. 57—64, og fylgja henni tveir uppdráttir (Tab. I—II). Á öðrum stólnum er skorið rúnaletur, og á að lesa þannig: „Hustru Þorunn a stolin en benedistt (= Benedikt) narfa” [son risti? — eða þvíumlíkt]. Þar af er auðsætt, að hustrú Þorunn á Grund, dóttir Jóns biskups Arasonar, hafi átt stólinn á sextánda öld, en ekki nein Þorunn Benedikts-dóttir. Stóll þessi er síðar myndaður í bók Worsaaes: „Af-bildninger fra det kgl. Museum” Nr. 421 og í „Nordiske Old-sager” Nr. 556. — Antemensale frá Grund, sem Eiríkur Loptson hefir átt (um 1430), og Predella, einnig frá Grund, var sent til Kaupmannahafnar í sama sinn (1843), og er nokkuð skýrt frá því í Ant. Tidsskr. 1843—45, bls. 25.

varla yngri en frá fjórtándu öld. Fyrri eigandi stóls þessa, Hjálmar Jónsson á Minni-Ökrum í Skagaflrði, færði stólinn saman, höfðu verið á honum áður skrautlegir pílúrar að aptanverðu og margar myndir, meðal annars þóttist hann hafa þekkt þar þó r með hamarinn Mjölni. Á fremri uppstöndurunum voru skorin fjögur mannsandlit, er horfdu í allar fjórar áttir, að því er mig helzt minnir að Hjálmar segði mér 1856.

51. (20/164. Sigurður Guðmundsson málari): ALTARISBRÚN, sem forðum var í Reykjakirkju í Túngusveit í Skagaflrði. Hún er með fögrum laufavið utan með, en innani er stór gyllt bókstafa lína, sem er þannig:

„ASSUMTA. EST. MARIA. IN. CELUM. JASP. M.”

(3: upp numin er María í himininn... — meira skilst eigi¹⁾). Þessi brún er auðsjáanlega katólsk og nokkuð gömul.

52. S. d. Sami: ALTARISBRÚN, sem eitt sinn var eign Snóksdals kirkju. Hún er að eins hálf, en með mjög einkennilegum saum. Á hana eru saumaðir fersfættir gammar með nefi, fuglsklóm og vængjum að framan, en ljónsklóm og ljónshala að aptan. Dýrum þessum er lýst í Kyrjalax sögu, og heita þau þar griffónar²⁾. Þau eru alkunn í hinni grísku goðafræði, og af myndum Grikkja hinna fornu. Þar á er og gamalt skjaldarmerki með „P” í, sem er fangamark einhvers. Það er kátlegt, en jafnframt mjög merkilegt, er menn athuga hið forna kirknaskraut og enda hin helgu prócessiumerki³⁾, að sjá á því myndaða: gamma, dreka, margýgjar, orma, vængjaða hesta, erni, vali, varga, og allskonar heiðin

¹⁾ gæti verið það væri nöfn vitringanna: Jaspas (eða Caspar), Melchior, (Balthazar), og hefði klæðið verið stærra og með þessum myndum á. J. S.

²⁾ dregið af frakknesku: *griffon*, gammur.

³⁾ sbr. nr. 256.

landvætta-dýr. Mönnum verður þá næst að ætla, að höfundar þessara listaverka hafi verið svo forneskjulegir í skapi, að þeir hafi hugsað meira um Valhöll, eða um „sal undinn ormahryggjum“, eða um ormagarða, heldur en um kirkjur eða hvað kirkjum hæfði. Fengi menn mikið safn af þesskonar, mætti eflaust margt af því læra, sem enn er hulið, því að forneskjan hefir í þessu sem mörgu öðru lengst varað á Íslandi.

53. S. d. Sami: Gamall LAUFAPRJÓNSKNAPPUR af gylltu silfri. Utan um laufið er blómhringur, en innan í því er myndaður heilagur Georg á hesti, og er að berjast við drekann. Slíka knappa höfðu konur í faldinum ýmist 5 eða 6, og hefi eg séð marga einstaka með samkynja laufi.

54. S. d. Sami: Rend KOTRUTAFLA úr hvalbeini. Hún er að því leyti merkileg, að hún er talsvert gömul og óvanalega stór, þrír þumlungar þvert yfir. Hún fannst í læknum í Reykjavík. Önnur samskonar tafla af sömu stærð fannst undir grundvellingnum á landfógetahúsinu í Reykjavík 1862¹.

55. S. d. Sami: Renndur SKÁKTAFLSBISKUP úr hvalbeini, grænn að lit. Þesskonar taflmenn eru, þótt undarlegt sé, farnir að verða sjaldgæfir.

56. S. d. Sami: BRAUÐSTÍLL, sléttur, en ferstrendur, nokkuð gamall.

57. S. d. Sami: BRAUÐSTÍLL, sléttur, en sívalur.

58. S. d. Sami: STÁLSIGNET, mjög haglega sorfið. Það hefir fundizt í jörðu hjá Hrólfsstaðahelli á Landi í Rángárvalla sýslu, en er frá síðari tímum.

59. S. d. Sami: Hollenzkur PELI, flatur annars vegar. Hinumegin er myndaður maður, með flata húfu á höfði og í leistabrókum, með korða við hlið. Búning-

¹) sjá nr. 75.

urinn sýnir, að pelinn muni vera frá seytjándu öld; þesskonar pelar voru þá mest tíðkaðir hér á landi, en taka nú að verða sjaldgæfir.

60. (²⁰/164. Sigurður Guðmundsson málari): Hollenzkar DÓSIR frá seytjándu öld. Á þær eru grafnir menn, sem eru að reykja og drekka og tappa öl af tunnum, og karlar og konur, sem eru að danza. Þar eru og ýmisleg heilræði á hollenzku, t. a. m. „drekktu varlega“. Í þessum dósum geymdu menn bæði tóbakið og pípuuna, og eru þær nú orðnar næsta sjaldgæfar, helzt svo gamlar.

61. S. d. Sami: KRÍNGLÓTT SPJALD; þar er skorin á upprisa Krists, og engill, er blæs í lúður og heldur á stundaglas. Það mun vera gjört á Íslandi, að líkindum af Guðmundi snikkara frá Bjarnastaðahlið í Skagafirði, er reisti Skálholtskirkju á dögum Brynjólfs biskups og bjó til skírnarfontinn í Hólakirkju. Spjaldið er úr Skagafirði.

62. S. d. Sami: MYND AF einni FRÚ GÍSLA biskups ÞORLÁKSSONAR, máluð á tre af einhverjum íslenskum manni á seytjándu öld. Hún hefir þeirrar aldar íslenzkan búning: hempu með hempuskjöldum og pörum, hvítan kraga um hálsinn og alhvítan fald á höfði niður í gegn, sem þá var títt, og hatt þar yfir, og sýnir það vel aldar-móðinn. Spjald þetta hëkk fyrrum, að sögn Daða hins fróða Níelssonar, í bænhúsi í Gröf á Höfðaströnd, en þaðan var það flutt í Sjáfarborgarkirkju, ásamt annari mynd af annari frú herra Gísla, sem eg hefi sæð, og mjög var lík hinni, hvað búninginn snertir.

63. S. d. Sami: KORÐI, sem Íslendingar hafa smíðað á meðalkafla og handbjörg. Aldur hans vita menn eigi, en auðsjáanlega er hann eigi mjög gamall. Hann hefir fylgt Núpstaða ætt eysra, svo lengi sem menn muna til¹.

¹) gripirnir nr. 43—63 eru áður taldir í Þjóðólfi xvi, nr. 11—12, bls. 43—45.

64. ²⁶/₁₆₄. Jón Árnason í Reykjavík biskups-skrifari: DYRABOGI, eða bogið dyratrè. Það er 1 alin og 10 þumlungar á lengd, og er haglega skorið með fögrum blöðum, er beygjast upp á við til beggja enda. Eptir blöðunum að dæma, hefir sá, er skorið hefir, verið mentaðri og lærðari í ípróttalistinni, en almennt hefir verið hær á landi. Bogi þessi var fyrrum yfir kórðyrum í Hvammi í Hvammssveit, og er það gömul sögn, að Gísli Guðbrandsson, er var prestur í Hvammi 1584—1620, hafi skorið hann, og hafi sira Gísli þessi verið kallaður bíldhöggvari og málari. Bogginn er að því leyti merkur, að hann sýnir skurðarhagleik manna á þeirri tíð (sextánda öld), og jafnframt sannar hann, að menn höfðu þá bogalagaðar dyr á Íslandi, sem mönnum er nú orðið næsta ókunnugt um, og fyllir þannig mikið skarð í húsa-byggínga-sögu landsins, því að menn hafa enn til hurðir, kríngdar að ofan, sem sýna, að hin fornu dyratrè hafa haft þetta lag, þó að það sjáist hvorki á sögum nè annálum, svo eg viti, en að eins á fáum myndum. Slíkir bogar voru alltíðir í fornöld, en bággt er nú orðið að sanna, hversu þeir hafi verið í hátt. Ef til vill er þessi bogi eptir af síðustu leifum þeirra.

65. S. d. Sami: Gamall PRÆDIKUNARSTÓLL, sem verið hefir, svo lengi sem menn vita til, í Staðar-fellskirkju, allt þar til þángað var fenginn prædikunar-stóll úr Búðardalskirkju, er hún var lögð niður. Stóll þessi er með myndum, höggnum og máluðum. Þar á er Páll postuli, Pétur með lykilinn, Lúkas með nauts-mynd fyrir neðan og Jóhannes (?) með krossstaf í hendi og kórönu á höfði, og treður dreka undir fótum. Þar á er þetta letrað:

„ÖLL RITNING. AF GUDE IN GEFENN. ER NITSAMLEG TIL LÆRDOMS. TIL UMVÖNDUNAR. TIL BETRUNAR. TIL LEIDRIETTINGAR. ETC. 2. TIM. 3.”

Að sögn sira Þorleifs Jónssonar í Hvammi (1862)

var málverkið á stöfunum allt eins á altarisbrík, sem var í Hvamms kirkju og nú er eigi framar til, og var sú altarisbrík eignuð sira Gísla Guðbrandssyni, er áður var nefndur (nr. 64); enda mun bæði stóll þessi og boginn vera eptir sama mann, því að hin sömu einkennilegu lauf sjást á hvorumtveggja.

66. a, b. ²⁰/164. (Jón Árnason í Reykjavík, biskups-skrifari): TVÖ LJÓN, 2 álna og 15 þumlunga laung, skorin úr trè. Almenníngur segir, að þau sè sæljón. Þau teygja sig, líkt og þau sè á sundi; einnig hafa þau einkennilega fætur og mjög grimmlegan einkennilegan svíp. Þau hafa verið mjög haglega skorin, en eru nú mikið skemmd af elli. Ljón þessi voru sitt hvorumegin við kirkjudýr á Kálfafelli í Fljótshverfi. Sumir segja, að ljón þessi hafi verið gjör handa kirkjunni af Írum, aðrir segja af Frökkum, en engar sönnur vita menn á því.

67. S. d. Sami: LAX, skorinn úr trè, 1 álnar og 15 þumlunga langur. Sumir kalla hann guðlax. Hann hefir verið einkar haglega skorinn, og er mælt, að það hafi gjört Eiríkur nokkur í Holti á Síðu. Lax þessi var þversum yfir sömu kirkjudyrum og ljónin (nr. 66), og sýnir hvorttveggja skraut á byggíngum fyrri alda, enda einnig mikinn hagleik manna á þeim tímum.

68. S. d. Sami: TRAFAKEFLI, málað og skorið haglega. Það er með drekahöfði á öðrum enda, en manns hönd á hinum. Á því stendur „ANNO 1777” og höfðaleturs lína, er virðist eiga að lesast þannig:

„M(ar)G(rèt) I(óns)DOTTIR A KE(ðlið).”

69. S. d. Sami: Lítill STOKKUR skorinn, með engils mynd og laufavið, frá 1697.

70. S. d. Sami: Lítill PRJÓNASTOKKUR, gamall. Hann er með risi á lokinu, sem líkist húsmæni. Á honum er með höfðaletri staka þessi:

„SA SEM IFIR ÖLLÖ ER
ALLREI FRA ÞIER VIKI

**ÞA LIFSTUNDIRNAR LIDA HIER
LENDI I HIMNA RIKI.**

ÆRIKUR (= Eiríkur). T(álgaði)."

Á botninum stendur: „Anno 1818", sem auðsjáanlega er skorið miklu seinna en hitt.

71. S. d. Sami: KÁLFSKINNS OPNA úr Jónsbók (lögþókinni). Þar á eru 16., 24. og 25. kap. úr kaupabálki. Handrit þetta er að minni ætlan frá sextánda öld.

72. S. d. Sami: LYKLAHRÍNGUR, flatur og slöttur, með snúnum brúnum allt í kring. Hann fannst fyrir hærumbil 90 árum í túninu á Hóli í Lundareykjadal, þá er verið var að slætta það.

73. S. d. Sami: BRAUÐSTÍLL, ferstrendur og rós-aður á öllum hliðum, með hring í. Hann er gamallegur.

74. „/“. Ólafur Pálsson dómkirkjuprestur: MARÍUMYND úr silfri gjör, er vegur 1 $\frac{1}{2}$ lóðs. María er þar í mottli, hefir laust hárið og djásn eða kórónu á höfði. Öll myndin hefir verið gyllt, nema hörundið. Mynd þessi er haglega gjör og ágætur gripur sinnar tegundar. Mér virðist hin lága kóróna og eins búningurinn benda á, að myndin sé varla yngri en frá fjórtánda öld. Hún fannst í gömlum öskuhaug fyrir framan bæinn í Stafholti 1848. Þar höfðu áður fundizt leifar af krínglóttri silfurskeið, og hugðu menn, að þar hefði á verið leifar af krossmarki, og að það hefði verið upprunalega á miðju skaptinu, en þessi Maríumynd hefði verið aptan á skaptinu fyrir knapp¹.

75. „/“. Árni Thorsteinson landfógeti: Rennd KOTRUTAFLA af hvalbeini (sjá nr. 54)².

76. 6/264. Synir doktors Hallgríms Schevings: 14 BLÖÐ úr HAUKSBOK. Þessi ágætu skiunblöð hefir

¹) gripunum, sem hér eru taldir nr. 64—74, er lýst í skýrslu í Þjóðólfi xvi, nr. 17—18, bls. 70—71.

²) um þenna grip hefir ekki verið auglýst áður.

Jón Þorkelsson gefið út með formála og skýringum á kostnað bókmentafélagsins. Reykjavík 1865¹.

77. (⁶/₂64. Synir doktors Hallgríms Schevings): TVÖ KÁLF-SKINNSBLÖÐ úr KALENDARIO eða rími. Þau munu vera frá sextánda öld eða jafnvel yngri. Í því hefur verið mikið af hægiljum, svo sem: „í október skal maður eta soðið flesk og drekka vín, því það hreinsar lífið, og drekka geitnamjólk (geitamjólk?)“, o. s. frv.

78. S. d. Sömu: Lítið SKINNBLAÐ, sem óvíst er hvað á er ritað. Þó hafa menn þókzt geta lesið einstöku latínu-orð hér og þar á stángli.

79. ¹⁶/₂64. Jónas Jónassen faktor í Reykjavík: TVEIR FÍLAGRANS HNAPPAR af silfri, af sömu stærð og gjörð og menn opt sjá gamla ermahnappa. Þeir voru hafðir fyrir hálsknappa.

80. ²⁹/₂64. Gísli Magnússon skólakennari: RÚNASTEINN gamall. Rúnirnar á honum hefi eg lesið þannig:

„HER. HVILER. IVAR. VALGARDS. SON. SVEIN. OK.

ANÞAR. AIR. SEM. GUÐ. ÞEIRA. SAL HAFI.”

(SVEIN = sveinn, ANÞAR = annar(?), AIR = airekr, skammstafað, þ. e. eiríkr). Óvíst er, hvaðan steinn þessi er upprunalega, en sira Þorsteinn Helgason í Reykholti († 1839) kom með hann að Bessastöðum og skildi hann eptir hjá doktor Hallgrími Scheving, sem flutti hann til Reykjavíkur. Vera kann, að hann hafi áður verið í Reykholti, því að þar hefi eg heyrt sagt að steinn hafi verið með nafninu „Ívar“, sem eigi kvað vera þar framar².

¹) gjöf þessari hefir verið lýst í Þjóðólfi xvi, nr. 17—18, bls. 71.

²) eldri lýsing steins þessa með uppdætti skýrir svo frá: „Steinn þessi er frá Húsafelli, og hefir sira Þorsteinn Helgason gefið skólabókhöðunni hann. Hann er fimmstrendur, sjálfagaður“;

81. ³/₃64. Stephán Helgason Thordersen kandiðat: TVÆR KVENNMYNÐIR samfastar, skornar í tönn. Myndirnar munu báðar hafa verið hafðar sem vörn gegn illum öndum, því að báðar eru mjög máðar, sem þær hafi verið bornar á sér. Önnur myndin er af Maríu guðsmóður með barnið, og er hún með kórónu á höfði og slegið hár. Hin myndin hefir bók í hendi og höfuð-dúk á höfði, og á það líklega að vera María Magda-lena, sem opt sèst mynduð með bók, heldur en Elísabet. Af klæða fellíngunum, búningunum og skurðar-laginu má ráða, að mynd þessi muni vera frá fjórtándu öld. Hún fannst á víðaváangi í Skoradal.

82. S. d. Sami: BRAUÐSTÍLL letraður. Á honum stendur með latínuletri:

„ALLT. MITT. RAD. TIL. GUDS. (eg set).

GUDMUNDUR. SUMARLIDAR (!). SON.”¹

83. ⁶/₃64. Páll Sigurðsson í Árkvörn alþingis-maður: FJAÐRASPJÓTSODDUR. Nokkuð er ryðgað framan af oddinum og aptan af falnum. Gat sèst gegnum falinn fyrir geirnagla. Falurinn á að hafa verið allt að því hálfu lengri, er það fannst. Spjót þetta fannst uppblásið í jörðu hërumbil 100 faðma frá hól þeim, er Gunnars-hóll heitir, og nú er upp blásinn, skamt frá Gunnars-holti hinu forna. Hóll þessi er kenndur við Gunnar Baugsson í Gunnarsholti, afa Gunnars á Hlíðar-enda (Landnámab. bls. 286). Getur því vel verið, að hann hafi átt spjót þetta, og að sá rétli haugur hafi verið þar, sem spjótið fannst, en eigi hinn fyrr nefndi hól. Að minnsta kosti eru mörg dæmi til þess, að

— á uppdrætti þeim sýnist standa „oppar”, þar sem hér er lesið „anþar”. J. S.

¹) gjöfum, þessum nr. 77—82 hefir áður verið lýst í Þjóðólá xvi, nr. 20, bls. 79.

fornir haugar hafa eigi verið þar, sem almenningur hefir sagt þá, heldur hafa þeir opt særzt um set til álitlegri hóla (sbr. Ferðabók Eggerts og Bjarna II, 292). Hvað sem þessu líður, mun spjótsoddur þessi vera frá söguöldinni, því að hann er mjög svipaður þeim spjótsoddum, sem áður eru nefndir¹, og um annan þeirra er öldungis víst, að hann er frá því fyrir 1016.

84. ⁶/₃₆₄. (Páll Sigurðsson í Árkvörn alþingismaður): Gömul KOTRUTAFLA úr hvalbeini.

85. ¹²/₃₆₄. Jón Borgfirðingur bókbindari: VÍGTÖNN úr hundi. Hún er 1 þumlungur og 1 lína, og hefir því hundurinn, sem hún er úr, verið ærið stór.

86. S. d. Sami: Lítið KNÍFSBLAÐ, með sívölum bakka og oddbrotið. Það er 3 þumlungar upp að tanga og hefir verið hërumbil $3\frac{1}{2}$ þumlungur upprunalega. Breiddin er $\frac{1}{2}$ þumlungur. Hann hefir verið líkur tygilknífum Norðmanna (sbr. nr. 4).

87. S. d. Sami: HEINBRÝNI með gati í endann, mjórri, en jafnlengra en heinin, sem fannst hjá Baldursheimi, og eigi nema 4 línur á breidd, en 3 þumlungar á lengd. — Þessir þrír síðast töldu gripir (nr. 85—87) fundust á Gautlöndum við Mývatn (Gautlandafundurinn) 9. Júní 1855, er verið var að taka þar undirstöðu fyrir fjárhúshlöðu á ávölum hól í túninu austur af bænum. Þegar komið var hálfa aðra alin ofan í hólinn, sást á mannsbein, og urðu fyrst fyrir fótleggir af manni, og er grafið var nær, fundust öll beinin. Þau lágu frá útsuðri til landnorðurs. Beinín lágu á styttra sviði, en svaraði manns lengd, og virtist sem maðurinn hefði legið krepptur eða verið sitjandi. Bein úr hundi lágu undir knè honum. Á beinunum mátti sjá, að maðurinn hafði verið meðalmaður á vöxt, í hærri og gildara lagi. Fótleggurinn var 15 þumlungar, lærleggurinn $18\frac{1}{2}$ þuml-

¹) sjá nr. 3 og 44.

úngur, hauskúpan að ummáli 21 þumlungar. Hún hélt sér vel og var með flestum tönnum, og sýndi, að maðurinn hafði verið breiðleitur og brúnabeina-mikill, og hafði haft lítið skarð í hökuna. Öll mannsbeinin voru látin niður aptur. Auk knífsblaðsins (nr. 86) og heinarinnar (nr. 87) fundust engar fornar menjar með beinum þessum. — Það er eigi efunarmál, að maður þessi, er hér var grafinn, hafi verið heiðinn. Hundsbeinin (sbr. nr. 11) og allt fyrirkomulagið á dysinu sýna það ljóslega. Öll líkindi eru til, að þetta sé bein Gauts, er fyrstur reisti bæ á Gautlöndum, og bjó þar um 970—980. Reykdæla saga (kap. 24) getur þess, að hann hafi átt góðan hund, er Flóki hét, sem gó upp í fjallið, er þeir Víga-Glúmur og Eyjólfur Valgerðarson vildu veita Mývetningum heimsókn með tveim hundruðum manna; vissu þá Mývetningar, að fjandmanna var von af fjöllum ofan, og söfnuðu saman tveim hundruðum manna. Dys þetta getur eigi verið eldra en frá því, er Gautlönd voru byggð, og eigi ýngra en frá því, er kristni kom á Ísland, og leikur hér því í mesta lagi á 50—60 árum. Á þessu stutta tímabili er fremur ólíklegt, að fleiri en einn hafi búið eða verið á sama bæ (Gautlöndum), er hafi átt þá uppáhaldshunda eða merkishunda, að þeir hafi verið heygðir með þeim. Sé getgáta þessi rétt, og tónnin (nr. 85) sé úr Flóka, þá má sjá, að þessi ferfætti bjargvættur Mývetninga hefir engu síður haft tennur til að bíta með en kjapt til að gelta með.

88. S. d. Sami: LÍTIÐ KNÍFSBLAÐ. Fylgdu því hálfar skeiðar úr trè, sem höfðu verið með tinhólkum að aptan og framan og í miðju, og með spaungum eptir endilaungu. Á hólkunum hefir verið höfðaletur, en á spaungunum múnkaletur. Á því má lesa:

„S...NDE AF SUTAFULLU...”

og á öðru broti standa orðin: „OG ÞIODA”. Stafrnir, einkum ain, benda á, að skeiðarnar muni vera frá flimtánu

öld. Grip þenna fann Jón sjálfur veturinn 1854 á alfara vegi undir Fagraskógarfjalli¹.

89. (¹²/₃64. Jón Borgfirðingur bókbindari): SÆSSUVER. Á því stendur: „ANNO 1763” og fangamarkið „S.S.S.”

90. ¹⁴/₄64. Sigurður Guðmundsson málari: Spjaldofnð STYTTUBAND. Á því stendur með bandalettri: „SIGRIDUR PALS DOTTIR A B(andið)”.

91. ²³/₄64. Sami: KISTILL með nafnknút: „S. M. D.” á lokinu, og haglegum blaðakrossi utanum, og rósa-skurðverki á hliðum og göflum.

92. S.d. Sami: HEMPUFLOS eða hempuborði með rós, í tveim þörtum².

93. ³⁰/₄64. Jón Thóróddsen sýslumaður: Svartur TENINGUR úr einhverjum hörðum steini. Hann er með 24 flötum. Á sumum þeirra er einföld tala, sem nú er títt, en sumum tveföld. Á sex flötunum eru bókstafr þessir með stóru latínuletri:

„ZS. ND. TA. LS. HN. NG.”

Til hvers þessi teningur hafi verið hafður, skal eg láta ósagt. Menn skyldi ætla, að það hefði verið einhver töfrateningur eða lukkuteningur. Hann á að vera úr búi Magnúsar sýslumanns Ketilssonar.

94. ²²/₅64. Frú Sigríður Stephensen í Viðey: Vænn KIRKJUHURÐAR HRÍNGUR úr kopar, með einkennilegum fléttingum yflrum. Á hann er ritað með höfðalettri:

„LOFID. GUD. I. HANS. HELGIDÓM.

HANS. KRISTNIR. MEN. A. JORDU”.

og með latínuletri:

„SINGID. LOF. ÞOCK. DIRD. SÆMD. OG. ROM.

¹) þessum gripum, sem hér eru taldir í nr. 83—88, hefir verið lýst í Þjóðólfi xvi, nr. 33—34, bls. 130—131.

²) gripum þeim, sem hér eru taldir nr. 89—92, hefir ekki verið áður lýst.

SO. ORD. HANS. VIDFRÆ(g. yrðu).

ARTAL. DRÖTTINS. 1625"¹.

95. ³¹/₅64. Arnkell Scheving snikkari í Reykjavík: SJÁLFSKEIÐINGUR frá áljánda öld. Hann er íslenskur, og er smelt inn í skaptið kopar, og svörtum og rauðum litum².

96. ²/₆64. Sigurður Sverrisson sýslumaður: TVÖ NISTI eða spennur (möttulskildir) úr bronzi (kopar blending). Þau eru sporöskjulöguð og hvelfd. Í þeim báðum innanverðum hefir verið járnþorn, til þess menn gæti nælt saman með öðrum þeirra klæði sín, ef vildi, eða haft þau fyrir feldardálka. Sextán göt eru boruð gegnum röndina á þeim, til þess hægt væri að sauma þau á klæði sín til skarts, ef vildi; má af því sjá, að það eru möttulskildir, er festir voru á möttulinn, þar sem tygillinn var festur í. Þegar skildir þessir fundust, loddði enn grænt klæði (af möttli?) innan í öðrum þeirra eða báðum. Í Danmörku og Svíþjóð hafa margir slíkir skildir fundizt og jafnan tveir saman eins og hér; bendir það á hið sama, að þeir hafi verið hafðir á möttli. Ofan á skjöldunum er laus grind, sem negld er á með fjórum járnnöglum. Grindin er öll gagnskorin með drekamyndum og auk þess með tveim mannhöfðum með stórum kömpum. Grindin hefir verið með gyllingu og platan undir fögur og gyllt. Í „Worsaae's Nordiske Oldsager 1859", nr. 420 og 421, eru sýndar spennur með samskonar verki, og drekamyndir þessar líkjast mjög þeim, sem eru á spennunni nr. 414 s. st. Á hliðunum eru 8 ferhyrningar silfraðir(?), og eru á milli drekamyndir gylltar, og nokkur drekahöfuð silfrðu eða

¹) gripum þeim, sem hér eru taldir nr. 93 og 94, hefir verið lýst í Þjóðólfi xvi, nr. 37—38, bls. 156.

²) þessum grip, sem hér er talinn nr. 95, hefir verið lýst í Þjóðólfi xvii, nr. 14—15, bls. 58.

með silfurlit neðst á röndinni. Skildirnir eru 4 þumlúngar og 2 línur á lengd, en $3\frac{1}{2}$ þumlúngur á breidd. Samskonar spennur eru sýndar í „Annaler for nordisk Oldkyndighed 1844–45”, og segir þar á bls 313, að slíkar spennur hafi opt fundizt í haugum á Íslandi, og á bls. 315 er þess getið, að þær hafi fundizt á Íslandi með kúfiskum peníngum frá tíundu öld. Í „Nordisk Tidskrift for Oldkyndighed” II, 312 segir, að á Kálfárbökkum hjá Flögu í Skaptártúngu hafi fundizt tvær samskonar spennur með tölum, er sendar hafi verið forngripasafninu í Kaupmannahöfn. Í „Antiqvariske Annaler” IV, 389–90 er þess enn fremur getið, að slíkar spennur hafi fundizt á Íslandi með glertölum. Tölur þessar hafa eflaust verið úr steinasörvi, sem kunnugt er að heyrði til kvennbúnaðar, því til þess eru konur einar kenndar; af því má ráða, að spennur þessar hafi verið af kvennbúnaði, og þó að ein slík tala finnist í karlmanns dysi, svo sem hjá Baldursheimi¹, þá sannar það ekkert, því að ein tala gat vel verið höfð sem knappur. Eigi er ólíklegt, að nisti þessi eða möttulskildir sé sama og brjóstkrínglur, sem getur um í Völundarkviðu, og bendir fleirtalan á, að svo muni fremur vera en að þær sé kóngur, því kóngur höfðu konur tíðast eina senn, en þó er það vafasamt (sbr. ritgjörð mína um kvennbúninga í Nýjum Félagsritum, XVII, 26–27).

97. (²/64. Sigurður Sverrisson sýslumaður): SYLGJA úr bronzi, eða ein tegund af feldardálk. Það var stór hringur með tveim hnúðum og opinn á einn veg, en hann var brotinn er hann fannst. Yfir um hringinn lá stórt þorn með stórum hnúð, og typpi aptur úr að ofanverðu, þar sem hringurinn læk í þorninu. Nú er hringurinn týndur og þornið brotið, og er að eins eptir helmíngurinn, sem er efri parturinn, og er hann 2 þuml-

¹) sjá neðanmáls grein við nr. 11.

úngar og 7 línur. Far hafði verið í þornið, slitið eptir hringinn, og um það hafði brotnað, og muna menn, að þornið var nær hálfu lengra en það er nú. Margar slíkar sylgjur hafa fundizt í Noregi, flestar úr látúni (kopar) eða jární, en nokkuð litlar. Árið 1862 fannst þar ein úr silfri gjör, 7 þumlungar þvert yfir, og önnur þornlaus af líkri stærð fannst þar árið 1860 ásamt hálsbríngum og armhríngum af gulli („Illustreret Nyhedsblad“, 11. ár, nr. 41). Þessi sylgja, er hér segir frá, hefir verið mjög svipuð þeim í lagi, og sylgjan nr. 410 í „Worsaae's: Nordiske Oldsager 1859“ er sömuleiðis lík þeim, nema hvað hún er smelt og krotuð, og nálaroddurinn nokkuð frábrugðinn. Sylgjan eða dálkurinn nr. 411 s. st. er af mjög líkri stærð og þessi sylgja hefir verið. Þesskonar munu hafa verið gullsylgjur þær, er fornmennt „sprettu frá sér“ og gáfu vinum sínum eða öðrum höfðingjum, svo sem Mörður Skarphæðni, og Kári Guðmundi hinum ríka (Njála, bls. 122 og 154, sbr. Sturl. 8. þátt., bls. 122. 154 og víðar). Í „Annaler for nordisk Oldkyndighed 1844—45“ (bls. 315) er getið um, að þríblaðaðar smáralagaðar spennur hafi fundizt á Íslandi með kúfiskum peníngum frá tíundu öld (hvað er orðið um þær?), og margar slíkar hafa fundizt í Danmörku og Svíþjóð; þær eru ein tegund af feldardálkunum, og þesskonar mun sú hafa verið, sem Víga-Glúmur hafði, því að sá dálkur var saumaður í feldinn, en svo er og að sjá, sem hann hafi verið nældur í feldinn með nál (sbr. nr. 190). — Af þessu sjáum vèr, að snemma á söguöldinni hafa Íslendingar haft þrjár tegundir feldardálka, enda höfum vèr sýnishorn af þeim öllum í safninu (nr. 96, 97 og 190). Þá er það að eins ein aðal-feldardálkstegund, sem enn er hér óþekkt, sumsé hinir laungu og mjóu feldardálkar, er hafa beygingu um miðjuna; sjá „Worsaae: Nordiske Oldsager 1859“, nr. 425—429. Slíkir feldardálkar eru eflaust úr

heiðni og ef til vill frá því áður en Ísland bygðist. Auk þess, sem þetta er merkilegt fyrir oss að vita, þá er það og merkilegt fyrir útlenda, því af þeim geta þeir meðal annars betur ráðið aldur feldardálka þeirra, er hjá þeim finnast.

98. (²/₆ 64. Sigurður Sverrisson sýslumaður): Renndur SKÁKMAÐUR úr heini. Hann sýnir, hvað skákin er gömul hér á landi.

99. S. d. Sami: Afslángur steinn, útlendur, er Danir kalla „*fídtsten*“, og er hann í tveim pörtum. Nú er hann einkum hafður til að bræða í gull, en til hvers fornmennt hafi haft hann, læt eg ósagt. — Þessir síðast töldu gripir (nr. 96—99) fundust austur í Þjórsárdal (Þjórsárdalsfundur) fyrir 20—30 árum, og var Finni Magnússyni send lýsing á fundinum, en eigi hefi eg sæð neina skýrslu um hann prentaða¹. Talið er, að Þjórsárdalur hafi lagzt í eyði af eldi úr Rauðukömbum 1344 (Espól. Árb. I, 78), og kemur það heim við annála Jóns Egilssonar (Safn til sögu Íslands I, 32), að það hafi verið í tíð Jóns biskups Sigurðarsonar (1343—48), en hvort sem þessir gripir hafa fólgt í jörðu við þann atburð eða eigi, þá eru þeir eflaust úr heiðni eða frá söguöldinni. — Nistin (nr. 96), sem munu vera af kvenmannsbúningi, og sylgjan (nr. 97), sem mun vera af karlmannsbúningi, benda á, að hér muni hafa verið grafin saman karl og kona².

100. ⁶/₆ 64. Jón Jakobsson prestur á Ásum: BRONZÍPÍPA með ferstrendu gati að endilaungu. Yfir um hana eru tvö bönd með krákustigskroti, og fjögur bönd með innslegnum púntum. Í miðjunni er gagnskorinn

¹) fróðlegt og nauðsynlegt væri að sjá þá lýsingu, ef hún er ennþá til.

²) gripum þeim, sem hér eru taldir nr. 96—99, hefir verið lýst í Þjóðólfi xvi, Nr. 37—38, bls. 155—156.

hnúður, líkt og hann væri brugðinn úr bandi með gröfn-um tenníngum. Hún fannst í gömlum rústum milli Staðarholts og Feðga í Meðallandi, en það voru hjáleigur frá Skarði í Meðallandi, er lögðust í eyði við Skaptár-eldinn 1783. Járn stóð eptir í pípunni endilángri, er hún fannst. Aldurinn er illt að ákveða, en af því er ráða má af hnúðnum í miðjuani og verkinu á henni, krákustigsböndunum og púnktaböndunum, er hún varla yngri en frá tólfstu eða þrettándu öld, en gæti jafnvel verið frá elleftu öld¹.

101. ¹¹/₆₄. Ólafur Pálsson prófastur: SIGNET af tønn með stöfunum „S. A.” og rós yfir².

102. ¹⁵/₆₄. Björn Björnsson bóndi á Bessa-stöðum: SKINNBLAÐ með nótum.

103. S. d. Sami: SKINNOPNA með latínu á.

104. S. d. Sami: SKINNBLAÐ með latínu á.

105. S. d. Þorleifur Jónsson í Hvammi prófastur: KNÍFUR og GAFFALL, ágætir gripir. Þeir eru með sívölum silfursköptum með víravirki ofaná og gati í aptanvert skaptið. Þar í var hringur úr silfri, sem nú er slitnaður úr, og var áður mjög slitinn, er sira Þorleifur mundi fyrst til, hefir sá hringur líklega verið til þess, að festa gripina við belti sér. Bæði sköptin hafa verið gyllt, og lagið sýnir, að gripirnir muni vera frá sextándu öld, enda er það sögn, að Björn Guðnason í Ögri hafi átt þá, en nær væri mér þó að halda, að Magnús Jónsson í Ögri hafi átt þá, því að tvö stór „M” eru á hverju skapti, og er stórt bil á milli. Sköptin vega um 4 lóð. Sira Þorleifur hefir sagt, að eptir því sem hann minni til hafi verið gjört við blöðin og þeim breytt.

106. ²⁴/₆₄. Sveinn Þórarinnsson á Möðru-

1) þessum grip (nr. 100) hefir ekki verið lýst áður.

2) grip þessum (nr. 101) er lýst í Þjóðólfi xvii, Nr. 12—13, bls. 51.

völlum, amtmannsskrifari: TRAFAKEFLI. Það er allt haglega gagnskorið að ofan, en á hliðarnar er skorið með höfðaletri:

„HILLI SOMA HAMINGIU ÞÍÐA
HELST ER KIÆTI
ÖLDU LIOMA EIKIN FRÍÐA
YNDI MÆTI”.

Enn fremur er skorið á það nafnið:

„HOLMFRÍÐUR STEFANSD”.

107. ²⁶/₆₄. Jón Árnason biskupsskrifari: Stór KERTASTIKA úr jární, sem eitt sinn var höfð í kirkjubita hjá prædikunarstól á Kálfafelli í Fljótshverfi, og hëkk hún í tveim lykkjum í bitanum. Hún er öll með einkennilegum rósum, sem slegnar eru úr jární.

108. ³⁰/₆₄. Þorkell Bjarnason stúdent: KIRKJUHURÐARHRÍNGUR frá Fagranesi í Skagaflrði. Hann er með rósum og á honum eru tvö drekahöfuð, nokkuð forneskjuleg. Á honum stendur ártalið „1673”. Þrátt fyrir ártalið, sem á honum er, hefir sú saga myndast um hann, að hann sè grafinn úr hól eða haug frá heiðni, er Kjölur heitir, og stendur í túninu á Fagranesi; sýnir þetta meðal annars, hvað munnmælin eru opt völt og viðsjál¹.

109. ³¹/₆₄. Jóhann Briem í Hruna prófastur: HORNISTÖÐ, haglega skorin. Á þau, hvort um sig, er grafið með höfðaletri:

„STEINUNN SVEINSDOTTER Á IS(taðið).”

Slík ístöð munu vera orðin mjög sjaldgæf hér á landi, og enda óþekkt með öllu, nema sumstaðar fyrir austan².

¹) Þessir gripir, sem hér eru nr. 102—108, eru áður taldir í Þjóðólfi xvi, nr. 37—38, bls. 156; xvii, nr. 14—15, bls. 58 (nr. 106) og nr. 27—28, bls. 112 (nr. 107).

²) sbr. bls. 15 athgr. — Um hornistöð sira Hallgríms Péturssonar sjá Gest Vestfirð. v, 81.

110. S. d. Sami: Stór BRÓKARHALDSKNAPPUR úr prinzmetal með rósum.

111. ¹/₇ 64. Sæmundur Guðmundsson á Hrólfsstaðahelli í Rángárvalla sýslu. Stór SKAFLASKEIFA fimmboruð. Það er dragstappa fornleg. Hún fannst þar vestur undan bænum í uppblásinni jörð.

112. S. d. Brynjólfur Brynjólfsson í Bolholti, hreppstjóri: Stór SKAFLASKEIFA fimmboruð, eigi mjög fornleg. Hún fannst fyrir 25-árum síðan, á sandi nálægt Bolholti eldra, norður af Þingskálum.

113. ⁴/₇ 64. Gísli Thórarensen prestur að Felli: GLERTALA með gati, er fannst á Ketilstöðum fyrir fám árum síðan, er grafið var til kálgarðs. Í gatinu sást hörspottli, er að var gætt, og ætluðu menn því, að fleiri hefði verið saman, og kynni talan að vera úr gömlu „paternoster“-talnabandi, er menn höfðu í pápisku til að lesa eptir bænir sínar.

114. S. d. Sami: PÁLSTAFUR(?). Verkfæri þetta fannst árið 1846 í Pétursey, 1¹/₂ alin niður í jörð, er verið var að grafa til heyhlöðu á sléttri grund. Eigi er þess getið, að þar hafi fundizt manna bein eða önnur mannaverk. Blaðið á verkfæri þessu eða vopni er að ofanverðu holt, og er klofið á fjóra vegu ofan í það, svo að upp úr blaðinu hafa gengið fjórir tångar upp á skaptið, sem enn sjást leifar af, en gegnum þá hafa verið settir 4 hnoðnaglar til að festa þá við skaptið. Blaðið er 6¹/₂ þumlungur á lengd, og vantar lítið á það, en 5 þumlungar og 3 línur á breidd og 8 línur á þykkt. Skapt-holið efst. Blaðið hefir líkast lag sem axar feti, eða neðri hluti af pálblaði. Menn hafa ætlað, að þetta mundi vera öxi. Það getur þó varla verið, því að skaptið hefir verið rekið lángetis ofan í blaðið, sem títt var á fornum páli, en eigi legið þversum, sem á öxi. Varla getur þetta heldur verið páll, því að bæði blaðið sjálft og skapt-holið eru allt of þunn og efnislítill, til þess að þau geti

verið af verkfæri, sem ætlað er til annarar eins áreynslu. Enn er það næsta ólíklegt, að það hafi verið smíðatól, því að til þess hefir það alltof óhentugt lag, enda er það mjög bogið til eggjarinnar. Mér hefir því helzt komið til hugar, og þykir það eigi ólíklegt, að þetta muni vera leifar af vopni því, er fornmenn kölluðu pálstaf, og einkum var haft í sjóorustum. Pálstafs er getið í Konungs-skuggsjá, Sverris sögu, og víðar.

115. (⁴/7 64. Gisli Thórarensen prestur að Felli): STEINN í axarlíking. Hann fannst á slætti grund austan undir Fellsfjalli. Hann mundi víst vera allgott vopn eins og hann er, en enga verulega orsök hefi eg til að halda, að manna verk sè á honum. Hann getur þó vel hafa verið hafður fyrir vopn, og eigi er mér grunlaust um, að Íslendingar á söguöldinni hafi við yms tækifæri notað steinvopn, t. a. m. slaungur, og er það alls athuga vert, ef slíkir steinar finnast.

116. S. d. Sami: BOLLASTEINN, er fannst í rústum á Svaðbæli undir Eyjafjöllum. Þar¹ var áður kirkja, og ætla menn að þetta sè gamalt vígsluvatnsker úr henni.

117. S. d. Sami: STEINN, er saman er settur af steingjörvum sjóarormum. Hann var dreginn á fertugu djúpi úti á Eyjafjallabraunum.

118. ⁵/7 64. Egill Pálsson á Múla í Biskups-túngum hreppstjóri: Slétt TRAFAKEFLI með rósum. Á það er skorið með höfðaletri:

„VEITE ÞIER GIÆFU GUD
GRANDE VID VÆRDE (= varði)
AF SION ALLA TID”.

¹) er þó efi á, hvort kirkja hafi nokkurtíma verið í Svaðbæli, en í Miðbæli hefir verið kirkja (sbr. Íslenzkt Fornbréfasafn 1, 252—55).

og með latínuletri:

„ANNO 1743 DAG 22. APR A S.”

119. S. d. Sami: Sívalt TRAFÁKEFLI sams konar (undirkeflið)¹.

120. 7/7 64. Vigfús Ófeigsson bóndi á Húsa-
tóptum á Skeiðum: Gamalt SVERÐ. Vigfús fann það í
fjallgaungum haustið 1863 á slöttum mel á víðavangi
nálægt Bergólfstöðum (eyðijörð) í Þjórsárdal, og sást þar
engi vottur fyrir mannvirkjum, dysi eða beinaleifum.
Sverð þetta var alveg heilt, er það fannst, en oddurinn
hefir brotnað af því af slysum. Þó má sjá allt lag þess,
er oddurinn er lagður við. Meðalkaflinn er 4 þuml-
únga lángur, og hefir breitt járn eða tangi gengið eptir
meðalkaflanum endilaungum, og þar utaná á báða vegu
hafa verið negldar kinnar, líkt og á borðkníf, hafa þær
verið negldar með þremur eirnöglum, og standa tveir
eptir. Kinnarnar eru að mestu leyti súnaðar burt.
Hnúðurinn aptaná er nokkuð flatur, og breiðari að aptan.
Hjöltun eru 5½ þumlúngs laung, ferstrend í miðju, en
sívöl til beggja enda. Þvers í gegnum hjöltun gengur
lángur nagli, og er hann spaðalagaður handarbaks megin,
þá haldið er um sverðið. Blaðið er eineggjað, 2 þuml-
úngar og 1 lína á breidd við hjöltun, en 28½ þuml-
úngur á lengd. Eptir því endilaungu gengur bryggur.
Sverðið er þunnt og lipurt; það er að mestu beint í
bakkann, en þó heldur lítið eitt fatt og sniðiloddað.
Brandurinn á sverði þessu er líkur því, er tíðkaðist í
heiðni, en hjöltun eru frábrugðin, og eins löguð hjölt
sjást á þjóðverskum og frakkneskum sverðamyndum frá

¹⁾ gripum þessum, sem hér eru taldir nr. 109—119 hefir verið
lýst áður í Þjóðólfi: xvii, nr. 12—13, bls. 51 (nr. 109—112);
og nr. 14—15, bls. 57—58 (nr. 118—119); xviii, nr. 35,
bls. 138—139 (nr. 113—117).

1123—1400. Þegar á allt lag sverðsins er litið, er mér næst að halda, að sverðið sé frá því síðast á Sturlunga öld.

121. 7/7 64. Brynjólfur Jónsson á Minnanúpi í Eystra hrepp: Leifar af fornu stóru FJÆDRASPJÓTI. Er það oddurinn og nokkuð af falnum (pípunni fyrir skaptið), en miðhlutann vantar. Spjótsodd þenna fann Guðný Jónsdóttir, kona Guðmundar bónda Ófeigssonar á Hraukshlöðu (hjáleigu frá Traðarholti í Flóa), nálægt Barnanesvaði, um vorið 1862. Fyrir vestan vaðið er sagt að sé litlir hólar, sem eiga að vera haugar eða dys fornanna, og liggi vegurinn á milli þeirra, en gatan hafi sökum bleytu verið færð upp í einn hólninn. Höfðu hesta fætur troðið þar upp jörðina, unz sást á spjótið: oddinn í öðrum bakkanum, en falinn í hinum. Miðjan á spjótinu, er lá yfir um sjálfa götuna þvera, var öll orðin að einni ryðmöl. Af þessu ályktuðu menn, að spjótið mundi upprunalega hafa verið um 1 alin á lengd eða rúm götubreidd, og víst er það, að það hefir verið ærið stórt og þykkt. Það er með hrygg beggja vegna að framan, en annars vegar flatt, er frá oddinum dregur, og þykir mér næst sanni, að hryggurinn sé þar ryðgaður af. Það er varla efunar mál, að Barnanesvað, sem nú er kallað, er sama, sem Landnáma (bls. 305) kallar Hauga-vað, og segir, að sé „skammt frá Traðarholti“, en sem Flóamannasaga (kap. 9) segir, að sé „ofan frá Traðarholti“. Þar er sagt að Hrafn Þorviðarson hafi fallið, og um þrjá hauga aðra frá sama tíma er þar getið. Það má því telja nokkurnvegin víst, að spjót þetta sé frá heiðni, og sýnir það, að Íslendingar hafa þá haft stór spjót, þó að þau muni eigi hafa verið algeng fyr en eptir 1016 (Grettla, kap. 4—5). Líkindi eru til, að hér mundi fleiri gripir finnast, ef leitað væri.

122. S. d. Sami: Stór FLEINN eða NAGLI, er fannst í Þjórsárdal.

123. S. d. Sami: TRAFAKEFLI með skorum rósum. Á það er skorið með höfðaletri:

„LUCKUNA. LINDINN. BIDÆ.

OG. LÆYST. MÆINUM. FRA.

MARGRIET. GUD. ANNO. 1731”.

124. S. d. Sami: Annað TRAFAKEFLI með haglegum rósum, mannsmynd, lykilsmynd og ljónsmynd. Á því er höfðaletur, sem að miklu leyti verður lesið, en illt er að fá vit úr. Enn stendur á því „ANNO 1739”.

125. S. d. Sami: Krínglóttar TRAFASKJUR. Á þeim eru báðir botnarnir haglega skornir með rósum, og á eskinu stendur með höfðaletri:

„MINN IESUS MÆTI

MIN IAFNANN GIÆTI

HURS KINS BÖL BÆTI

BURT SINDIR (ræti)

ANNO 17(0)4⁷¹.

126. ²⁵/₇ 64. Helgi Sigurðsson á Jörva: HURÐAR-
HRÍNGUR frá Krossholtskirkju, með upphleyptum rósum á.

127. S. d. Tómas Eggertsson á Íngjaldshóli hreppstjóri: Neðri hluti af gamalli BEIZLISSTAUNG úr kopar. Á hana vantar augað að ofan. Hún hefur ein-kennilegt lag og er öll grafin. Hún fannst í gömlum götubakka milli Rífs og Íngjaldshóls.

128. S. d. Sami: Stutt knífskapt(?) úr tómu járn. Við það sæst lítið eitt af efra hluta blaðsins. Aldur þess er óviss.

129. S. d. Sami: BLÝSTÈTT eða TINSTÈTT með gati, óvíst frá hverju. Verið gæti og, að það væri plata, sem notuð hafi verið við kertasteypu til að stínga raki í

⁷¹) gripum þessum, sem hér eru taldir nr. 120—125, er lýst í Þjóðólfi: xvii, nr. 42—43, bls. 172—173 (nr. 120—121), og xviii, nr. 35, bls. 138 (nr. 122—125).

gegnum þá steypt er í forma; slíkra platna hefi eg heyrt getið. — Í máldaga Auðunnar rauða fyrir Áskirkju í Kelduhverfi er getið um kertagrind, sem sýnir, að menn hafa þá steypt kerti í strokk, en ekki í forma; í máldaga Ólafs Rögnvaldssonar fyrir Hrafnagili er getið um kertaforma, en hefir þar líklega aðra merking, sama sem kertaborð eða stóll (sjá bókaforma); þess vegna er óvíst um aldur á kertaformum. Báða þessa gripi (128 og 129), fann Elías Jónsson Kjernesteð á Munaðarhóli djúpt í jörðu, er hann gróf undirstöðu til baðstofu sinnar.

130. (²⁵/7 64. Tómas Eggertsson á Ingjaldshóli hreppstjóri): TVEIR KOPARKNAPPAR hvelfdir, mjög stórir, með víravirki, líklega gamlir brókarhaldsknappar, er tíðkuðust á átjándu öld, en nú eru farnir að verða mjög sjaldgæfir. Þá fann Guðmundur bóndi Árnason á Gufuskálum í gömlum öskuhaug.

131. S. d. Sami: LYKLAHRÍNGUR úr kopar með rósum útúr. Hann fann fólk af Skarðströnd á grasafjalli.

132. S. d. Sami: TRAFAKEFLI, allt skorið með rósaknútum. Á það er rist með höfðaletri:

„AVDGRUND SV SEM EIGNAST KIE(f)LID ÞETTA
HLIOTE GIÆFV F (= & ?, og) LAN MED LAG
OG LUCKU...”,

og enn fremur fangamarkið „S E D.”

133. S. d. Sami: RÚMFJÖL, haglega gjör, öll skorin í miðju með gagnskornum rósum. Á hana er skorið allt í kring með höfðaletri:

”FRODÆR PRVDÆR PRÆSTAR ALLÆR.
ER PLAGA AD GISTA HÆR.
MIG I (hvi)LU MÆNTA SNIALÆR.
HAFÆ HVÖR HIA SIER.

ANNO 1740. I P S.”

— Gripirnir nr. 127—133 hafa gefið fyrir milligaungu

Helga á Jörva, sem hafði fengið Tómas hreppstjóra til að takast á hendur að safna ymsum fornmenjum þar vestra. Gripirnir nr. 132—133 eru úr eigu Stepháns Eiríkssonar, er lengi var í Ólafsvík, bróður Sigurðar Breiðfjörðs.

134. S. d. Helga húsfreyja á Rauðkollstöðum í Eyjahrepp: FÍNGURHRÍNGUR úr kopar, gamallegur. Hann er með áttstrendri stött ofan á; er þar á grafið innsigli, manns höfuðskel og tveir lærleggir, lagðir í kross, og, að mér virðist, bandrúnir þar upp af; gæti menn því hugsað sér, að læknir hafi átt innsiglið. Hringur þessi fannst í Miklaholts kirkjugarði á mjög fúnni manns kjúku, er grafið var til undirstöðu kirkjunnar.

135. S. d. Teitur Bachmann, bóndi Helgu húsfreyju (sjá nr. 134): Stór SKEIFA fimmboruð. Það er dragstappa fornleg. Þegar grafið var fyrir undirstöðu kirkjunnar í Miklaholti fyrir nokkrum árum, fannst hún ofan á líkkistuloki, mjög fúnu, og var viðarkola hruga utanum. Viðar fyrir vestan hafa fundizt skeifur á kistulokum. Að minni ætlan hafa menn látið skeifur á líkkistulok til þess að verja hina önduðu fyrir aðsókn illra anda, og einkum gamla kólka, er menn ætluðu að sækti að likum; mun orsökina meðfram sú, að málara hafa af einhverri meinsems glettni sýnt kólka með hrosshófum, og hafa menn því ímyndað sér hann hrosshæfðan og ætlað, að hann fældist öfugar skeifur og hófa. Af samskonar hjátrú er það víst runnið, að öfugar skeifur sjást opt negldar við útidyr á gömlum húsum í Kaupmannahöfn, eða reknar á siglutrè á hafskipum erlendra.

136. S. d. Geir Bachmann í Miklaholti prestur: MÁLMKLUMPUR, krínglóttur og uppmjór. Hann fannst á líkkistuloki í Miklaholts kirkjugarði, sveipaður viðarkolum. Menn ætla, að hann muni hafa verið innsigli, er hafi haft verið, þá er innsiglað var með vaxi. — Gripirnir

nr. 134—136 hafa gefið safninu fyrir meðalgaungu Sigurðar Helgasonar dannebrogsmanns¹.

137. ³⁰/₇64. Pétur Bjarnason bóndi á Há koti í Njarðvík: PELI frá því snemma á átjándu öld.

138. S. d. Páll Pálsson stúdent í Reykjavík: Stór OPNA á skinni með latínusaung², ágætlega rituð.

139. S. d. Sami: Hálf SKINNOPNA með latínusaung og nótum á.

140. S. d. Sami: TVÖ SKINNBLÖÐ samkynja með nótum og latínusaung.

141. S. d. Sami: Hálf OPNA á skinni með nótum og latínusaung á.

142. S. d. Sami: Partur af SKINNBLAÐI með nótum og latínusaung.

143. S. d. Sami: Stórt SKINNBLAÐ með únglegri skript.

144. S. d. Sami: FJÓRIR BLAÐSNEPLAR á skinni, sem íslenska er rituð á, líklega úr bænabók. Allir upphafsstafrirnir hafa verið gylltir.

145. ³¹/₇64. Pétur Guðmundsson á Bergstöðum: Gömul BEIZLISSTAUNG einkennileg. Hún er úr jární, með svipt að ofan í staðinn fyrir auga. Hún fannst í gömlum vegg á Mælifelli í Skagaflrði.

146. S. d. Sami: TRAFAKEFLI með gapanda drekahöfði á endanum, og hefir stóran bita í kjaptinum. Á það er ritað nafn með bandrúnum. Sömu leiðis stendur á því með latínuletri:

„OLAFVR SIGVS SON HEFVR S(korið)”

og enn fremur: „I H S” og „1693 P G S”.

147. ⁸/₈64. Eyjólfur Einarsson í Svefneyjum

¹) frá þessum gripum, sem hér eru taldir nr. 126—136, hefir verið skýrt í Þjóðólfí xvii, nr. 12—13, bls. 50—51.

²) úr kirkjusögu á latínu, Þjóðólfí xvii, 113.

dannebrogsmaður: Ágæt ÖLKANNA, gjör af steini eða óvanalegri leirtegund. Hún er með tinloki og öll skreytt með haglegum rósum. Á henni er ártalið „1577”. Á henni eru myndaðir: Julius Caesar herklæddur, með krufinn örn á skildinum, Judas Makkabaeus og Alexander hinn mikli, báðir með ljón á skjöldum sínum, og í herklæðum, er tíðkuðust á fimtánda og sextánda öld. Kanna þessi er hollenzk eða þjóðversk, sem nafnið „DER GROS ALEXANDR” sýnir.

148. ³⁰/₈64. Þórunn Jónsdóttir húsfrau á Ísa-firði: Vandaður REIÐI óvanalega stór. Hann er með stórri kúlu eða skildi á. Þar á eru tvær látúnsbúnar blöðkur. Útúr báðum hliðum reiðans eru þrír sprotar, og sameinast tveir af þeim á hestlendinni. Allar ólar reiðans eru alklæddar með koparstokkum, gröfnum ýmist með rósum, knútum eða dýra myndum, og er sumt af því gagnskorið. Skrautið á reiðanum virðist vera misgamalt. Sumar rósirnar eru gjörvar alveg í sama anda og rósir á skinnbókum frá fjórtánda og fimtánda öld, og ætla eg, að sumir stokkarnir og skjöldurinn sé frá þeim tíma, eða þá að minnsta kosti gjörðir eptir gripum frá þeim tíma.

149. ³/₉64. Jón Árnason biskupsskrifari: TVEIR HEMPUSKILDIR gylltir, úr silfri. Þeir eru með loptverki og vega $1\frac{1}{2}$ lóð. Eg hef séð tvo mjög líka að gjörð, en nokkuð stærri og betri, sem báðir eru komnir út úr landinu.

150. S. d. Sigurður Vigfússon gullsmiður í Reykjavík: Hollenzkar eða þjóðverskar DÓSIR. Þar á er tvennskona kalendarium eða almanak, mynd af biskupi með mítur, o. fl. Þær eru hërumbil einsog nr. 232, með sömu ártölum og likum myndum: mann með globus, biskup með mítur á höfði, og mann eða konu með kórónu.

151. ⁵/₉64. Jón Högnason í Hrepphólum prestur:

HURÐARHRÍNGUR úr Hrepphóla kirkju; hann hefir gjöra látið sira Jón Egilsson, er annálinn reit. Á hann er grafið með latínuletri:

„S(ira). ION. EIELS. S(on). HEFVR. LATID. SMIDA.

KIRKIVNA. A(nno) 1598.”

152. ^{17/9}64. Jón Melsteð á Klausturhólum prestur: Partur af BEINSPJALDI, er fannst undir bænum á Klausturhólum, er hann fyrir fáum árum var reistur á ný. Það er með gagnskornum knút að ofan og mannpýrping neðan undir. Á einum manninum sèst votta fyrir pípukraga, er hann hefir um hálsinn, sem sýnir, að spjaldið varla muni vera eldra en seint úr pápiskri öld, eða seint frá fimtánda öld. Hér hefir verið myndað eitthvað úr biblíunni, óvíst hvað.

153. ^{24/9}64. Eldjárn Þórarinsson frá Prestbakka í Hrútafirði, skólapiltur: LYKLASYLGJA með „IHS” innan í, og snúningum á röndunum.

154. S. d. Sami: LYKLASYLGJA með gröfnum krossi innan í.

155. S. d. Sami: KOPARHRÍNGUR með 8 rákum allt í kríng. Hann hefir líklega verið hafður fyrir lykla-hríng.

156. S. d. Sami: TRAFAKEFLI með rósum. Á það er ritað með höfðaletri, latínuletri og rúnum, öllu í samblandi:

„SV. SEM. KIÆFLED. ÆIGNAST. A.

EILIFA. BLESSAN. HREPÆ.

ANNIST. GUD. ÞA. AVDAR. NA.

SO. ALLDRE GODI SLEPÆ.

ANNO. 1685”

Enn fremur er þar á latínumáli:

„SION. LAUDA. DOMINUM. SALVATOREM. HOMINUM.

PURGATOREM. CRIMINUM.”

(o: Sion! lofa drottinn, frelsara mannanna, hreinsara lastanna)¹.

157. ²¹/964. Sigurður Sverrisson sýslumaður: ÞRJÁR GLERTÖLUR. Inn í hina stærstu, sem er óreglulega löguð, hvorki hnöttót, köntuð nè kvarnarsteinslöguð, heldur þar mitt á milli, er smelt rauðum, bláum, hvítum og svörtum litum. Önnur talan, sem er sívöl og brotin til annars endans, því hún hefir verið laung, er með blám, rauðum, gulum og grænum litum. Þriðja er tvöföld eða samsett af tveim hnöttóttum tölum samföstum, gulum að lit. Tölur þessar hafa, eptir því sem menn komast næst, fyrir laungu síðan fundizt í bæjar rúst, þar sem kallað er á Jarlángstöðum, Jarðlaugstöðum eða Arlaugstöðum (eyðijörð) á Landi í Rángárvallasýslu. Þetta munu vera tölur úr fornu steinasörvi, er konur báru á hálsi sér í heiðni, og munu vera samskonar og talan er fannst hjá Baldursheimi (sbr. nr. 11), þó að hún kunni að hafa verið höfð í knapps stað. Eptir árið 1000 verður eigi vart við, að aðrar konur beri steinasörvi en forneskjulegar kerlingar, svo sem fóstura Barða Guðmundarsonar (um 1015 — sjá Heiðarvíga sögu, kap. 23), er lét það um háls honum til varnar, og enda má ætla, að seint í heiðni hafi hjátrú og forneskja verið farin að festast við steinasörvi, þvíð um seiðkonuna í Þorfinns sögu karlsefnis (um 1000) er það tekið fram, að hún hafi haft glertölur á hálsi sér, og á það vafalaust að skiljast sem eitthvað óvanalegt og forneskjumerki. Á öndverðri þrettánda öld sjá menn, að steinasörvi hafa

¹) gripir þeir, sem hér er skýrt frá og taldir nr. 137—156, eru áður taldir í Þjóðólfi xvii, nr. 14—15, bls. 58 (nr. 137, 152) og bls. 57 (nr. 146—147, 153—156); — nr. 27—28, bls. 113 (nr. 138—144) og bls. 112 (nr. 148—149); — nr. 12—13, bls. 51 (nr. 145, 151); — nr. 42—43, bls. 172 (nr. 150).

verið algjörlega úrelt og einúngis þekkt af sögusögn, því að í Snorra eddu (II, 319) segir: „fyrir því er kona kennd til gimsteina eða glersteina, að það var í fornaskju kvenna búnaður, er kallað er steinasörvi, er þær höfðu á hálsi sér.“ Hérumbil eins tölur hafa fundizt í útlöndum með gripum, sem menn ætla að sé frá annari og þriðju öld eptir Krists burð¹.

158. ²⁵/₆₄. Kriatinn Magnússon í Engey hreppstjóri: TRAFAKEFLI, haglega skorið. Á það eru myndaðir tveir ferfættir vargar, og ber annar rós í kjaptinum, er liðast allt í kríngum hann, en hinn smýgur gegnum hríslu, haglega skorna. Þar á eru og myndaðir tveir drekar, er vinda saman sporðana, og er allt mjög fornaskjulega skorið. Á það er skorið með höfðaletri:

„CHRICIVR. BLECCE. KIÆRV. ÞA.

SEM. KIEFLENU. ÞESSV. HELLDVR. A.

I. VÖKU. OG. SVEFNE. VERE. HJA.

VOLLDVGVR. DROTTINN. HIMNVM. A.”,

og enn fremur:

„HLIOTI. HIRLEG. SÆTA.

HLIOTE. GUDC. HILLE. FLIOTA.

G. G. ANNO. 1705.”

Kefli þetta, sem er svo fornaskjulegt, og þó eigi eldra, sýnir hve fastir Íslendingar hafa verið á fornum venjum. Dýramyndirnar og drekamyndirnar á kefli þessu eru í sama anda og tíðkaðist á skjöldum á elleftu og tólftu öld, og rósirnar hafa líkan keim og rósir frá tólftu og þrettánda öld. Það má telja víst, og mun sannast betur með tímanum, er fleira safnast, að Íslendingar hafa skorið flestar myndir sínar fram undir 1800 í sama anda, og tíðkaðist í útlöndum á elleftu, tólftu og þrettánda öld².

¹) Þessari gjöf er áður lýst í Þjóðólfi XVIII, nr. 35, bls. 138.

²) um gripi þessa er getið í Þjóðólfi XVII, nr. 14—15, bls. 58.

159. ²⁶/₉64. Þórður Runólfsson í Saurbæ á Kjalarnesi: Stór SAXKNÍFUR(?). Blaðið er átta þumlunga langt, frammjótt og tvíeggjað meir en upp til miðs. Skaptið er samsett af 47 beinhringum og járnhringum, er alltaf skiptast á, er hnoðuð ró aptan á, og engi eru hjöltu á honum. Hann er lítið sem ekkert skemmdur. Kníf þenna fann Gísli bóndi á Vífilstöðum árið 1855 í jarðfalli í Vífilstaðafelli¹, og ætla menn, að þar hafi verið slétt til forna, er nú er jarðfallið. Skaptið stóð út úr bakkanum og var manni í mitti frá grassverði og niður þangað, er knífurinn var. Þar fannst ekki annað, og engar eru sagnir um stað þenna. Knífurinn er auðsjáanlega vopnknífur eða hefir verið hafður fyrir vopn, og mun að líkindum vera sú tegund, er fornmennt kölluðu saxkníf eða stikkkníf. Ætla má, að knífurinn sé gamall, bæði af laginu og af því, hve djúpt hann fannst í jörðu².

160. S. d. L. J. C. Schou verzlunarstjóri í Húsavík: REKKJUREFILL eða rúmtjald. Refill þessi er haglega saumaður með rósum, og á hann er saumað með haglegu útsaumslettri eða bandalettri:

„GVDE. SIE. LOF. AD. NOTTINN. DIMM. NV. ENDUD. ER.

ENN. GODVR. DAGVR. GIEFENN. MIER³.

TIL. HVILV. MED. MIER. HEF. EG. GVD.

HIL. AUGVNN. I. HANS. NAD. OG. FRID.

ENN. HANN. IFER. MIER. VAKE.

I. VOKV. OG. BLVND.

A. ALLRE. STVND.

SO. EINGE. (kvöl mig saki).”

161. S. d. Björg Guttormsdóttir frá Hoff, prestsekkja í Húsavík: REKKJUREFILL úr hvítu lèrepti,

¹) „Vífilstaðahlíð”, segir í skýrslunni í Þjóðólfi.

²) um grip þenna er getið í Þjóðólfi xviii, nr. 35, bls. 139.

³) Morgun sálmur. Sálmabók íslenzk. Khöfn 1746. 8., bls. 529.

svipaður hinum fyrra (nr. 60), allur saumaður með hríngum, og innan í hríslur og dúfnamyndir, allt saumað með mislitu. Á jóðrunum er saumað með haglegu bandalettri:

VERTV. NV. MINNE. HVILV. HIA.

MED. HEILOGVM. ENGLA. SKARA.

OVINE. DRIF. ÞV. ALLA. FRA.

ENN. MIG. HEILANN. BEVARA.

LIKAMAN. LATTV. SOFA. SÆTT.

ENN. SALENA. I. ÞIER. VAKA.

OG. TILSION. TAKA.

DRAU [móra ógn og illa vætt
aldrei láttu mig saka]¹.

162. ^{26/9}64. Sama: STOKKUR málaður og skorinn, með rósum. Þar á stendur:

„ESPRICHOLMIUS 1771.”

163. S. d. Sigurður Helgason smiður á Auðúlfsstöðum í Lángadal: Hvelldur SKJÖLDUR, áþekkur reiðaskildi. Á hann miðjan er grafn hagleg rós, í sama lagi og hér tíðkaðist fyrrum, en utanmeð á bardinu allt í kring eru rituð með gamalllegu latínuletri þessi þjóðversku orð:

„GADES² FRIEDE UND BARMHIERTIGHEIT WESE MIT JUR”
(ö: guðs friður og myskun sé með yður). Verkið á skildi þessum er mjög líkt því, sem það væri íslenzkt.

¹) vers úr hinum ágæta kvöldsálmí síra Sigurðar Jónssonar í Presthólum (1625—1661): „Lof sé þér guð fyrir liðinn dag”, sem er prentaður í grallaranum, að minnsta kosti síðan í tíð Steins biskups, og í hinum gömlu íslenzku sálmaþókum í „Sálmum á kvöld og morgna”, t. d. í grallaranum 1732 (12tu útg. bls. 249) og síðan; einnig í sálmaþókinni á Hólum 1742, bls. 266; í Khöfn s. á., bls. 526—27. Hólum 1751, bls. 653. Hólum 1772 (Höfuðgreinabók II. Part.) bls. 480—481.

J. S.

²) gades = gottes; að setja þetta orð síðast og láta merkja „dyr” eða „hlið” (Þjóðólf. XVII, 112) mun varla vera rétt.

J. S.

164. S. d. Kristján Árnason í Ærlækjarseli í Axarfirði hreppstjóri: EIRHRÍNGUR, er fyr var í skemmmuhurð eða kirkjuburð á Svalbarði í Þistilfirði. Kristján fékk hrínginn til að steypa úr með öðru koparusli. Á hann er grafið með engilsaxnesku latínuletri:

„(i)N NOMINE PATRIS ET FILII.”

(o: í nafni föður og sonar), og er því sjálfsagt upprunalega úr kirkjuburð. Að því er letrið snertir, gæti hann verið frá tólftu eða þrettándu öld, og mun vart vera yngri en frá fjórtándu öld. Letrið er líkt og á Rannveigar nafninu á nr. 198 og Jesúnöfnunum á nr. 230 og 247. Líkt letur, en þó eigi eins fornlegt, er á gömlu biskups-innsigli frá Grænlandi í byrjun fimtándu aldar¹.

165. ^{27/9}64. Kristján Jónsson skáld (skólapiltur), frá Grímstöðum á Fjöllum: LYKLAHRÍNGUR, er læsa má og ljúka upp.

166. S. d. Jón Ólafsson frá Kolfreyjustað, skólapiltur: SKINNBLAÐ með latínskum nótnasaung².

167. ^{29/9}64. Bjarni Sigvaldason prestur á Lundi: Einhver SMÍÐISGRIPUR úr tönn, grafinn. Helzt er að ráða af laginu sem það hafi átt að verða innsigli, en verið óbúið. Þessi hlutur fannst í Alviðru í Dýrafirði³.

168. ^{30/9}64. Jakob Pálsson frá Gaulverjabæ, skólapiltur: Koparskeptur KNÍFUR. Á skaptið er myndaður veiðimaður í seytjándu aldar búningi með byssu og hund. Annan kníf alveg eins hefi eg sæð, og safnið hefir áður fengið líkan kníf (nr. 34) með karlmanns og kvennmanns myndum á, og munu þeir vera frá seytjándu öld. Það var forn siður, að hafa manna myndir á knífa

¹) skýrsla um gripina nr. 160—164 er í Þjóðólfi xvii, nr. 27—28, bls. 112—113.

²) gripunum sem hér eru taldir nr. 165—166 er lýst í Þjóðólfi xvii, nr. 14—15, bls. 58.

³) þessum grip er lýst í Þjóðólfi xvii, nr. 12—13, bls. 51.

sköptum, sem sjá má af Landnámu, því að þar er sagt, að Tjörvi hinn háðsami hafði karls mynd og konu á knífs-hepti sínu. Fyrir austan kvað og fyrir skömmu hafa fundizt beinskeptur knífur með skornum myndum, ásamt öðrum fornmenjum.

169. (^{30/9}64. Jakob Pálsson frá Gaulverjabæ, skólapiltur): BRAUÐSTÍLL, sem á er ritað með latínuletri:

„SIGRIDVR ASBIORNS DOTTIR A S(tílinn) ANNO 1676.”

Sama ártal er á stílnum nr. 268. Í sama lagi eru og stílnir nr. 56, 82 og 238, og munu þeir því mega teljast til sama tíma, þótt þeir sé ártalslausir. Stíllinn nr. 28 er og gjör í sama lagi, en únglegastur, enda er hann lítið slitinn. Stílnir nr. 41 og 73 eru nokkuð öðruvíis að lagi og munu vera eldri¹.

170. S. d. Jón Jónsson frá Steinnesi skólapiltur: Lengja af KOPARSTOKKUM, 5 þumlunga laung. Stokkarnir eru festir saman með völtum, og allir grafnir með rósum og höfðaletri, sem er orðið lítt læsilegt. Þeir eru $\frac{1}{3}$ þumlúnga á breidd. Lengja þessi fannst milli Alviðru og Gerðhamra í Dýrafirði í gamalli rúst, er stekkur var gjör uppúr, og var þá um 18 þumlunga laung, fylgdi henni litill silfurknappur með gröfnum rósum, sem eg ætla að sé í anda fimtándu aldar. Óvíst er til hvers þetta hefir verið haft, en eigi er ólíklegt, að það sé leifar af höfuðbandi (koffri), þótt úr kopar sé, því að kvennskraut úr kopar var áður títt meðal fátæklínga. Væri þá sennilegt, að bandið hafi verið kneppt saman með silfurknappi þeim, er fannst þar hjá².

171. ^{7/10}64. Íngunn Jónsdóttir húsfreyja (frá Þingeyrum) á Stóruborg í Húnavatns sýslu: STOKKUR með

¹⁾ gripunum sem hér eru taldir nr. 168—169 er lýst í Þjóðólfi xvii, nr. 14—15, bls. 58.

²⁾ þessum grip (nr. 170) er lýst í Þjóðólfi xvii, nr. 12—13, bls. 51 (með skakkri tölu: 180).

húslagi. Á hann eru skornir knútar og rósir, og enn-
fremur með höfðaletri vísa þessi:

„RÆTA MEIGA UM BRAGNAR Þ(a)
RATT NUB (= brátt nú) SKODA DROTTER
A MED HUSED AUDARNA
INGEHIÖRG IONS DOTTER.”

172. S. d. Sama: TRAFAKEFLI með hjartarmynd,
rósum og knútum. Þar á er ritað með latínuletri:

„EIOLFVR THORSTEINZ(son). MDC61”.

173. S. d. Sama: REIZLULÓÐ með kroti og ár-
tali „1693”.

174. S. d. Jónas Björnsson frá Snæringssstöð-
um, stúdent: SKINNBLAÐ með latínu á, ritað á fjórtándu
öld(?). Þar á er Lúk. 3, 1—6, einnig um þá þrjá menn
í eldinum, og fleira úr ritningunni.

175. S. d. Sami: SKINNBLAÐ með latínskum
nótnasaung¹.

176. S. d. Pétur Guðmundsson frá Berg-
stöðum: SKINNBLAÐ í arkarbroti úr Guðmundar sögu
biskups eptir Arngrím ábóta; það fannst í blöðum eptir
Björn Illhugason á Hofstöðum í Skagafirði og er vandað
handrit með rauðum og bláum upphafsstöfum, líklega
ritað seint á fjórtándu öld. Brot þetta hefir Jón Þor-
kelsson gefið út aptan við Hauksbókarblöðin, Reykjavík
1865 (sbr. nr. 76).

177. S. d. Sami: Stór KOPARKÚLA með barði út
úr miðjunni allt í kring. Hún fannst í túninu á Hofstöðum
í Skagafirði, þá er verið var að slætta það.

178. S. d. Sami: KOPARPENÍNGUR².

¹) þessu, sem hér er talið nr. 171—175, er lýst í Þjóðólfi xvii,
nr. 14—15, bls. 58.

²) gripum þeim, sem hér eru taldir nr. 176—177, er lýst í Þjóð-
ólfi xvii, nr. 12—13, bls. 51; um nr. 178 hefir hvergi verið
áður getið.

179. ^{12/10}64. Oddur Jónsson í Dúskoti við Reykjavík, yngispiltur: Stór BRÓKARHALDSKNAPPUR úr kopar. Á hann er grafinn haglegur knútur að ofanverðu¹.

180. ^{15/10}64. Erlendur Pálmason bóndi í Túngunesi: VOÞKNÍFUR með látúnsskapti. Blaðið er 6 þumlunga langt, frammjótt og alveg tvieggjað. Það er slétt öðrumegin, en hinumegin er hryggur á því miðju. Annars vegar út úr blaðinu upp við skaptið er stór járnlykkja í staðinn fyrir hjöltu, svo sem tíðkaðist á korðum á sextánda öld, og mun upprunalega hafa verið báðumegin. Knífur þessi er að eins til að leggja með, og er samskonar og Danir kalla „*dolk*“, eða „*daggert*“. Lagið á hjöltunum sýnir, að hann er varla eldri en frá því um 1500, en kann að vera nokkuð yngri. Hann fannst í Túnguness landi sumarið 1864, og sást oddurinn standa upp á milli steina. Þar fannst ekki fleira².

181. ^{22/10}64. Sigurður Árnason í Höfnum, hreppstjóri: SILFURSKEIÐ, haglega gjör, er vegur $3\frac{1}{4}$ lóðs. Hún er með snúningum og rósum ofan á skaptinu, kórónu aptast á endanum og með fangamarkinu „S. M. D.“ þar fyrir neðan. Á henni er ártalið „1698“. Blaðið hefir verið grafið með haglegum rósum bæði utan og innan. Hún hefir öll verið gyllt³.

182. ^{24/10}64. Þorvarður Ólafsson á Kalastöðum, hreppstjóri: Lítill LÁTÚNSKROSS, sem auðsjáanlega er úr pápiskri öld og líklega gamall. Á honum er annarsvegar myndaður Krists kross með patriarkakross lagi, og við hlið krossins hvorumegin spjót og staung með njarðarvetti. Þar á eru og þrjár leturslínur mjög máðar. Hins vegar eru 17 leturslínur ólæsilegar. Á þeim virðist

¹) þessum grip er lýst í Þjóðólfi xvii, nr. 14—15, bls. 58.

²) grip þessum er lýst í Þjóðólfi xviii, nr. 38—39, bls. 153.

³) þessum grip er lýst í Þjóðólfi xvii, nr. 14—15, bls. 58; í fangamarkinu segir þar sè stafirnir „M. S. D.“ J. S.

helzt vera slafneskt eða rússneskt letur. Alstaðar milli stafanna hefir krossinn verið kolmeltur eða „emaler-aður” með blásvörtum lit. Líkur kross og þessi fannst hér í Reykjavík í korni, og hefir hann eflaust fallið í kornið í Rússlandi og flutzt með því hingað. Hann var ekki „emaleraður.”

183. S. d. Sami: Stór TALA úr brúnum jaspis með grænum dröfnum. — Báðir þessir gripir (nr. 182 og 183) fundust í eigum Þorbjarnar Ólafssonar gullsmiðs á Lundum. Mér þykir alllíklegt, að þeir eigi saman og sè úr gömlu talnabandi eða „paternoster”-bandi, er jafnan var samsett af mörgum tölum og optast hék kross neðan í¹.

184. ²⁵/₁₀64. Stephán Thordersen prestur í Kálfholti: Sexboruð SKAFLASKEIFA. Það er dragstappa stór, og miklu þykkvari og járnmeiri, en nú tíðkast. Hún fannst manni í mjaðmarhöfuð niður í jörðu, nálægt Kálfholti. Skeifna aldur er eigi unnt að ákveða að svo komnu, meðan þær eigi finnast í dysjum með öðrum fornmenjum, en þær munu hafa verið mjög líkar hér í fornöld sem nú, svo sem annarstaðar á Norðurlöndum².

185. ²⁸/₁₀64. Sigurður Helgason á Jörfa: Saxneskur PENINGUR, er hér á landi hefir verið kallaður bræðradalur, því að á hann eru myndaðir þrír bræður í sextánda aldar búaingi. Á honum er ártalið „1594”. Hann vegur 3 lóð 1 kvint og 2 ort³.

186. ³⁰/₁₀64. Guðmundur Jónassen snikkari í Reykjavík: BRYNKNÍFUR(?). Hann fannst haustið 1864 á Botnastaðafjalli austan til við Svartárdal í Húnavatnssýslu,

¹) þessu sem hér er talið nr. 182 og 183 er lýst í Þjóðólfi xvii, nr. 27—28, bls. 112.

²) þessum hlut er lýst í Þjóðólfi xvii, nr. 12—13, bls. 51, en með skakkri tölu (nr. 148).

³) lýst í Þjóðólfi xvii, nr. 27—28, bls. 112.

og ekki annað. Blaðið er 7 þumlúngar á lengd og 10 línur á breidd. Það er eineggjað með þykkum bakka og mjög frammjótt. Oddurinn er sleginn ferstrendur, og sýnir það, að knífurinn hefir verið gjör til að sprengja með brynjuhrínga. Skaptið er úr beini, eða öllu fremur úr hjartarhorni. Það er 4½ þumlúngur á lengd, með koparhúfu aptan á, og þar aptan á er hnoðuð ró. Fremst á blaðið við skaptið hafa verið tálgaðir tveir hnúðar, er mynda nokkurskonar hjóltu. Hann er nú brotinn um hjóltun. Líkan kníf hefi eg séð í forngripasafninu í Kaupmannahöfn, og ætla eg, að hann sé frá tólfstu eða þrettándu öld. Þetta hygg eg vera munu samskonar kníf og fornmennt kölluðu brynnkníf eða dálk(?)¹.

187. ¹⁶/₁₂64. Keypt: Gyllt SILFURPÖR með mannamyndum. Á þeim er allgott verk frá sextándu eða seytjándu öld.

188. S. d. (SömuLeiðis): Stór HEMPUSKJÖLDUR með víravirki og krossmarki á Hann er vafalaust frá seytjándu öld, því að til eru alveg eins skildir, sem á er fangamark Elínar Þorláks dóttur biskups, er dó 1726, og skorti þá tvo vetur á nírátt. — Báðir þessir gripir (nr. 187—188) vega fyrir 8 rd.

189. S. d. (SömuLeiðis): SILFURPÖR með skildi á milli, krínglóttum. Hann vegur 3 lóð og 3 kvint. Bæði stokkarnir og skjöldurinn er gagnskorið. Þar á eru myndaðir vargar eða dýr, sem smjúga gegnum hríslur. Allur sá andi, er lýsir sér í þessu verki, er nú orðinn mjög sjaldgæfur hér á landi, sem von er til. Hinn heiðni andi (stíll) í skurðum er hinn elzti, og er hann alkunnur af ormaknútum og drekaknútum. Næstur honum er sá skurðarstíll, er lýsir sér á pörum þessum, og kallaður er hinn „býsanzki stíll“, tíðkaðist hann einkum

¹) grip þessum er lýst í Þjóðólfi xviii, nr. 35, bls. 139.

á Norðurlöndum 1030—1300. Það mun því mega fullyrða, að mótið, sem þör þessi eru gjör eptir, sè eigi ýngra en frá fjórtánda öld, og annar stokkurinn kann að vera frá þeim tíma, en annar stokkurinn og skjöldurinn sjálfur eru auðsjáanlega smíðaðir eptir einhverju gömlu. — Stiptsyfírvöldin veittu safninu fjárstyrk til að kaupa þessa þrjá síðast nefndu gripi (nr. 187—189)¹.

190. ^{22/12}64. Sigurður Vigfússon gullsmiður í Reykjavík: NISTI eða DÁLKUR úr bronzi. Eiginlega er það grind ofan af þríblöðuðu nisti, því að sjálfa umgjörðina vantar og undirhlutann, sem sèst á því, að naglagötin eru í tveimur blöðunum, en naglinn stendur eptir í hinu þriðja. Nisti þetta er allt gagnskorið, með orma myndum, er vinda saman sporðana á miðju nistinu, en fjórir ormahausar standa út af enda hvers blaðs á alla þrjá vegu. Allur sá andi, er lýsir sèr í smíðinu á nisti þessu, sýnir ljóslega, að það er frá heiðni, eða að minnsta kosti frá fyrra hluta elleftu aldar. Eg hef áður minnt á slík nisti (nr. 97) og getið þess, að slíkur muni hafa verið dálkur Víga-Glúms. Nisti þetta fannst milli Glerárskóga og Ljás-kóga upp blásið á mel hjá alfaravegi.

191. S. d. Sami: HRÍNGJUSTOKKUR og BELTIS-SPROTA ENDI úr gylltu silfri, er vegur 3 lóð. Á því er loptverk, upphafið í miðju, með einkar haglegum rósum og blöðum, sem allt er í hinum svo nefnda „gotneska stíl“, er kom næst á eptir hinum „býsanzka stíl“ og helzt tíðkaðist á fjórtánda og fimtánda öld. Báðir þessir gripir, hringjustokkurinn og beltissprotaendinn, eru eitt-hvað hið fegursta af kvennskrauti og öðrum gripum, er vèr höfum sèð á Íslandi. Að öllum líkindum eru þeir frá því um 1500, og styrkist það af því, að myndir af

¹⁾ gripir þessir eru taldir áður í Þjóðólfi xvii, nr. 27—28, bls. 113.

brúðar skarti, sem drottning Kristjáns konungs hins þriðja gaf, eru gjörvar alveg í sama anda („Illustreret Tidende 1865”)¹.

192. ²³/₁₂64. Sigurður Ólafsson smiður á Busthúsum við Hvalsnes: TRAFAKEFLI, allt skorið. Þar á er Jesú nafn („IHS”) og ártal („AN(n)O 1721”). Þar á er og skorið með höfðaletri versbrot þetta:

„ENGLVM SINVM HANN SETTE BOD

AD SIA TIL ÞIN OG LEIDA

A VEGVM ÞINVM ÞIER VEITA STÖD”².

Ennfremur stendur á því með fraktúru prentlettri:

„G(uðrun?) s(igurðar?) D(óttir) A Þ(etta) K(efli)”,

og

„M(ar)G(ret) I(ons?) D(óttir) A KE(flið)”.

193. S. d. Eyvindur Pálsson bóndi á Stafnesi í Hvalsnessókn: LYKLAHRÍNGUR, allur með snúningum, er fannst í jörðu með sjó fram í bæjarrústum, þar sem Refakot hét. Á hann er ritað með gamallegu latínulettri:

”PENNAN. HRING. A. RAINGHILDVR(1). HALS. DOTTER.”

Sbr. rúnastein á Borg; þar er á Halur fyrir Hallur³.

194. ²⁶/₉64. Björn Björnsson bóndi á Breiðabólstað á Álptanesi: SKINNBLAÐ með latínskum nótna-saung. — Grip þenna gleymdist að bóksetja í rættri röð⁴.

¹) gripum þessum, sem hér eru merktir með nr. 190 og 191, er lýst í Þjóðólfi xvii, nr. 42—43, bls. 172.

²) úr sálminum: „Hver sem að reisir hæga bygd”, þ. e. 91. sálmur Davíðs, íslenzkaður af sira Einari í Heydölum. Hann er heill í sálmabókum Guðbrands biskups, Höfuðgreina-bókinni og víðar, en í Nýju sálmabókinni er hann limlestur, og sleppt þessu versi og fleirum. J. S.

³) gripum þessum (nr. 192 og 193) er lýst í Þjóðólfi xvii, nr. 27—28, bls. 112.

⁴) þessu er lýst í Þjóðólfi xvii, nr. 14—15, bls. 58.

1865.

195. $7\frac{1}{2}$ 65. Sverrir Runólfsson steinhöggvari í Reykjavík: VÍRAVIRKISKNAPPUR úr kopar. Hann fannst undir skólavörðu grundvellingum 1864¹.

196. S. d. Sami: PÍPULYKILL gamall.

197. $14\frac{1}{2}$ 65. Sigurður Sivertsen frá Útskálum, lærisveinn á prestaskólanum: Lítið AKKERI úr silfri. Það fannst í jörðu nálægt Útskálum².

198. $21\frac{1}{2}$ 65. Þorsteinn Eggertsson bóndi í Grimstúngum: SYLGJA úr kopar. Hún er löguð sem hringur, en með þorni yfirum (sjá nr. 97 og nr. 246). Helmíngurinn er brotinn af þorninu. Svo er að sjá, sem á sylgjuna ofanverða hafi verið lóðaðar fjórar aflángar plötur. Þar á milli hefir verið letur allt um kríng, en er nú orðið mjög máð, og verður eigi annað af því lesið en nafnið „RANVEIG“. Það er með gamallegu múnkalettri, og má af því ráða, að sylgja þessi sé frá fjórtánu öld eða litlu yngri. Sylgja þessi fannst í fjallinu nálægt Mjóvadal í Húnavatns sýslu árið 1852.

199. $24\frac{1}{2}$ 65. Aldís Guðmundsdóttir húsfreyja

¹⁾ gripir þessir, sem hér eru taldir nr. 195—264, eru auglýstir í Viðaukabláði við Þjóðólfi XIX. ár, nr. 9—10, bls. 41—44.

²⁾ á katólsku öldunum var títt, að sjómenn hétu á kirkjur eða helga menn í sjáfarhásku, og gáfu þá gripi til kirkna þegar þeir náðu landi; akkeri þetta virðist gæti verið þesskonar heitgjöf.

á Kiðjabergi í Grímsnesi: Bót af gömlu SPARLAKI eða SPARLAKSBRÚN, sem öll er perlusett.

200. ²⁵/₂ 65. Íngimundur Sigurðsson bóndi á Bakka við Reykjavík: Allgóður KNAPPUR af hvalbeini. Á hann er skorið allt í kring með höfðaletri:

„OLAFUR ASMUNDSSON.”

Hann sýnir viðhöfn og starfsemi fyrri aldar manna, þótt lítill sè.

201. S. d. Sami: ÖSKJUR með vönduðum skurði. Öskjurnar hafa verið færðar saman og mínkaðar, og sinn botninn virðist vera frá hverri öld. Á neðra eskinu stendur með höfðaletri:

„... FRA LAUSTUM...

... LAN. MED. SOMA.

og á botninum með villuletri:

„... FYRER. LAUSNARANS...

LILIAN. VERDI. HIN. FROMA.

ANO. 1630.

Meira verður eigi lesið, enda hafa sum orðin fallið burt við samfærsluna.

202. S. d. Sami: TRAFAKEFLI. Á það er skorið með höfðaletri:

GUD MISKVNE NV OLLVM OSS

OG GIEFE BLESS(an sína).

203. a. ²⁷/₂ 65. Ragnheiður Stephensen biskupsfrú í Reykjavík: Útskorið TRAFAKEFLI.

203. b. S. d. Sama: Sívalt TRAFAKEFLI samkynja hinu.

204. ¹/₃ 65. Sigurður Guðmundsson málari: PRJÓNASTOKKUR skorinn. Hann er með laufavið á hliðum, keðjurós á loki og fangamarki á botni með miðaldar rúnalettri. Á endanum er hestmynd.

205. ²/₃ 65. Árni Thorsteinson landfógeti: NÁLHÚS rennt af beini.

206. ¹⁰/₃ 65. Magnús Kolbeinsson í Dúskoti

í Reykjavík: SVUNTUKNAPPUR úr prinzmatal. Hann fannst í rústum af Götuhúsum við Reykjavík.

207. ¹³/₃ 65. Guðmundur Jónassen snikkari í Reykjavík: KRÓKASPJÓT. Spjótsoðdur þessi er $13\frac{1}{2}$ þumlúngur á lengd og nærri 1 þumlúngur á breidd. Spjót þetta er með mjóum fal, og brotnaði aptan af honum, eptir að það fannst. Það hefir tvo hryggi beggja vegna á fjöðrinni, líkt og tíðkaðist á sverðum. Því er alllíklegt, að það sé smíðað upp úr gömlu sverði, sem opt var títt (sjá Gísla sögu Súrssonar, bls. 18), enda hefi eg aldri séð spjót smíðað á þann hátt, heldur með einum hrygg í miðju. Á því eru misstórir krókar, sinn hvorumegin, og standast þeir eigi alveg á. Þeir eru líkir sem agnhöld á augli eða heynál, og af þeim hefir spjótið nafn. Þetta er hið fyrsta krókaspjót, er eg veit til að fundizt hafi á Íslandi, og er því mjög merkilegt. Það fannst í fjallgaungum haustið 1864 framarlega á Eyvindarstaðahéiði, og var það ofan jarðar í flagi. Þar fannst ekki annað.

208. S. d. Helgi Thordersen biskup: Saxneskur SILFURPENÍNGUR frá 1623.

209. ¹⁸/₃ 65. Hannes Árnason á Geldingsá í Melasveit: Grafinn BRÓKARHALDSKNAPPUR úr prinzmatal. Hann fannst þar í kálgarði.

210. ²⁰/₃ 65. Torfi Auðunnarson á Refstöðum í Borgarfirði: LYKLASYLGJA úr kopar. Á henni stendur „IHS.“ Hún fannst á hálsinum milli Iðunnarstaða og Englands í Borgarfirði fyrir nær 100 árum síðan.

211. S. d. Sami: Lítill SVUNTUKNAPPUR úr prinzmatal.

212. ²⁶/₃ 65. Magnús Sigurðsson á Ósi á Skógarströnd, yngismaður: DRYKKJARHORN gamallet. Á því er rós og tvær leturlínur, sem eru blendíngur af höfðaletri og múnkalettri, sem eigi verður lesið. Á því

vottar fyrir ártali með síffrutölum, nefnilega „143.“. Síðasta síffran verður eigi lesin.

213. ³/₄65. Oddur Sigurðsson á Álptanesi kirkjueigandi: KOPARHKÍNGUR, sem var þar í kirkjuhurð-inni. Þar á eru tvö drekahöfuð. Á hann er ritað með höfðaletri:

„DROTTIN. VARDVEITE. ÞINN. INN. GANG. OG. UT.

GANG. H(èðan í frá og að eilífu, amen).

og með latinuletri og síffrum: „ANNO. 1665.

214. ²⁸/₄65. Páll Pálsson stúdent í Reykjavík: SKINNBLAÐ með latinusaung og nótum á.

215. S. d. Sami: FIMM SKINNBLÖÐ samkynja. Á þau er rituð eða prentuð latína með ágætlega fögru lettri. Þau voru úr köppum á hollenzkri eða þjóðverskri bók, sem var í gömlu útlendu bandi.

216. ¹⁰/₅65. Sigurður Pálsson bóndi í Hauka-dal: FJÆÐRASPJÓTSODDUR. Hann fannst haustið 1864 fyrir vestan túnið á Hólum í Biskupstúngum. Þar fund-ust engi mannabein, en hellur voru þar lagðar hríngiön í kring, eins og þar hefði verið dys til forna. Mèr hefir sagt verið (þó eigi af gefandanum), að leifar hafi þar fundizt af spjótskaptinu. Þetta spjót er að því leyti merkara en öll önnur spjót, er send hafa verið til safns-ins, að það er nær því heilt; að eins er lítið skarð í það, því að brotnað hefir út úr geirnaglagatinu annars vegar. Menn geta því áreiðanlega mælt það á alla vegu. Það er 9 þumlúngar og 2 línur á lengd, en 1½ þuml-úngur á breidd yfir fjöðrina, þar sem hún er breiðust. Utanmál yfir falinn aptast, þar sem hann er digrastur, er 1 þumlúngur, en innanmál 7 línur. Þetta sýnir áreiðanlega digurðina á skaptinu fremst, og hefir það verið óvanalega digurt eptir hinum spjótsoddunum að dæma. Það hefir verið á digurð á við hrífuskapt í digr-ara lagi. Það er áreiðanlegt, að þetta hefir verið skraut-spjót, er menn hafa látið hendi fylgja, en eigi kastað.

Það hefir verið ofmikill gripur til þess. Allur falurinn hefir verið smeltur með smágjörvu silfurneti (silfur-rekinu), og það með þeirri list, að mönnum nú á dögum mundi verða mjög erfitt að leika það eptir. Þessi gripur sýnir því bæði skraut og hagleik fornanna hér á landi(?), samkvæmt sögum vorum.

217. ^{22/6}65. Jón Árnason biskupsskrifari: Lítil bót af ALTARISKLÆÐI(?). Það á að hafa verið úr hinu nafnfræga altarisklæði á Hvalsnesi, er álfkonan gaf (Ís-lenzkar Þjóðsögur I, 84—86). Það hefir verið úr gulu(?) skinni, saumað með gylltum vír og gulu silki.

218. S. d. Þorsteinn Oddsson bóndi á Reykj-um í Syðra Reykjadal: FÍNGURHRÍNGUR úr kopar, gamal-legur. Á honum ofanverðum er fár eptir stein. Hann fannst þar í Öskuhaugi.

219. S. d. Sami: Stór SKÁPUR útskorinn. Á honum ofanverðum á skúrnum er skorinn laufaviður með tveimur dýrum í, og fángamarkinu: „B P(?) S”. Á hlið-unum báðumegin við hurðina er og laufaviðarstrengur með dýramyndum. Að neðanverðu eru fimm hringar og þar innan í: „A(nno) 1672”. Á hurðinni eru þrjár rósir og „IHS”. Efst er skorið með latínuletri:

„SI. DEUS. NOBISCUM. QUIS. CONT(ra). N(os)”.

(o: ef guð er með oss, hver getur þá verið á móti oss), og enn fremur stendur á honum:

„H(erra). SIGURDUR. IONSSON. A. S(kápinu).

Nafn þetta er með latínuletri, en upphafsstaflirnir með gotnesku lettri. Sigurður þessi Jónsson mun vera Sigurður lögmaður, er bjó í Einarsnesi í Borgarfirði (1653—1676, † 1677); að sá se maðurinn styrkist af efni latinuklausunnar.

220. ^{23/6}65. Guðný Guðmundardóttir hús-freyja á Mýrum í Dýrafirði: INNSIGLI(?) úr steini. Á það er grafið: „A D G Q”.

221. S. d. Sama: INNSIGLI úr tönn. Á annan

enda þess er grafið „E O S”, og á hinum er nafndráttur. Það fannst í Öskuhaugi í Alviðru.

222. ²³/₆₅. Stephán Bjarnarson sýslumaður á Ísafrði: EIN OPNA úr alþingissamþykktu eða dómaþók á skinni, sem virðist vera frá fjórtándu öld¹.

223. S. d. Eggert Ólafsson Brím, stúdent í prestaskólanum: Stór BRÓKARHALDSKNAPPUR úr prinzmatal, útgrafinn, ættaður að vestan.

224. S. d. Julius Andersen, verzlunarþjónn í Reykjavík: Gyllt SILFURLAUF úr laufaprjónsknappi(?). Þar á er María guðsmóðir og stendur á mána. Það hefi eg áður sæð á þremur laufaprjónsknappa laufum samkynja.

225. ²⁹/₆₅. Sigurður Árnason í Höfnum í Húnavatns sýslu, hreppstjóri: Stórar krínglóttar TÓBAKS-DÓSIR úr látúni, með vel gjörri rós á lokinu. Á þær er grafið með latínuletri:

„FINNVR. IONSSON. A. ÞESSAR. DOSER. 1730”.

226. S. d. Sami: Stórt HANDRIT á pappír um helga staði í biblíunni.

227. S. d. Jón Hávarðsson í Heydölum prestur: Krínglótt SILFURSKEDIÐ. Hún er grafin og með flötu skapti að aptan. Á það er grafið „S I S. 1640”.

228. ³⁰/₆₅. Jón Sigurðsson á Gautlöndum: Stór KOPARHRÍNGUR forneskjulegur. Hann er allt í kríng með einsog perlusetttum hálfmánamyndum, líkt og opt má sjá á hinum elztu hlutum frá fornöld hér á Norðurlöndum (sjá „Worsaae's: Afbildninger fra det kongelige Museum for nordiske Oldsager 1854, 339. 341; Nord. Oldsag. nr. 430. 443”). Hríngurinn fannst uppblásinn í haug þeim, er Einbúi heitir á Tjörnesi, og sáust þar

¹) Í Þjóðólfi er sagt „frá seytjándu öld”.

engi merki þess, að þar væri dys, að sögn þess, er Jón fékk hringinn hjá.

229. S. d. Arngrímur Gíslason á Grænavatni, bókbindari: Leifar af JARNBÓLU, er upp hafði blásið úr jörðu í Garði í Fnjóskadal. Barð hefir verið á allt í kring, en þar fyrir neðan hólkur með fimm ferhyrndum götum allt í kring. Eigi get eg sæð, til hvers hún hafi verið höfð. Samt er eigi óhugsandi, að hún hafi verið aptan af axarskapti.

230. ¹/₇65. Guðmundur Bjarnason í Höfnum á Skaga, trèsmiður: Tvær hliðar af BRONZIKÍNGU. Hún hefir verið hol innan og gjör til að geyma í helga dóma(?), og hefir verið borin um hálsinn. Hliða-umgjörðin er úng, og gjör í líkingu við þá, er var á kúngunni, er hún fannst, en datt í sundur er við var hrært. Annars vegar á kingu þessa (á aðra hliðina) er markað „I H S” (mark trúarinnar), en hins vegar hjörtur, sem á riddaraöldinni var mjög algengt einkenni kvenna ástar, eins og hindin var einkenni karlmanna ástar, og má nokkuð ráða af því um aldur kingu þessarar, enda eru rósirnar á henni í sama lagi og á skinnbókum frá fjórtándu öld. Þar sem hirtir koma fyrir sem ástareinkenni í eddukvæðunum, þá er það að minnsta kosti íhugunarmál, hvort þau muni vera mjög forn. Helzt mun það og koma fyrir í þeim fornsögum vorum, sem hafa riddaralegan blæ, svo sem í Hrólfs sögu Gautrekssonar. Kínga þessi fannst fyrir nokkrum árum síðan við grástekju á eyðidal, er nefnist Brunnárdalur, sem er upp frá Hafstöðum á Skagaströnd.

231. ³/₇65. Sumarliði Sumarliðason í Vigur, gullsmiður: GRALLARI (sextánda útgáfa, ártalslaus). Á honum er gamallet band með spennum og vönduðum látúnsbúningi á hornum og miðjum spjöldum. Bandið virðist vera eldra en sjálfur grallarinn.

232. S. d. Sami: Aflángar DÓSIR með ártölunum

„1482” og „1497”. Þar á eru tvær rímtöflur og myndir. Þær eru úr eigu Páls Hjálmarssonar, síðasta skólameistara á Hólum (1788—1801), er síðan var prestur á Stað á Reykjanesi (1814—1830).

233. ³/₇ 65. Tómas Hallgrímsson frá Steinstöðum, skólapiltur: Sænskar TÓBAKSDÓSIR úr látúni, aflángar, frá 1787. Þær eru með almanaki og allskonar tíma og mánaða einkennum (merkjum).

234. ⁵/₇ 65. Hafliði Jónsson á Þverspyrnu í Rosmhvalaneshreppi: SKINNBLAÐ með nótum á.

235. ⁶/₇ 65. Guðmundur Þorkelsson á Brekkum í Hvolhrepp: BELTISHKÍNGJA úr kopar með rósum og engilsmynd. Þar til heyrandi stokkur er úr gylltum kopar. Á honum er konumynd. Konan faðmar barn, og tvö smábörn vilja komast upp í kjöltu hennar. Hún á líklega að tákna ástina. Þessi stokkur er ósamkynja hringjunni og auðsjáanlega smíðaður úr beltissprota-enda, sem sæst á rósinni, er grafin er á bakatil.

236. ⁹/₇ 65. Sæmundur Guðmundsson í Hrólfsstaðahelli: SKÓSPENNA eða KNÈSPENNA úr kopar. Hún fannst þar, sem gamli Hrólfsstaðahellir var.

237. S. d. Guðmundur Guðmundsson í Hrólfsstaðahelli: Blað af VOPNKNÍF eða TYGILKNÍF. Það er með koparbúnum „öxlum”, en oddbrotið. Það fannst á sama stað og nr. 236. Áður hafði þar fundizt koparskapt af knífi, er beindoppur voru greyptar inn í, og er eigi ólíklegt, að það skapt hafi heyrt til þessu blaði.

238. S. d. Sami: Slöttur BRAUÐSTÍLL. Hann fannst við brú á keldu nokkurri austur í Holtum (í Rángárvala sýslu).

239. S. d. Sæmundur Guðmundsson í Hrólfsstaðahelli: SÍÐHEMPUPÖR(?) úr kopar.

240. ¹⁰/₇ 65. Jón Melsteð í Klausturbólum, prestur: KROSSMARK úr bronzi. Það hefir verið málað. Um miðjuna er breiddur breiður dúkur, og fæturnir eru

samsíða, en eigi krosslagðir, og bendir það meðal annars á, að það sé gamalt, líklega frá þrettánda öld. Krossmark mjög líkt þessu fannst í Hróarskeldu dómkirkju með letri á, sem mest tíðkaðist í Danmörku á tólftu og þrettánda öld, og sem er einnig á nr. 247 hér á eptir, er eg hygg að sé frá því tímabili, og sama er að segja um nr. 164 og 198. Krossmarkið fannst í Bygðarholti á Breiðumýri í Flóa.

241. ^{15/7}65. Jón Borgfirðingur bókbindari: SKINNBLAÐ. Annars vegar er ritin latína ofan til, en er lítt læsilegt. Þó má lesa þar nafnið „Veronica“, og er þetta líklega inngangur og titilblað til Veroniku sögu, því að annars vegar er máluð mynd konu, er situr á stóli, og er það að líkindum mynd hinnar heilögu Veroniku. Eptir letri og mynd að dæma, er það líklega frá fjórtánda öld.

242. S. d. Sami: KÁLFSKINNBLAÐ með saung og nótum.

243. S. d. Sami: KÁLFSKINNSOPNA með latínu á.

244. ^{19/7}65. Sigurður Helgason frá Auðúlfsstöðum, bóndi: Lítill STOKKUR, haglega gjör. Hann er með snúningum á röndunum. Á hliðunum eru allskonar vargamyndir: ljón, björn, hjörtur, og fl. Á öðrum gafflinum eru tvö ljón, og halda þau með kjöptunum sitt í hvorn fót á barni, svo höfuðið hængir niður. Á lokið eru skornir hanar og ljón. Öll dýrin eru innan um smágjörvar rósir.

245. ^{29/7}65. Kristján Kristjánsson á Geitaskarði, sýslumaður: MÖTTULSNISTI eða MÖTTULSKJOLDUR úr bronzi. Hann hefir upphaflega verið sterkgylltur. Nistið er að neðanverðu mjög líkt nr. 96, og hefir verið með þorni á bakatil. Ofan á það hefir verið negld með fjórum eirnöglum gagnskorin grind. Á henni eru fjögur drekahöfuð eða varga. Það getur varla verið ýngra en frá byrjun elleftu aldar, því að það er gjört í mjög heiðing-

legum anda. Það er töluvert langt síðan þessi gripur fannst, og vita menn því óglögg, hvar eða hvernig hann hafi fundizt. Mælt er, að ung stúlka hafi fundið hann í melbarði nálægt Mælifelli í Skagafirði, en eigi vita menn, hvort þar hafi sézt vottur fyrir haugi eða dysi. Pétur Sigurðarson, prests á Mælifelli, sagði mér, að skjöldur líkur þessum hefði fundizt hjá Reykjavöllum í Reykja sókn, skammt frá Mælifelli, og er það líklega sá sami.

Eins og að framan er bent á, þá sjá menn hér afleiðingarnar af því, þegar að einstakir menn safna fornmenjum eða láta þær ganga mann frá manni; sá sem síðast fær þær veit ekkert, og getur opt ekki vitað hvar þær eru fundnar eða hvernig á þeim stendur, en það einmitt tvöfaldar opt gildi fornmenjanna að vita það; menn geta varla buizt við að almenningur hafi vit á slíku, en dæmin eru hér deginum ljósari (sjá nr. 44, 45, 97—99, 157, 246, 290, 294, 322).

246. S. d. Helgi Sigurðsson á Jörva kandiðat: LÍTIL BRONZI-SYLGJA. Hún er alveg slétt, en þornið er brotið. Hún virðist mjög forn, og er samskonar og nr. 334 í „Worsaae's: Afbildninger fra det kongelige Museum for nordiske Oldsager 1854" (Nord. Oldsag. nr. 412). Konur höfðu slíkar sylgjur sem þessa og nr. 198 til að næla að sér fót, t. a. m. kyrtilinn um hálsinn, eða hálsgjardir. Má sjá það á Rannveigar nafninu á nr. 198, og sömu-leiðis á enskum myndum frá tólftu öld á legsteinum, t. a. m. legsteini drottningar Ríkarðs ljónshjarta, og víðar.

247. S. d. Sami: Krínglótt PLATA, líklega af kíngu, sem mun hafa verið mjög lík og nr. 230. Á hana miðja er grafið „I H S", og þar utanum í kring með lettri, sem hefir engilsaxneskt lag:

„GUÐ SE MED".

Bæði stafalagið og rithátturinn („SE" fyrir sie og ðið í guð?) benda á, að hlutur þessi muni eigi vera yngri en frá fjórtándu öld, en hann getur vel verið eldri.

248. S. d. Sami: TRAFAKEFLI, mjög máð og gamallegt. Annars vegar ofan á því hefur verið skorin með góðu höfðaletri hamingjuósk, er byrjar þannig:

„GIEFE. ÞIER. SIALFUR. G(uð) ...”.

Á annari röndinni eru læsileg þessi orð:

„... GODA. DAGANA. ALLA.”

Hinumegin ofaná því standa orðin:

„SIJDAST. ÞEGAR. LIFE ...”.

249. S. d. Sami: Stór KJAPTAMÆL úr járni, fornleg.

250. S. d. Jóhanna Steindórsdóttir í Hítardal: Litill STOKKUR. Á hann er skorið með höfðaletri:

„STOCKINN EIGDU STULKAN GOD.

ÞIG STIDIE HEILLA GNÖTTER.

DIGÐ OG NOMA REIFUD RIÐ

RAGNHEIDUR IONS DOTTER.

ANNO 1781”.

251.a. ¹⁰/s65. Guðmundur Stephánsson á Ferjukoti bóndi: TRAFAKEFLI með rósastreng ofaná. Á það er ritað, bæði með latínuletri og réttum og öfugum rúnum:

„KARETAS ÞORVARDS DOTTER A KIEFLINN. ANNO.

1734. KIEFLADV FAST.”

251.b. S. d. Sami: Sívalt TRAFAKEFLI rennt, samkynja hinu.

252. S. d. Sami: TRAFAKEFLI gamallegt, með snúníngum og smekklega skorið. Á það er skorið visu-brot¹ þetta með höfðaletri:

¹) Visubrot þetta er úr upphafi á Geiplum (rínum af geiplu þætti í Karlamagnús sögu), sem eru með elztu rínum íslenzkum, og er visan öll þannig (skinnb. A. Magn 603. 4to. bls. 29:

„Hver sem þar vill koma í kast

kvinnum dikt at vanda:

þat kann verða áfengt jast,

ekki vil ek þat blanda”.

J. S.

„HVOR. SEM. ÞAR. VILL. KOMA. I. KAST.
KONU ...”.

253. ¹⁴/_s 65. Ólafur Einarsson Johnsen á Stað á Reykjanesi, prófastur: SKÁL úr flabeini. Hún er allsmekklega skorin, og öll með sirkluðum og grófnum hríngum. Hún er annars vegar með kringlóttum snúnum hánka, en hins vegar með sporði til að halda í. Hann er gagnskorinn, sem bandi væri brugðið í knút. Skálin er 3 þumlungar á breidd, en tæpar 6 línur á dýpt. Engi stött er að neðan. Skál þessi eða staup á að hafa verið hin daglega brennivínsskál Guðbrands biskups, og á hann að hafa smíðað hana; þykir mér það eigi ólíklegt, enda er hún úr eign ættmanna hans, og á að hafa gengið í erfðir mann frá manni þannig, sem ættartafla þessi (eptir Brynjólf Benediktson í Flatey) sýnir:

Guðbrandur biskup Þorláksson.

|
Kristín Guðbrandsdóttir ∪ Ari sýslumaður í Ögri, Magnússon.

|
Magnús sýslumaður Arason ∪ Þórunn ríka á Reykhólum.

|
Jón sýslumaður Magnússon á Reykhólum ∪ Jórunn Magnúsdóttir.
og Miðhúsum

|
Ragnheiður Jónsdóttir ∪ Einar prestur Torfason á Stað.

|
Einar (ýngri) Einarsson lögrættumaður ∪ Guðrún Þorsteinsdóttir.
á Svínanesi

|
Einar Einarsson lögrættumaður á Svínanesi ∪ Sesselja Finnsdóttir.

|
Einar Einarsson á Svínanesi ∪ Karitas Þorlákssdóttir frá Látrum.

|
Einar Einarsson á Svínanesi ∪ Guðrún Gunnarsdóttir.

Hjá Guðrúnu húsfreyju, ekkju hins síðast nefnda Einars á Svínanesi, er dó rúmlega sjötugur í Juli 1860, fékk sira Ólafur skál þessa. Líkt lag var á drykkjar-kerum Forn-Grikkja, og opt hefir tíðkapt hér á landi að hafa silfurskálar (eða silfurstaup) með þessu flata lagi,

og hafa þær verið til hær og þar, enda sèst á Háttatali Snorra Sturlusonar, að skálar hafa verið til á öndverðri þrettánda öld í Noregi, er hann segir:

„greipum mætir gullin skál,
gumnum sendir rínar bál”¹⁾, o. s. frv.,

og laungu fyrr hafa þær tíðkæst (Atlakviða 10, Atlamál 79, Hamdismál 24, Völundarkviða 23, 33). Af þessu lagi drykkjarkeranna (skálarlagi) munu hafa myndæst orðtækin: að drekka hjónaskál, mæla fyrir skálum, o. s. frv.

254. 16/8 65. Magnús Eyjólfsson á Grjóta í Fljótshlíð: Hnöttótt BJALLA úr kopar. Hún er með sæti, líkt og knapp sæti, að ofan, og hefir tvö göt kringlótt á báðum hliðum og rífu að neðan. Laus járnknöttur var innan í henni, er hún fannst. Það er ætlan manna, að bjalla þessi sè af beizli. Máltækið: „fiskurinn ríður eigi við bjöllum beizli” sýnir, að bjöllur muni hafa tíðkæst við beizli. Eg hef og heyrt sagt, að siður hafi verið að hafa slíkar bjöllur við söðla, sem og er austurlenzkur siður, eptir því sem eg hef lesið í útlendum þjóðfræðisritum.

255. S. d. Ólafur Einarsson Johnsen á Stað á Reykjanesi, prófastur: Skorinn KISTILL. Kringum skráargatið eru haglega skornar rósir, og tveir hríngar til beggja hliða, sem mynd af strútsfugli og birni eru innan í. Að aptanverðu eru fjórir hríngar, sem myndir af birni, fugli, ormi og leðurblöku (?) eru innaní. Á endunum eru skornir haglegir knútar. Á hríngana er skorið með latínuletri:

„HIÖRTIN. MATTV. HITTA. HIER.

OG. HVITA. MIND. HAN(n. ber).

STRVT. FVGL. STENDVR. HIER.

STHFIN. A. FOTVM. ER.

1) Háttatal Snorra, í Snorra-Eddu I., 708.

MINDER. ÞESSAR. MATTV. SIA.

MADVR. HVÖR. HIER. LJTVR. A.

SKORNAR. ILLA. SKOTNUM. HIA.

SKAL. EG. ÞAR. ECKI. LJVGA. FRA.

HIER. ER. ORMVR. EIRN."

Framhaldið af þessu á göflunum verður eigi lesið.
Á randirnar og lokið er skorið með höfðaletri:

„MEST. VIT. ER.¹ EN. MIOG. FATT. SEIGER¹.

MARGT. HEIRANDE. VM. ÞAD. ÞEIGER¹.

HIALPA. ÞEIM. I. HASKA. EIGER¹.

HEF(nd). OG. URSKRD. LÆINGE. DEIGER.

VIELVM SIST. I. VINSKAP. SMEIER.¹

VID. ÞIER. HOLLVM. EI. ÞIG. REIGER.

LIVFVR. MEIRA. MAN(n)E. HNE(iger).

minna. liter.¹ ei. nie. sveiger."

Framhaldið á endunum á lokinu og okunum, sem er með latínuletri, er mjög máð og verður eigi lesið í samhengi. Á lokið er enn fremur skorið:

„IHESUSNAFNI."

Kistil þenna er mælt að Guðbrandur biskup hafi skorið handa Kristínu dóttur sinni, og á hann að hafa gengið í arf frá henni á sama hátt og nr. 263, og fékk sira Ólafur hann hjá húsfriðu Guðrúnu Gunnarsdóttur á Svínanesi. Eg vil eigi beinlínis rengja sögu þessa, að Guðbrandur biskup hafi skorið út kistilinn. Þó eru hvorki fyrri samstæðurnar svo smekklegar, að menn skyldi ætla þær væri eptir hann, eða valdar af honum, og síðari samstæðurnar eru eptir sira Ólaf Guðmundsson á Sauðanesi (1579–1609); eru þær prentaðar fyrst aptánvið formálann fyrir sálmaþókum Guðbrands biskups 1589 og 1619: («enn önnur Heilræði Dr. Mart. Luthers») og síðan aptan við sumar útgáfur af Eintali (Umþenkingum) Hallgríms Péturssonar, t. a. m. Skálholtsútgafuna 1693 (1692?).

¹) Þ. e. vitir — segir — þegir — eygir — smeygir — lftir.

256. S. d. Jóhanna Friðrika Eyjólfsdóttir, húsrú í Flatey, ekkja sira Ólafs prófests Sivertsens: PROCESSIUMERKI. Það er almenn sögn, að það hafi verið eign Flateyjarkirkju, síðan klaustrið var þar (1172—1189). Kirkjumerki þetta hángir á mjóu þverkefli, sem bundið var vanalega með tveim taugum um endann á merkisstaunginni. Upp af staunginni var opt kross, sem gamlar myndir sýna, samanber mældaga Ólafs Rögnvaldssonar um Möðruvelli í Eyjafrði: „látúnskrossar tveir á merki-staungum og eitt merki lítið.“ Þessi merki tíðkuðust mjög á riddaraöldinni, einkum í processium (eða helgigaungum). Merkið er $17\frac{1}{2}$ þumlungur á breidd, eða (nákvæmlega) forn íslensk alin, sem sjá má á hinu áreiðanlegasta marki á álnarmálssteininum á Þingvelli. Á lengd er það 1 alin og 13 þumlungar. Það er tvíklöfið að neðan, og er grænn og gylltur borði, með laufum niður úr, neðan á hverjum oddi. Merkið er gjört af þykku silki, og er nú orðið gult að lit, en mun áður hafa verið rautt, því að það hefir enn talsvert rauðleitan lit undir krossinum, sem hefir verið saumaður á úr hvítu lèrepti. Breidd merkisins er ein silkibreidd, og eru jaðrárnir alveg ófaldaðir. Silkið hefir verið ofið með smáum hringum, sem ganga í röðum yfirum þvert merkið, og er sín mynd í hverri hringaröð, sem alltaf skiptast á. Í efstu hringaröðinni er hjörtur. Þar fyrir neðan er fljúgandi fugl (líklega haukur), sem steypir sér niður úr loptinu, eins og hann ætli að hremma eitthvað með nefi og klóm. Þar á eftir kemur mannsmynd, sem er óglögg, og síðan rós eða sóley með fimm blöðum. Allar myndir þessar, og hvernig þær eru valdar, minnir menn á riddaraöldina (nr. 230), og bendir einnig til þess, að það sé mjög gamalt, en hvort það er svo gamalt, sem sagt er, læt eg að svo stöddu ósagt. Þesskonar merki átti fyrrum hver kirkja hér á landi, og sumar áttu mörg, og jafnvel líka gunnfána eða hermerki. En nú er svo

komið, að þetta er hið einasta þesskonar merki, sem eg veit að til sé í Danaveldi, og þau munu víst sjaldgæf, þó víðar sé leitað.

257. S. d. Guðmundur Sigurðsson á Stað í Steingrímsfirði, aðstoðarprestur: TRAFAKEFLI frá 1755. Það er skorið að ofan með knútum og rósum. Á því er og höfðaletur, sem er illt aflestrar.

258. S. d. Sami: TRAFAKEFLI. Á það er skorið með höfðaletri, grísku lettri og villtum rúnum:

„(t)HORGIERDUR. ARNADOTTER. A. KIEFLED.”

og enn fremur:

„KIEFLEÞ. ILLA. KRAFSAD. ER.

KNIJFURINN.

ANNO. 1720.”

— Bæði þessi kefli (nr. 257 og 258) fékk sira Guðmundur hjá Sæmundi bónda á Gautshamri, Bjarnarsyni prófasts Hjálmarssonar.

259. S. d. Sami: STOKKUR með gamallægri læsingu og hrosshárshjörum. Hann er skorinn með knútum og rósum, og einni höfðaleturs línu, er sýnist vera villuletur. Hann er úr eigu Guðrúnar Jónsdóttur í Bæ á Selströnd.

260. S. d. Sami: PARAKER eða BAUKUR úr trè. Á lokið eru skornar skiparósir. Paraker þetta gaf sira Guðmundi margfróð kona, Svanhildur Helgadóttir († 1843).

261. S. d. Sami: DRYKKJARHORN, vel gjört. Á það ofanvert er skorið Adam og Eva, er standa sitt hvorumegin við skilningstrèð, sem höggormurinn vefur sig utan um. Hjá þeim liggur héri og hafur; þar er og fugl á flugi myndaður. Þar fyrir neðan er gjörð, með höfðaletri, mjög máðu. Þar fyrir neðan er Kristur á krossinum, og Jóhannes og María þar hjá, en hins vegar agnus dei, eða lamb guðs í skýjahring. Þar fyrir neðan er leturlína máð, og snúningur neðst á stiklinum. Letrið virðist eiga að lesa þannig:

„GUD. VEL. (ko)MNER. GODER. VINE(r). GLEDIED(. yður).”
 Auðsèð er, að drukkið hefir verið úr víðara endanum á horni þessu. Myndirnar á því líkjast mjög myndunum á elztu bókaútgáfum frá dögum Guðbrands biskups, og ætla eg, að hornið sè frá þeim tíma. Horn þetta fannst fyrir rúmum 30 árum síðan á Glámu, og komst í eigu Jóns Einarssonar, bróður þeirra Ásgeirs og Torfa, alþingis-
 manna; þá eignaðist það Björn bóndi Bjarvarson í Bjarnarnesi, og af honum þág sira Guðmundur það. Þegar hornið fannst, var það lengra en nú og tinstútur á.

262. S. d. Sami: KROSSMARK úr trè. Það hefir verið málað, og er með gylltum dúk um miðjuna og gylltri þyrnikórónu. Það er frá fimtánda eða sextánda öld. Það hefir, að því er sira Guðmund minnir, fundizt undir gólfþiljum Staðarkirkju, er hún var gjör upp síðast.

263. S. d. Sami: Bláróspúð LEIRKANNA. Hún er með hnöttótttri bumbu að neðan, en bein að ofan, með handarhaldi, og pípu eða stút fram úr barminum, í staðinn fyrir nef eða vör (túðu). Á efri hlutanum eru 32 stór göt, svo að eigi verður drukkið úr henni, nema menn þekki á henni lagið, því að ef henni er hallað streymir allt út um götin. Hún hefir verið kölluð vítabíkar. Könnu þessa er mælt að átt hafi sira Halldór Einarsson, faðir Bjarnar prófasts Halldórssonar í Sauðlauksdal, og hafi hann gefið hana Sigríði dóttur sinni, en frá henni á kannan að hafa gengið í erfðir til Guðbrands hreppstjóra Hjaltasonar á Kálfanesi, og hjá honum fékk sira Guðmundur könnuna.

264. S. d. Sami: Lítið BRÝNI með gati í endann. Það fannst í flagi hjá Bæ á Selströnd, og gaf Sigurður Gíslason í Bæ sira Guðmundi brýnið.

265. 17/8 65. Sigurður Guðmundsson málari:

Tvær litlar bætur úr gömlum HÖKULKROSS, eða MESSUSKRÚÐA, ofnar með gullvír og silfurvír, mjög vandaðar¹.

266. ²⁹/s65. Símon Bech á Þíngvöllum prófastur: Stór KOPARHRINGUR úr Þíngvalla kirkjuhurð. Hann hefir í fyrstu verið steypdur utan um járnbaug, og varð hann því víða brostinn og bilaður, og því óhæfur til að vera lengur í kirkjuhurðinni. Ofan á honum eru þrjár áttkantaðar dopper, og letur grafið á milli. Fyrst er með latínuletri:

„HONORANTEM ME HONORABO 1 SA 2”

(o: eg mun heiðra þann, er heiðrar mig. 1. Sam. 2, 30). Á hinum helmingnum stendur með gotnesku lettri:

„SIGURDUR BIORNSSON L(ÖK)M(aður) GAF 1701.”

267. ³/s65. Guðmundur Einarsson bóndi í Mýdal í Mosfellssveit: SPÓNASTOKKUR loklaus, með dreka-höfði á öðrum endanum. Á hliðarnar er skorið með höfðaletri:

„VERDI FROMUM VIRÐUM KATT

VIFUM LIJKA SNIOLLUM

(g)IORDI EG SO E...”.

Það, sem vantar, hefir líklega verið á lokinu.

268. S. d. Sami: BRAUÐSTÍLL, grafinn með flött-íngum, og ártalinu „1676”.

269. ¹⁰/s65. Keyptur gripur: þunnur BORDÚKUR úr hvítu lèrepti. Á hann er prentaður með rauðu stór nafndráttur Friðriks hins fimta Danakonungs (1746—1766) og kóróna yfir. Beggja vegna standa blásvört ljón, og styðja nafndráttinn með klónum. Þau ná að mestu yfir þveran dúkinn. Á neðanverðum dúknum er nafndráttur með kórónu yfir, sem sýnir, að dúkurinn er gjör handa einstökum manni. Í nafndrætti þeim eru

¹) Þetta sem hér er talið, og það sem eptir fylgir, hefir ekki fyr verið auglýst á prenti.

staflrnir A og C og D, en óvíst er, í hverri röð þeir eiga að lesast. Á annan veginn er dúkurinn 2 álnir og 19 þumlúngar, en á hinn veginn 2 álnir og 13 þumlúngar. Sá fyrsti, er menn hafa sögur af að ætti dúk þenna, er Stephán Scheving á Íngjaldshóli. — Dúkurinn var keyptur fyrir 1 rd.

270. ^{16/9}65. Frú Íngibjörg Gunnlaugsdóttir (Johnsen) í Húsavík: AUGNASKAUMS ÁBRÆIÐA með hærumbil 52,250 áugum. Augnastjöldinn sýnir, hve fjarskalegt ómak það hefur verið að sauma svo mörg göt, sem öll eru í líkingu við hnezlugöt. Á henni stendur:

„M(ATT)HILDIR EYK(ÍKS) DOTTR MDC.”

Hún er með haglegum knúta uppdrætti.

271. ^{29/9}65. Indriði Þorsteinsson á Viðivöllum í Fnjóskadal, gullsmiður: PÁLSTAFSBLAÐ(?), eða þvíumlíkt vopn eða verkfæri. Það er með einskonar fal eða skapholi að ofan, á þann hátt, að báðar hliðabrúnirnar að ofan hafa verið beygðar hvor á móti annari (og mynda þannig einskonar skaphol); en þótt brúnirnar sé ryðgaðar, virðast þær aldrei hafa náð alveg saman, heldur mun hafa verið allt að því tveggja þumlunga bil á milli. Það er 3 þumlúngar og 1 lína yfir um falinn, 4 þumlúngar og 4 línur fyrir eggina, og 5 þumlúngar á lengd. Það er auðsèð, að þetta getur eigi fremur en nr. 114 verið pálblað, en að svo komnu er örðugt að ákveða, hvort það er pálstafsblað eða eitthvert annað ókunnugt verkfæri eða vopn, (sbr. það er áður hefur verið sagt um nr. 114, og sömuleiðis um nr. 284 hér á eftir, sem er einhver tegund af fornum pál eða grefi, með slíku lagi, er tíðkæzt hefur í útlöndum um 1066—70, en nú er ókunnugt hér á landi, að því er mér er kunnugt). Mér gæti helzt komið til hugar sporrekur þær, sem sagt er að Austfirðingar hafi haft, og enda hafi, til að ganga við á hjarni, spora sig í jökla(?) með, og grafa sig í sönn með. Eyfirðingar kalla þær gaungurekur eða gaungu-

spaða. Á Jökuldal kváðu þær vera kallaðar veðra-
rekur, og af öðrum sporrekur. Talið er, að þær
sé með mjög litlum skákum, en að öðru leyti líkar öðrum
rekum. Þó eru mær þær eigi svo kunnar, að eg viti,
hvort þessir tveir hlutir (114 og 271) sé þeim líkir, eða
eigi nokkuð skylt við þær. Á háskólasafninu í Kristjaníu
er til mjög líkt verkfæri eða vopn, og er kallað „pál-
stafur“; hann er 2 þumlungar og 8 línur á breidd
fyrir eggina, og með fal, svipuðum og á þessum hlut.

272. (²⁹/965. Indriði Þorsteinsson á Viðivöllum í Fnjóskadal, gullsmiður): Kollótt JÁRNBÓLA eða kúla með stóru
gati í miðju, og barði eða barmi allt í kring, líkt og á
skjaldarbólu. Á barðinu hafa verið 10 göt, og bólan er
1 þumlungur og 5 línur þvert yfir. Hún hefir líklega(?)
verið á þessu sama verkfæri, og verið negld aptan á
skaptið, því að hún fannst hérumbil 1½ alin frá blaðinu.
— Báða þessa hluti (nr. 271 og 272) fann Indriði sjálfur
vorið 1865 í leirflagi austanvert við Fnjóská, skammt frá
Leiðarnesi, sem svo er kallað, sunnan við Jónshöfða, og
á þar að hafa verið leiðar-þingstaður til forna; kváðu
þar enn sjást merki til tópta. Meira fannst þar eigi af
neinu, og leitaði hann þó vandlega.

273. S. d. Jón Þorsteinsson frá Hálsi í
Fnjóskadal, skólapiltur: SKEGGKNÍFSSTOKKUR, allur skorinn.

274. S. d. Sami: JÁRNÍSTAÐ, mjög einfalt, og
að því leyti einkennilegt. Það fannst á Stórhöfða í
Fnjóskadal sumarið 1865.

275. ³⁰/965. Eldjárn Þórarinnsson frá Prest-
bakka í Stranda sýslu, skólapiltur: TVEIR BRÓKARHALDS-
KNAPPAR samkynja, úr klukkukopar, allstórir.

276. S. d. Sami: REIÐAKÚLA eða bóla úr kopar.
Hún er með 4 hringum, með fornescjulega gjörvum
fuglum innan í, líkt og fyrrum tíðkaðist á tjöldum, og
utan með á barðinu er með gotnesku lettri vísa þessi:

„HIGST. AD. RYDA. HEYLLM. BUNDIN. HESTI. FRYDM.
REIDAN. ÞYDA. REFLA. GRUNDIN. REYNI. TIDUM.

277. S. d. Helgi Thordersen biskup: Svart-blár HÖKULL úr ullarefni með hríngofnu fóðri. Hann er með krossmarki, sem saumað er úr silkiþræði og hörþræði. Krossinn er úr silki, sem orðið er gult, en sem auðsjáanlega hefur upprunalega verið með fögrum rauðum lit, sem sæst, þegar lýpt er upp krossmarkinu. Þetta sannar fyllilega litinn á processiumerkinu nr. 256. Hökull þessi er úr þaunglabakka kirkju, og er víst mjög gamall.

278. S. d. Sami: Gamall PATÍNUDÚKUR úr þaunglabakkakirkju, gulur að lit. Hann er með krossmarki, saumuðu með gylltum vír, og standa Johannes og Maria undir krossinum.

279. ²/₁₀65. Jómfrú Margrét Þorláksdóttir í Reykjavík: GARÐAHÚFA, sem svo er nefnd, af heldri konu að vestan. Slíkar húfur hafa konur borið fyrir vestan, jafnvel heldri konur, en eigi er mér ljóst, hve almennt það hafi verið. Þó að það hafi ekki nokkurn tíma verið almennur höfuðbúningur á landi hér, þá sýnir þó þessi húfa lagið á garðahúfum, er svo voru nefndar. Þær eru ef til vill af íslenskum uppruna, líkt og hið svo nefnda mítur, þótt hvorugt sé þjóðlegt, fornt né fagurt. Sumum kann að virðast húfa þessi lítt merk, en hún kann síðar að geta skorið úr þrætu, og þótti því ástæða til að þiggja hana fyrir safnsins hönd.

280. ³/₁₀65. Jón Ólafsson frá Kolfreyjustað, skólapiltur: SKINNBLAÐ úr Karlamagnúsar sögu. Það svarar til IV, 64: 229,²⁸ í hinni prentuðu sögu. Það er gott handrit frá því seint á fjórtándu öld(?).

281. S. d. Sami: Litill PARASTOKKUR(?) með risi, líkt og á húsi (sbr. nr. 171). Hann er haglega skorinn, með rós á risinu og hliðunum.

282. S. d. Árni Hallgrímsson á Garðsá í Eyjafirði, hreppstjóri: TVÖ SKINNBLOÐ með latínu á, líklega

úr bænabók. Á efra horninu á öðru blaðinu stendur með rómverskum tölum blaðsíðutalið(?): „CLXXXI”.

283. S. d. Friðfinnur Þorláksson á Akureyri, gullsmiður: Einhver lítill SMÍÐISGRIPUR úr tön, með skrófu.

284. ¹²/₁₀ 65. Jón Danielsson á Ásbúð, smiður: Fornlegur PÁLL eða GREF, eða PÁLREKA(?). Að því er lagið snertir, er verkfæri þetta mitt á milli reku og gamals pás. Skaptið er 1 alin og 2½ þumlúngur á lengd, með hækjuhún að ofan, eins og á páli. Að neðan eru skákar, eins og á reku, en báðar eru eintrjáníngar við skaptið og tálgaðar úr sömu spítu. Yfir skákarnar efst er verkfæri þetta 5½ þumlúngur. Lengd skákanna með varinu er 12½ þumlúngur. Eggja á varinu gengur í odd, og gengur varið 8½ þumlúng upp á skaptið, en nær því hálfu styttra í miðju. Naglar ganga gegnum varið allra efst, einn hvorumegin, til að halda því föstu við skákarnar. Varið er 6 þumlúngar og 2 línur á breidd, þar sem það er breiðast, allra neðst. Það er heldur þunnt. Skaptið með skákunum er úr bækitrè, og er alveg ófúð. Verkfæri þetta fann gefandinn sjálfur árið 1865 í mýrinni fyrir ofan Flensborg (við Hafnarfjörð), rúmlega manni í öxl niður í jörðu, er verið var að taka þar mó, og voru 3 páltorfur af mó yfir og 3 undir. Aðrir menn hafa sagt mér svo frá, að engin merki hafi til þess sézt, að þar hafi áður verið tekinn mór, og enginn veit til þess, að nokkurn tíma hafi verið hreyfð jörð til móts í þessum sama mýrarjadrí. Þetta er ásamt öðru vottur um töluverðan aldur þessa verkfæris, enda er almenn reynsla fyrir því í útlöndum, að trè og jafnvel járn getur legið í mójörðu óskemmt að mestu allt að 2000 árum eða lengur, og getur því verkfæri þetta verið mjög gamalt, þó að það sé lítið eða ekkert skemmt. Í fornum bókum er getið um pála og grjótpála, rekur og gref. Grágás (í Kristinna laga

þætti, kap. 3) nefnir saman pál og reku og sömuleiðis Bragða-Mágus saga (bls. 138). Reka er nefnd í Frostuþíngslögum (x, 47) og í Gunnlaugs sögu ormskýngu (kap. 2), og í Fornmanna sögum kemur fyrir máltækið: „stíktu mér í, kvað reka“. Í Finnboga sögu hins ramma (kap. 32) er nefnd mykjureka. Páll er nefndur í Svarfdælu (kap. 12). Í Landnámu (bls. 293) segir, er bera átti út sveininn Þorstein Ásgrímsson, Úlfs sonar hersis á Fíflavöllum: „þræll hvatti gref, sá er honum skyldi gróf grafa“. Hvað gref er á þessum stað, er óljóst, en auðsèð er þó á sambandinu og eins nafninu, að það er grafstól, hvort sem það kann að vera líkt páli eða reku, eða mitt á milli páls og reku, svo sem þetta verkfæri. Í Ferðabók Eggerts og Bjarna (bls. 35) er myndaður páll, sem sýnir, að um miðja átjándu öld hafa pálar tíðkast á Íslandi líkari verkfæri þessu, sem hér segir frá, en pálum þeim, sem alstaðar tíðkast hér á landi á þessari öld, að því er eg þekki til. Nú er blaðið rekið upp í skaptið á öllum pálum, en á þessu verkfæri, og eins í Ferðabók Eggerts, má kalla, að skaptið gangi ofan í blaðið, sem neglt er fast á skaptið með tveim nögglum, sínum hvorumegin, og ganga tungur, sem neglt er í, upp á skaptið báðumegin. Svipað þessu er sömuleiðis fyrirkomulagið á nr. 114 og 271, sem líkur eru til að sè pálstafsleifar; en ef það er eigi, þá eru þó líkindi til, að hinir fornu pálstafir hafi verið líkari hinum elztu pátategundum. Á hinu nasnfræga tjaldi frá „Bayeux“, er saumað var 1066—70, sjást menn, sem eru að grafa til virkis eða kastala, og heldur einn þeirra á tóli, sem mjög er líkt því, er hér fannst, með alveg eins oddmynduðu vari, en í því er það frá brugðið, að á því er hak annars vegar, sem á pál. Höndin á manninum skýlir þar húninum, svo hann sèst eigi. Væri blaðið á pálnum í Ferðabók Eggerts og Bjarna oddmyndað, væri það allt eins og blaðið á þessu verkfæri, sem mér er næst að

halda að sè gref, eða forn páll, eða ef til vill það, sem kölluð er pálreka.

285. ^{21/10}65. Pétur Friðriksson Eggerz, kaupmaður á Borðeyri: Gamall SÓÐULKEIÐI með bólu í miðju, úr kopar, með 10 stórum kopardoppum og 26 minni.

286. S. d. Sami: Lítill KOPARKNAPPUR tvöfaldur með gleri að ofan, þar undir er mynd Karls hins tólfra Svíakonungs (1697—1718), með letrinu:

„CAR(l). XII. K. I. S.”

Knappur þessi fannst rekinn af sjó norður í Bitru fyrir rúmum 20 árum.

287. S. d. Sami: KNÍFSKAPT(?) úr kopar, með upphleyptum rósum á og trè innani að framan.

288.a. S. d. Sami: Lítill SVUNTUKNAPPUR, vel gjör, með víravirki, gylltur og með gröfnu laufi.

288.b. S. d. Sami: Samkynja SVUNTUKNAPPUR.

289. S. d. Sami: KARLMANNS(?)-KNAPPUR úr kopar, gagnskorinn. Hann hefir fundizt.

290. S. d. Sami: Grind ofan af fornu MÖTTULS-NISTI(?) úr gylltu bronzi. Hún er gagnskorin og að öllu af líkri stærð og gjörð sem nr. 96 og 245; samskonar er og nr. 371 hér á eptir. Allan neðra hluta nistisins vantar. Þess má geta, að ekkert af þessum þremur nistum (nr. 245, 290 og 381) hefir nein göt allt í kring, eins og bæði nistin nr. 96 hafa, og sem greinilega bendir á, að þau hafi verið saumuð á fót, eins og síðari alda möttlaskildir og hempúskildir. Eg veit og eigi betur, en að hin þrjú nistin hafi fundizt ein sèr, og getur það komið af því, að þau hafi týnt, eða þá af því, að þau hafi verið borin sem dálkar. Menn hafa enn eigi fundið nógu mart af þeim, til þess að geta skorið úr því. Nisti þetta fannst uppi á fjalli nálægt Norðurárdal í Borgarfirði, en hvenær það hafi fundizt, vita menn eigi.

291. ^{25/10}65. Sigurður Sivertsen frá Útskálum stúdent; KNAPPUR úr gylltu silfri, haglega og einkennilega

gjör, með góðu víravirki. Knappurinn er eggmyndaður, og er eigi gott að greina, hvort það er ermaknappur eða tala úr hálsfesti (meni), er opt var samsett af einskonar eða tvennskonar tölum, sem skiptust á. Nokkrar þeirra hefi eg sæð.

292. S. d. Sami: Lítill TENINGUR úr tönn, fundinn í jörðu.

293. ²/₁₁ 65. Árni Jónsson silfursmiður í Reykjavík: Lítill STEINSNÚÐUR með auga, allur ávalur annars vegar og með hring í kring um augað, en hins vegar flatari, en þó með ávölum brúnum. Hann er úr útlendum steini (*fídtsten?*). Hann er 1 þumlungur og 2 línur á breidd. Árni fann snúð þenna í bæjarrústum á eyðijörð fyrir austan Kaldárholt, ásanrt brotum af fleiri samskonar snúðum (sbr. nr. 306).

294. S. d. Sami: Stór GLERTALA með innsmeltum litum: svörtu, hvítu, rauðu og grænu („mosaik“-verki). Hún er og með hringum og að mestu hnöttótt. Hún er alveg samskonar og nr. 157, og auðsjáanlega frá sama tíma. Hún fannst í flagi austur í Álptaveri fyrir nálægt 40 árum.

295. S. d. Sami: Lítill TALA úr grjóti (*fídtsten?*), í laginu sem mylnusteinn. Hana fann Árni á sama stað og nr. 293.

296. S. d. Sami: ÞRJÁR GLERTÖLUR mjög litlar, hnöttóttar að mestu, með rákum, sem allar liggja eins. Ein þeirra er rauð og tvær eru samfastar (sjá nr. 157). Þær hafa mjög fagran lit, líkastan lit á skygðu silfri. Þær fann Árni alveg á sama stað og nr. 293 og 295.

297. S. d. Sami: Hálf RAFURTALA eða GLERTALA, að stærð og gjörð lík nr. 294, en mylnusteinslöguð. Hún er með hvítum og rauðum flétting utanum á einn veg. Sjálf talan hefir verið gul, en jörðin hefir getað verkað á hana og einsog feygt hana. Hana fann Árni á sama stað og hinar (nr. 293, 295 og 296) með nokkru

millibili. — Allar þessar tölur (nr. 294—297) eru eflaust mjög gamlar og líklega úr steinasörvi upphaflega. Þær eru nær því eða alveg eins og tölur, er finnast í jörðu erlendis með peningum frá annari og þriðju öld eptir Krists burð. Þetta bendir á og sannar með öllu, að tölur þessar, er hér hafa fundizt, geta verið langtum eldri en bygging Íslands, og hafa getað geymzt mann frá manni, áður en forfeður vorir tóku að byggja þetta land. Timinn einn verður að skera úr, hvernig á því stendur, að Íslendingar, eigi eldri þjóð, hafa haft svo fornlega og forna hluti. Af því, hve margar slíkar tölur finnast og hve víða þær finnast, má sjá, að þær hafa verið mjög algengar hér í fornöld. Í Noregi hafa opt fundizt líkar tölur og þessar, með sama lagi: mylnusteinsлагаðar, hnöttóttar, margkantaðar og sívalar (eða „cylinder“-myndaðar), og úr samskonar efni: marglitu gleri, sem er hið skrautlegasta, róf (rafri), kristalli (sbr. nr. 328) brendum leiri og þunnu gulli. Háskólasafnið í Noregi hefir margar, sem fundizt hafa ein og ein á stángli, og þar að auki heilt steinasörvi, sem fannst í haugi í „Ramdal“.

298. ^{11/11}65. Guðmundur Lambertsen kaupmaður í Reykjavík: CALENDARIUM PERPETUUM eða rím, prentað í Skálholti 1692.

, 299. ^{15/11}65. Sigurður Sivertsen frá Útskálum stúdent: Gamall SKRIFSTOKKUR, vel gjör, með snúningum, rós og fangamarkinu „G S D“ á lokinu.

300. ^{16/11}65. Jón Ólafsson frá Kolfreyjustað skólapiltur: Lítið KROSSMARK úr silfri. Það hefir að öllum líkindum verið neglt á eitthvert kvennsilfur.

301. ^{27/11}65. Helgi Sigurðsson á Jörva kandídat: Blárósuð hvít LEIRKANNA, hálsmjó, með hnöttótttri bumbu og tinloki. Óvíst er, til hvers hún hefir verið höfð. Það gæti vel verið vinkanna eða mjaðar-

kanna, sem getið er um frá elztu tímum (sbr. Rígs-mál 29. er.).

302. S. d. Sami: Velgjört TANNSTAUP. Utan um miðju þess er hríngur af dýrum, og eru þar úlfaldi, einhyrningur, leon og hjörtur. Staupið hefir tvo fætur, og mynda tveir mannsfætur með snúníng á milli hvorn fót. Að neðanverðu yfir um staupið má lesa með upphleyptu latínuletri:

„...ADE. GVDSSON. MERKVR. OSS. H...”

Önnur leturlína hefir verið grafin að ofanverðu kríngum barm staupsins, en hún er því miður söguð af og sést að eins móta fyrir „(a)NNO.”

303.a. ^{30/11}65. Jón Bjarnason frá Stafafelli í Lóni, skólapiltur: TRAFAKEFLI skorið. Á því má lesa með höfðaletri áminningu þessa:

„KIEBLÉN TALA KVENDED VID
KAM SO FORDAST MEIGE
VEFÐU I DUKE VEL ÞANN SID
AD VELKIUM LINED EIGE.

CHRISTIN THORLAKSDO(ttir). A₂ 1729.”

Á því er og skáldskapur með latínuletri, sem vel má lesa, en mér hefir eigi tekizt að smala pörtum vísunnar saman í heild, og mun það eigi auðvelt.

303.b. S. d. Sami: Sívalt TRAFAKEFLI, samkynja hinu.

304. ¹¹/₃66. Árni Gíslason lögregluþjónn í Reykjavík: STEINSNÚÐUR. Hann er mjög líkur nr. 293, en lítið eitt stærri og alveg ávalur báðumegin.

305. S. d. Sami: Annar STEINSNÚÐUR líkur að stærð og gjörð.

306. S. d. Sami: Tvö brot af samskonar SNÚÐ. — Alla þessa snúða (nr. 304—306) fann Árni í gömlum upplásnum bæjarrústum í ási fyrir austan Kaldárholt, þar sem Kaldárholtts bær á að hafa staðið áður (á sama stað og nr. 293 og 295—297). Þar fundust fleiri snúðar smátt og smátt, alls nálægt 10, auk þeirra, sem fyrr er getið (nr. 293 og 295—297).

307. S. d. Magnús Bjarnason, bóndi á Hallstöðum við Ísafjörðardjúp: KOMPÁSUMGJÖRÐ af filabeini(?), mjög haglega gjör. Hún er gjör í bókarlíking, með koparspennum, koparrósum á hornum og köppum á kjöl. Á spjaldinu annarsvegar eru rósir, en hinsvegar er grafin einhver dýrlíngsmynd með hríng (gloriu) kringum höfuð, hann hefir lángan staf í hendi og barðahatt hánganda á baki. Mynd þessi mun eiga að merkja Andreas postula. Þegar upp er lokið, er annarsvegar innan í sólskífa eða sólúr, en hinumegin kompás, er að eins vantar glerið og nálina á. Þar á eru átta nöfnin á latínu:

SEPT(entrio). MERI(dies). OCC(idens). ORIE(ns).

Grip þenna fann Guðmundur sonur Magnúsar bónda í gömlum smiðjuhaug. Líklegast þykir mér, að hann sé eptir Spánverja á fimtánda eða sextánda öld.

308. ¹⁷/₃66. Gunnar Gunnarsson (á Hálsi í Fnjóskadal) aðstoðarprestur að Sauðanesi á Lánganesi: Gamall HJÓLSPORI úr járni með feryddu hjóli. Hann má spenna á sig, hvern fótabúnað sem maður hefir, sem þá var títt. Hann er mjög líkur sporum þeim, er tíðkuðust í útlöndum á tólftu, þrettándu og fjórtándu öld, og mun hann vera frá þeim tíma. Elztu sporar, sem hafðir voru, voru eigi hjólsporar, heldur broddsporar eða oddar, sem svo eru nefndir í kveðskap, t. a. m. í Helga kviðu Hundingsbana hinna síðari. Þeir voru nær því eingaungu hafðir fram í lok elleftu aldar, og á útlendum myndum frá því seint á elleftu öld sjást optast broddsporar, en hjólsporar þó jafnframt á einstökum myndum (sjá „Bayeux“-tjaldið, er saumað var um 1066—70; á því eru einúngis broddsporar, o. fl.). Spori þessi getur því varla verið eldri en frá byrjun tólftu aldar, en kann að vera talsvert yngri.

309. S. d. Sami: Stór KJAPTAMÆL, lík því er nú tíðkast á handbeizlum.

310. S. d. Sami: Lítil JÁRNSVIPT með hring og keng við, eigi ólíkt því, að það hefði verið svipu-kengur og sviptin verið negld í ólina.

311. S. d. Sami: Oddmjór SÍVALNÍNGUR úr kopar. Annar endinn er stíður og með holu í. Óvíst er, hvað þetta muni vera.

312. S. d. Sami: Stór KOPARHRÍNGUR sléttur, ²/₁2 þumlúngur þvert yfir, óvíst til hvers.

313. S. d. Sami: Lítill STEINSNÚÐUR, ávalur annarsvegar en flatur hins vegar. Af því virðist líklegast, að það kunni að vera þráðarsnældusnúður. — Allir þessir hlutir (nr. 308—313) fundust í svo nefndum Smiðjuskógi, sem er fyrir framan alla byggð í Bárðardal, hér og hvar á tvístringi. Menn hafa það fyrir satt, að þar hafi fyrrum bær staðið, en hvenær sá bær hafi

lagzt í eyði er talið óvíst. Áður hefir þar mart fleira fundizt, helzt af kaupamönnum úr Hreppum sunnan.

314. (17/3 66. Gunnar Gunnarsson (á Hálsl í Fnjóskadal) aðstoðarprestur að Sauðanesi á Lánganesi): SKAFLASKEIFA fjórboruð. Það er dragstappa fornleg. Hún fannst í jörðu í Fnjóskadal.

315. S. d. Sami: KÍNGA úr eiri. Hún er sóðruð utan með þunnu bronzi eða látúni, er bendir á, að látún hafi þá verið talsvert dýrara en eir, og sannar þannig máltækið: „þeir verða að hafa eirinn, sem ekki hafa látúnið“ (sbr. nr. 355). Á henni er að ofanverðu lítið auga, slitið, til þess að festa í að eins lítið band. Hún er öðrumegin slött, með tveim hringum á röndinni, en hins vegar eru tveir hringar með rós innaní, er snúníngur gengur þvert yfir, og eru þær í fjórtándu eða fimtándu aldar stíl. Hún hefir verið gyllt. Menn hafa nú fundið svo margar kíngur hér á landi, að þar af má með vísu ráða, að þetta skraut fornaldarinnar hafi tíðkast hér á fjórtándu öld, eða fram á fimtándu öld, er háls-peníngar („*medaillons*“) tóku algjörlega við, sem enn í dag tíðkast meðal meiriháttar kvenna, og eru þeir þannig bæði hið elzta og yngsta skraut (sbr. ritgjörð mína um kvennbúninga í Nýjum Félagsritum, seytjándi árs bls. 26—27).

316. S. d. Sami: KOPARVALTA silfrúð, með tveim götum, og hefir því verið negld ofaná eitthvað. Hún er einföld, en vel gjör. Eigi er hægt að segja, til hvers hún hafi höfð verið.

317. S. d. Sami: KOPARPÖR, krækt og gagnskorin.

318. S. d. Sami: Litill SVUNTUKNAPPUR úr kopar, allur gagnboraður með götum. Hann er ásamt öðru vottur um, að fátækt kvennsólk hefir ávallt reynt að tolla í tízkunni, en orðið að nota ódýrara málín til að skarta með, heldur en auðkvendin.

319. S. d. Sami: LAUFAMYLNA úr kopar¹.

320. S. d. Sami: SÍÐHEMPUPÖR, er svo eru almennt kölluð, úr kopar. Öðru þarinu er rennt frá hliðinni eða röndinni inn í hitt. Þesskonar þör sá eg á yngri árum mínum á síðhempu, sem maður var í.

321. S. d. Sami: Rauð bót úr HÖKULKROSSI(?) út-saumuð, með snotrum rósum.

322. S. d. Sami: Krínglóttur HRÍNGUR sléttur, að mestu einfaldur, með litlu auga að ofan. Hann er 1 þumlungur og 1½ lina þvert yfir. Til hvers hann hafi verið hafður er mér óljóst, en vel hefði mátt binda við hann lykla, helzt smáa, enda bundu menn opt lykla við sylgjur með smáu auga. Hríngur þessi á að hafa fundizt upp blásinn í Voladalshaugi á Tjörnesi.

323. S. d. Sami: TRÉMYND af manni eða engli, af kertahjálmstilju úr Háls kirkju í Fnjóskadal.

324. 12/66. Einar Einarsson bóndi á Steinum. Tinbúið BRÝNI með gati í endann. Það er 5 þumlungar og 3 linur á lengd. Búningurinn á því sýnir, hve mikið menn hafa haft við brýni sín á fyrri öldum. Það fannst þar sem Hoftorfa heitir, nálægt steini, er Hofsteinn er nefndur, á afrétt frá Steinsholti, er liggur næst við Lánganes.

325. 9/7 66. Guðmundur Sigurðsson í Húsagarði á Landi, yngispiltur: KNÍFSKAPT með koparkinum, líkt og á borðkníf. Þær eru negldar á með tveimur nöglum. Apturendinn er líkur og nr. 36. Það fannst vorið 1866 hjá Húsagarði gamla á Landi.

¹) Slíkar mylnur eru eigi (fremur enn mart annað) svo auðvirkðilegar fyrir komanda tímann, sem margur kann að ætla, og mundi hver sá vinna safninu þægt verk og þarft verk, er vildi senda því þær, annaðhvort eina af hverju móti eða fleiri samskonar, svo það fengi nokkuð margar af þeim.

326. (9/7 66. Guðmundur Sigurðsson í Húsagarði á Landi, yngispiltur): Grænn STEINN með gati á. Hann fannst nálægt Hrólfsstaðahelli gamla.

327. S. d. Sigurður Ólafsson, bóndi í Húsagarði: STEINSNÚÐUR, sívalur annarsvegar, en hinsvegar flatur, með hring í kríngum augað. Það mun vera þráðarsnældusnúður (sbr. nr. 313). Hann fann Sigurður hjá uppblásnum skálatóptum úti í hrauni, skamt frá Húsagarði gamla.

328. S. d. Sami: Slípuð TALA úr kristalli(?), eða öðrum líkum steini. Hún er hnöttótt og með sex lautum, er allar ganga sama veg, og er að líkindum úr steinasörvi. Hana fann Sigurður árið 1852 á sama stað og nr. 327.

329. 10/7 66. Guðmundur Pétursson, bóndi á Hofi á Rángárvöllum: BEINHÓLKUR, 1½ þumlungur á vídd og 1 þumlungur á breidd. Öðrumegin á hólkinum eru tveir hirtir, og er annar með hálsbandi. Þeir eru auðsjáanlega grafnir í flýti, en þó vel og liðlega. Þeir toga á milli sín þrjú bönd eða þrjá orma, sem festir eru utan um trè(?) með hringum. Hins vegar er knútur, er samsettur af tveimur eða þremur ormum, í sama anda og tíðkaðist á elleftu öld, en bæði vantar nokkuð af knútnum og eins fætarna á hirtina, því að í fornöld hefur verið sagaður meira en þriðjungur neðan af hólkinum. Báðumegin milli hjartanna og knútanna eru tveir tvöfaldir hringar sirklaðir. Hólkur þessi hefur eflaust verið af einhverju vopni, líklega aptan á axarskapti. Þessi litli, en merki gripur fannst í dysi við Rángá, mitt á milli Keldna og Árbæjar. Dysið var hlaðið upp af steinum, eða steinum hlaðið umhverfis. Steinarnir voru vatnslitnir og ólíkir hraungrjóti því, sem þar er í kríng, og eru því auðsjáanlega teknir úr Rángá. Engi sáust þar manna bein, enda var þeirra eigi leitað. Dys þetta var uppi í brún eða barði, hærumbil 10 faðma frá öðrum 4

eða 5 dysjum, sem þar eru. Það er almennings sögn, að þeir sé hér grafnir er féllu með Hirti, bróður Gunnars á Hlíðarenda (um 987), er Gunnar barðist við Starkað undan Þrihyrningi í nesinu við Rángá, nálægt Knafahólum (Njála, kap. 63). Ef svo er, þá höfum vér hér ágætan hlut, svo að segja með ártali, er miða má við marga aðra hluti bæði erlendis og hér á landi, því lættingar líkur munu verða dregnar til þess, að þetta sé annara manna dys, þvert ofan í Njálu og gamla sögu-sögn manna. Það er valt að segja með vissu, hvað hjartamyndirnar og ormamyndirnar eigi að merkja. Mönnum gæti komið til hugar askur Yggdrasils, er hjórtur beit ofan, en Niðhöggur og ormar úr Niflheimi gnöguðu neðan. Eigi er heldur óhugsanda, að Hjórtur bróðir Gunnars hafi átt vopn það, sem þessi hólkur er af, og eigi þeir nafnar hans (hirtirnir) á hólkinum að merkja nafn hans, svo sem títt var á innsiglium á miðöldunum (sbr. innsigli Rafns Sveinbjarnarsonar, Hauks Erlendssonar og Bjarnar Þorleifssonar). Gæti þá vel verið, að hólkur þessi hefði orðið eptir á vígvellinum, er Hjórtur féll, því að varla mun Gunnar hafa verið í því skapi, að hann hefði farið að smala saman slíkum smámunum, er hann reiddi bróður sinn heim dauðan.

330. S. d. Sami: FERHYRND HRÍNGJA, þornlaus, með ill-læsilegum miðaldar-rúnaleturs blending. Hún fannst á Þórsörk.

331. S. d. Sami: KOPARINNSIGLI. Það er aflángt og gengur lítið eitt í odd til beggja enda. Það hefir að eins lítinn fót með auga að ofan. Allt í kring á því stendur með engilsaxnesku latínuletri:

„S(igillum). ÞORLAKI. PS. SVEINI.”

Á því miðju er kaleikur með dúk yfir, og kross þar yfir. Það er eigi yngri en frá fimtánda öld, en getur verið töluvert eldra. Það fannst, er verið var að taka grundvöll fyrir heygardi á Hofi á Rángárvöllum (sbr. nr. 351).

332. ¹⁰/766. Sæmundur Guðmundsson á Hrólfsstaðahelli: BRONZI-ISTAD mjög fornlegt. Það er 3 þumlungar og 7 línur á breidd yfir um skóina, og með spaða að ofan, sem er 1 þumlungur og 6 línur á breidd. Við hann hefir verið negld ólin með 4 nöglum. Skórinn er beinn og sléttur. Niður úr ístaðinu ganga tveir spaðar, sem eru framhald af hliðum ístaðsins, og út úr því neðanverðu eru tveir hnöttóttir agnúar. Á ístaði þessu eru tvær ormamyndir, og rísa ormarnir hver gegn öðrum með gapandi hausa, en eru bundnir saman á sporðunum. Líkar myndir eru á nr. 481 í „Worsaae's: Nordiske Oldsager 1859“, sem og er með föstum spaða sem þessi; nr. 480 s. st. er og mjög líkt, en á því er laus spaði, er leikur í höldu. Nr. 482 s. st. er og líkt að gjörð, en hefir engan spaða, heldur höldu eða bald, sem nú er titt. Safn vort hefir og fengið annað mjög líkt ístað (sjá nr. 381). Öll þessi ístöð eru furðanlega smá, og öll eru þau auðsjáanlega frá sama tíma. Ístað þetta fannst 1866 í rústum af eyðijörðinni Merkihövoli, sem er fyrir innan Galtalæk, efsta bæ á Landi.

333. S. d. Sami: Lítið BRÝNI með gati í enda, er fannst hjá Hrólfsstaðahelli gamla.

334. S. d. Sami: BELTISPARASTOKKUR úr kopar, með rósum í gotneskum anda og engils mynd í miðju.

335. S. d. Sami: KNAPPUR eða ÁDRÁTTUR með fornlegri ljónsmynd á, líkt og tíðkaðist á skjöldum, og með laufum allt í kring. Hann fannst hjá Hrólfsstaðahelli niður við á.

336. ⁹/766. Guðmundur Sigurðsson í Húsagarði, yngispiltur: Lítil KOPARPLATA með rós. Hún fannst á eyðijörðinni Arlaugstöðum, skammt frá Húsagarði (sbr. nr. 157).

337. ¹⁶/766. Augusta Svendsen húsfrú á Ísafrði: Marglitur REKKJUREFILL. Hann hefir eigi hringi, svo sem tíðast er, heldur er honum skipt í fimm sexhyrn-

ínga. Í hinum fyrsta sexhyrningi er hrísla, sem dúfa situr uppi á, í öðrum hjórtur, með nafni hjartarins í, í hinum þriðja riddari með hauk, í hinum fjórða kórónaður leon, í hinum fimmta hrísla eða trè, sem tvær dúfur sitja í. Ofan til og neðan til á því er vers þetta með bandalettri:

„VERTV IFER OG ALLT VM KRING.

MED EILIFER (= eilífre) TILSION ÞINNE.

SITE GVDS EINGLAR SAMAN I HRING.

SÆNGINNE IFER MINN(e).”

Áður átti tjald þetta Þórdís Árna dóttir prófasts á Kirkjubæ í Hróarstúngu, og hafði það áður verið lengi í ætt Bjargar, móður hennar. Það á að hafa verið saumað af nunnum á Skriðuklaustri¹.

338. S. d. Anika Jensdóttir, húsfrú á Ísafirði: DRENGJAHÚFA. Hún er úr vönduðu efni, með silfur-lögðum rauðum silkikrossi yfir um kollinn og svörtum skúf í miðju. Að neðan er svart flaugelsuppbrot með gylltum vírborðum. Slíkar húfur tíðkuðust á næstliðinni öld. Húfu þessa fékk húsfrú Anika eptir Sigríði Ásgeirsdóttur, sem lengi hafði verið á Efstabóli í Önundarfirði og nú er eigi alls fyrir laungu dain.

339. 1/666. Gunnar Gunnarsson aðstoðarprestur á Saudanesi: TRAFAKKEFLI málað með rauðum, grænum og blám litum. Á það eru skornir mjög fornaskjulegir knútar, sem væri það gjört eptir einhverju afargömlu. Á það er skorið með rúnum:

¹⁾ sögusögn þessi gæti verið sprottin af því, ef á reffinum væri svo kallaður nunnusaumur, annars hefir hún engan stað, því á Skriðu var múnka klaustur en ekki nunnu klaustur (stofnað 1493—1500) og versið er úr kvöldsálminum: „Ó herra guð, sem hóm og dag” (prent. í Höfuðgreinabók. á Hólum 1772. II, 478), sem mun vera ortur á seytjándu öld.

„A. G. D. A. K(eflið). ANNO. 1710.”

Enn fremur er skorið á það líkt letur og á nr. 164, en er illt aflestrar. Menn ætla, að Hallgrímur faðir þorláks á Skriðu hafi smíðað keflið(?).

340. (1/8 66. Gunnar Gunnarsson aðstoðarprestur á Sauðanesi): Gamalt ÍSTAÐ, snúið á hliðunum og einkennilegt. Það fannst í fjalli vestanvert við Bárðardal fyrir 10–20 árum.

341. 18/8 66. Helgi Sigurðsson á Jörva, kandidat: LÁTÚNSKROSS, með því lagi, er „heraldikin” eða skjaldarmerktja-fræðin kallar liljukross. Hann er með ferhyrning í miðju, og þar innan í er „I H S”.

342. 19/8 66. Erfingjar Eyjólfssonar í Svefneyjum, dannebrogsmanns: Stór SKÁPUR úr eik. Hann hefir verið um 3 álnir á hæð, allur strikaður og skorinn, með fjórum hurðum. Á tveim hinum efri hurðunum er skorinn riddari og riddarafrú. Riddarinn er herklæddur, með kollótta stálhúfu dreglaða á höfði, og er geislakóróna umhverfis stálhúfuna neðanverða. Hann er alskeggjaður. Frúin hefir bert hár, nema hvað hún hefir einskonar blómgjörð um ennið, með knút eða rós framan á. Hún hefir einskonar lín-pípnakraga um hálsinn og víðar klæðafellíngar um öxlina („púff”), sem endar neðan við öxlina. Það er einskonar spánskur búníngur. Hvortveggja myndin er brjóstmynd. Á miðhurðina er myndaður skjöldur þverskiptur. Á efra hluta hans er smára-blað, rós og sóley(?) flimblöðuð, en að neðan stórt blað, og beggja vegna við það fangamarkið „P. I.” Bæði fangamarkið og annað verk á skápinum sannar þá sögusögn manna, að Staðarhóls-Páll hafi átt skápinn. Sú almenna sögusögn, að brjóstmyndirnar sè af Páli sjálfum og Helgu konu hans, virðist eigi geta staðizt sökum búnínganna, því eg þekki þess engi dæmi, að konur hær hafi haft útlendan búníng, allt fram undir 1800. Bak hefir síðar verið sett í skápinn, því hið eldra, sem var úr „mahogni”-viði, var orðið súið, og sömuleiðis hefir út-

skotin stétt, sem nú vantar, verið neðan á skápnun. Einar Sveinbjarnarson í Svesneyjum, faðir Eyjólf, átti skápinu á undan honum, og hefir hann verið 90 ár í Svesneyjum.

343. ²²/₈ 66. Sömu: Stór BAUKUR eggmyndaður. Hann er gjör úr „kókos“-hnot og látúnsbúinn. Hann hefir verið hafður fyrir tóbaksbauk eða tóbakspontu, en mun upprunalega hafa verið hafður fyrir púðurhorn, því að púðurhorn voru á fyrri öldum mjög áþekk hinum fornu tóbakspontum, einkanlega hinum kringlóttu. Á undan Eyjólf í Svesneyjum átti Einar faðir hans(?) baukinu. Þegar kona Eyjólf var að alast upp með föður sínum, sira Jóhanni Bergsveinssyni, um næstliðin aldamót, sá hún slíka bauka, og báru menn þá í rauðum lausa(?) -vasa ofan á lærinu, eða ofanhalt á mjöðminni.

344. ²⁶/₈ 66. Geir Bachmann, prestur í Miklaholti: Stór TALA svört. Hún er öll mjög einkennilega skorin. Yfir um hana liggur tennínga gjörð í þremur bogum. Niðri í sumum skurðunum sést votta fyrir gylling. Töluna fann húsfrau Guðrún Magnúsdóttir, kona sira Geirs, fyrir nær 50 árum síðan, í moldarhrúgu fyrir vestan Gjabakka í Vestmannaeyjum.

345. S. d. Sami: Önnur TALA lík, en minni. Á hana er á þrem stöðum grafin mynd, sem líkist helzt hörpuðiski eða báruskel. Hana fann Sigríður, dóttir sira Geirs, í Grindavík. — Það er erfitt að segja, hve gamlar þessar tölur (nr. 344—345) eru, eða til hvers þær hafi verið hafðar. Helzt er til getanda, að þær sé tilbúnar á „paternoster“-band eða talnaband handa pílagrímunum, eins og hörpuðisklagið bendir á, því að hörpuðiskelin er alþekkt pílagrímseinkenni, er þeir báru á höttum sínum og klæðum, og má því ætla, að þær sé úr pápísku, eða frá pápískum löndum komnar.

346. ⁶/₉ 66. Guðrún Hansdóttir í Reykjavík, yngisstúlka: ÞRJÓNASTOKKUR með rós á hliðum og ártalinu „1791“.

347. ^{15/9}66. Katrín Þorvaldsdóttir, húsfrú, í Reykjavík: SPAÐAHÚFA, öll baldíruð að framan með hvítum og gylltum silfurvír, og alla vega litum silkitvinna. Hún er frá Hrappsey, en er gjör af dætrum Skúla Magnússonar landsfógeta. Slíkar húfur voru mjög tíðkaðar á stúlkubörnum á síðara hluta átjándu aldar, en þó varla fyrr, því að spaðafaldurinn eða breiði faldurinn, sem þá var kallaður svo, gagnstætt þeim sívala trafafaldi, er áður hafði tíðkast, var eigi þekktur fyr en um 1765, en spaðinn á húfum þessum er auðsjáanlega í líkingu þess falds. Áður höfðu stúlkubörn skarðhúfur, sem voru eins, nema hvað þær höfðu knapp (opt stóran silfurknapp) í kollinum. Þessar húfur eru þó fráleitt eldri en frá því seint (?) á sextándu öld, því að þá hafði fullorðið kvennfólk mjög líkar húfur og í útlöndum.

348. S. d. Sama: Vandaður PRJÓNAKODDI úr silki, með tveim nálapípum innan í. Hann er saumaður með smágjörvum rósum, gulum og grænum. Sumstaðar er hann saumaður með gylltum vír. Á honum er ártalið „1776” og stafirnir „H. S. (d.)”, sem er fangamark Halldóru Skúladóttur¹ landsfógeta.

349. S. d. Sama: KVENVASI, allur saumaður með skatteruðum(?) rósum marglitum.

350. ^{24/9}66. Pétur Guðmundsson bóndi á Skildinganesi: TRAFAKEFLI. Það er með haglegri rós að ofan, og vargshaus að aptan, en manns hendi að framan. Á það er skorið með höfðaletri:

„ULFHILDUR IONSDOTTER A ÞESSE KIEFLE ENN EINGINN ONNUR MED RIETT(u).”

¹) Halldóra Skúladóttir var gipt Hallgrími Bachmann, fjórðungs-lækni, í Bjarnarhöfn; þeirra son var sira Jón Bachmann.

Á hliðarnar er skorið með latínuletri:

VIRDA. BID. EG. VIFID. VEL.

VÖNDUD. LITID. KIEFLES. RÖND.

AD. LIKTUM. SO. ÞIG. LINDIN. FEL.

MED. LIFI. OG. ÖND. I DROTTINS. HÖND.

AN(n)O. 1735¹.

351. ²⁹/₉66. Pétur Guðmundsson skólapiltur í Reykjavík: Stórt KLAUSTURINNSIGLI eða KIRKJUINNSIGLI(?). Það hefir annarsveggar lítinn fót og gat á. Það er af-lángt, með oddi á báðum endum. Hinsveggar á það er grafin mynd af sankti Maríu, og heldur hún á barninu. Hún hefir kórónu á höfði, og er utan um hana fögur umgjörð, gjör í gotneskum anda, með tveim súlum beggja vegna, og bustarlöguð að ofan. Efst á bustinni er lilja, sem myndar krossinn, og eins er ofan-á báðum súlunum. Beggja vegna á bustinni eru þrjár liljur í röð. Undir þessari umgjörð er einföld bust, sem einhver helgur maður stendur innaní, hann heldur saman höndunum og horfir til himins. Allt í kring er greinileg leturlína með sama lettri og á nr. 331, en þó ellilegra. Það hefir eigi enn orðið lesið, helst sökum þess, að það mun vera mjög skammstafað. Gripur þessi fannst í Skagafirði².

352. ³⁰/₉66. Stephán Sigfússon frá Skriðu-klaustri í Norður-Múla sýslu, skólapiltur: Sléttur STÆIN-SNÚÐUR, flatur annarsveggar, samskonar og nr. 313 og 327. Það mun vera snældusnúður. Hann fannst í kálgarði.

1) Úlfhildur Jónsdóttir hét kona sira Stepháns Hallkelssonar, sem var prestur í Seltjarnarnes þíngum 1630—1659, og lifði hún nokkra stund eptir mann sinn andaðan. Ef þetta væri hennar nafn, þá væri ártalið og kannske visan skorið síðar á kefið.

J. S.

2) þetta kynni að vera innsigli nunnu-klaustursins á Stað í Reyni-nesi (Reynistað).

J. S.

353. ¹/₁₀ 66. Jómfrú Hólmsfríður Bjarnardóttir í Reykjavík: Rósóttur PELI með tinstút.

354. S. d. Sama: TRAFAKEFLI, einkar haglega skorið. Á því stendur með höfðaletri:

„GUD. RVN. EI. ELLS. DOTT. ER. A. CIELF. ENN.”¹

Kesli þetta er mjög haglega gjört, með snúningum og fléttingum. Það er með rósum yfirum til endanna, í breinum býsónzkum stíl. Skaptið er snúið, með tölu yfir. Að framan er drekahöfuð, er hefir mann í kjaptinum upp fyrir mitti, en hann lætur sér eigi bylt við verða, en rekur hendurnar gegnum nasir drekans, og spennir greipum yfir um trýnið. Maðurinn hefir breiðan línkraga um hálsinn, breiðar axlaleggíngar, og legging á miðju baki, sem er seytjándu aldar búningur (sbr. ritgjörð mína um kvennbúninga í Nýjum félagsritum, 17. árs bls. 32—33).

355. ²/₁₀ 66. Guðmundur Sigurðsson, prestur að Gufudal: Leifar af STOKKABELTI. Það eru 6 stokkar stimplaðir, úr eiri, en sóðraðir með látúni (sbr. nr. 315) og þar til heyrandi þör, með gagnskornum 4 hringum á hverjum stokk, og samkynja skjöldur með 4 hringum. Belti þetta kom upp úr Staðar kirkjugarði í Steingrímsfirði, er verið var að taka þar gróf árið 1865. Þar af má ráða, að konur hafi hér fyrrum verið grafnar í skautbúnaði.

356. S. d. Sami: NÁLHÚS, rennt af beini, og allt með krínglóttum gata-hringum.

357. ¹⁰/₁₀ 66. Gísli Eyvindarson á Munaðarnesi: Brotin LYKLASYLGJA með „I H S”, eins og nr. 27 og 210.

358. ⁶/₁₂ 66. Hermanníus Elías Jónsson á Velli á Rángárvöllum, sýslumaður: Forn SYLGJA úr kopar með þorni. Hún er 1 þumlungur og 6 línur þvert yfir, með opi á hliðinni, líkt og á nr. 97, en í staðinn fyrir.

¹) Þ. e. „Guðrún Egilsdóttir á keflin”.

hnúða þá eru á báðum endum hringsins tvö drekahöfuð eða ormahöfuð, sem horfa saman. Hringurinn er digrastur í miðju, en mjókkar til beggja enda, og er allur með þverliðum. Hringurinn er mjög slitinn. Þornið hefir eflaust upphaflega verið með drekahöfði, en þornið, sem nú fylgir, er auðsjáanlega talsvert ýngra en hringurinn, og er lítið sem ekkert slitið, enda er það úr öðrum málm. Sylgja þessi fannst í rústunum á Gunnarsholti gamla, í Rángárvalla sýslu. Hún er eflaust mjög gömul, einkum hringurinn.

359. ²³/₁₂ 66. Árni Halldór Hannesson á Litlu-þúfu, yngismaður: HÚFA af einhverju úr hvítu postulíni, óvíst af hverju. Þar á er krosslagt blys, vel málað, og örnamælir „Amors” með blómhring utanum. Á henni stendur einnig: „ANNO 1786.”



YFIRLIT.

Tölurnar þýða nr. gripanna.

Dys: hjá Baldursheimi við Mývatn, 1—11. — við Barnanesvað (Haugavað) í Flóa, 121. — (?) við Hóla í Biskupstúngum, 216. — við Rángá, nálægt Knafabólum, 329.

Dys eða haugur(?) nálægt Mælifelli, 245.

Gröf í kirkjugarði, 134. 135. 136. 355.

Haugar: Einbúi, haugur á Tjörnesi, 228. — Gunnars haugur Baugssonar, 83. — Kjölur, höll eða haugur á Fagranesi, 108. — Voladals haugur á Tjörnesi, 322.

Fundur: Baldursheims fundur (1860—1861), 1—11. — Gautlanda fundur (1855), 85—87. — Þjórsárdals fundur (1837—1847), 96—99.

Efni gripanna (viða ekki herlega tilgreint):

Bein, 1. 6. 98. 152. 159. 186(?). 205. 237. 329. 356. — filabein, 253. 307(?). — hvalbein, 37. 54. 55. 75. 84. 200.

Blý, 129 (?).

Bronzi, 96. 97. 100. 190. 230. 240. 245. 246. 290. 315(?). 332.

Eir, 120. 164. 245. 315. 355.

Emalering (*emaille*), 182.

Flaugel, 338.

Gler, 59(?). 113. 137. 286. 296. 297. 353. — smellt í gler, 157. 294.

Gull: gullrekið eða silfurrekið, 2. 216. — gullvír, 265. — gylling á bronzi, 96. 245. 290. — á eiri, 315. — á kopar, 235. — gylling á silfri, sjá silfur. — gylling á trè, 262. — gylling á svartri tölu, 344. — gylltur borði, 256. — gylltir stafr, 51. 144. — gylltur vir, 217. 278. 338. 347. 348.

Horn, 33. 43. 109. 212. 261. — hjartar horn(?), 186.

Hrosshár, 17. 259.

Hör, 113. 277.

Járn, 2. 3. 4. 5. 8. 10. 11. 22. 34. 36. 39. 40. 44. 45—49. 63.
83. 86. 88. 95. 96. 100. 107. 111. 112. 114. 120. 121. 122(?).
128. 135. 145. 159. 168. 180. 184. 186. 207. 216. 229.
237. 249. 254. 266. 271. 272. 274. 284. 308. 309(?). 310.
314. 340(?).

Kristall(?), 328.

Kopar, 12. 13(P). 28. 29. 34. 35. 36. 94. 127. 130. 131. 134. 148.
155. 168. 170. 177. 178. 179. 186. 195. 198. 210. 213. 218.
228. 236. 236. 237. 239. 254. 266. 275. 276. 285. 286. 287.
289. 307. 311. 312. 316. 317. 318. 319. 320. 325. 331. 334.
336. 358. — smellt með kopar, 95.

Látún, 148. 180. 182. 225. 231. 233. 315(?). 341. 343.* 355.

Leir, 147(?). 263. 301.

Lérept, 161. 256. 269.

Málmur, 136.

Pappír, sjá handrit.

Perlur, 199.

Postulín (*porcelain*), 359.

Prinzmetall, 110. 206. 209. 211. 223.

Röf (rafur), 297(P).

Silfur, 39. 79. 170. 181. 185. 189. 197. 208. 227. 300. 316. 338.
— silfrað, 96. — silfur gyllt, 53. 74. 105. 149. 181. 187.
188. 191. 224. 288 a. b. 291. 347. — silfurvir, 265. 347.
— smellt (silfurtekið?), 2. 39. 216.

Silki, 217. 256. 277. 338. 347. 348. — silkiþráður, 277.

Skíði, 37.

Skin, sjá handrit. — gult skinn í altarisklæði, 217.

Stál, 23. 58.

Steingjörvingar, 117.

Steinn, 93. 115. 116. 220. 304. 305. 306. 313. 326. 327. 328.
352. — steinn útlendur (*fiatsten*), 99. 293. 295. — steinn
eða óvanaleg leirtegund, 147. — brýni, 264. 324. 333. —
heinbrýni, 9. 87. — rauðgrýti, 18. — rúnasteinn, 80. —
jaspis, 183.

Tin, 33. 88. 129(P). 147. 261. 301. 324. 353.

Trø, 4. 19. 20. 21. 24. 25. 26. 33. 40. 42. 50. 62. 64. 65. 66 a. b.
67—70. 88. 91. 106. 118. 119. 123. 124. 125. 132. 133.
146. 156. 158. 162. 171. 172. 192. 201—204. 219. 244.
248. 250—252. 255. 257—260. 262. 267. 281. 287. 299.

323. 339. 346. 354. — bækitré, 284. — eik, 342. — kokos-
hnot, 343. — mahogni, 342.
Tönn, 1. 37. 81. 101. 167. 221. 283. 292. 302.
Ullarefni, 277.

Óvissir hlutir:

Fleinn eða nægli, 122.
Hringja þornlaus með letri, 330.
Hringur, slöttur og kringlóttur (lyklahringur?), 322. — Hringur
slöttur úr kopar, 312.
Húfa úr hvítu postulini, 359.
Járn með klæðisdrefjum, 8.
Knífskapt(?) úr járn, 128.
Koparkúla, 177. — Koparplata með rós, 336. — Koparvalta
silfrud, 316.
Málmklumpur (innsigli?), 136.
Pípa úr bronzi, 100.
Sivalningur úr kopar, oddmjór, 311.
Smíðisgripur úr tönn, 283. — smíðisgripur (innsigli?) úr tönn, 167.
Steinn (*fidsten*), 99. — grænn steinn með gati á, 326. — stein-
snúður úr *fidsten*, 293. 295. 304(?). 305(?). 306(?). —
steinn úr steingjörvum sjóarormum, 117.
Stétt (blýstétt eða tinstétt), 129.
Tala svört, útskorin, 344.
Teningur úr steini, með 24 flötum (lukkuteningur?), 93.

Kirkjur, kirkna skróði og gripir.

sbr. Myndir.

Dyra bogi frá kórðyrum í kirkju, 64.
Prædikunarstóll með myndum, 65.
Altarisbrún, 51. 52. — Bót af altarisklæði(?), 217.
Hökull, 277. — Hökulkross, 16. 265. 321.
Innsigli frá klaustri eða kirkju(?), 351.
Patinudúkur, 278.
Bollasteinn (vigsluvatnsker?), 116.
Kertastika úr járn, 107. — trémynd af kertahjálmis lilju, 323.
Kirkjuhurðar hringur, 108. 126. 151. 213. — eirhringur (úr
kirkjuhurð?), 164. — kirkjuhurðar hringur úr kopar, 94. 266.
— járnhringur silfursmeltur úr kirkjuhurð, 39.
Processiu merki, 256.

Búningur kvenna og gripir.

sbr. Myndir.

- Kvenna búningur** seytjándu öldar (málaður), 62.
Beltishringja úr kopar, með mynd, 235. — **Beltispara stokkur** úr kopar, 334. — **Stokkabelti** með þórum, 355.
Braudstill, sjá verkfæri.
Glertölur (úr steinasörvi?), 157. 294. 296. 297.
Hempuflos, 92. — **Hempuskildir** gylltir, úr silfri, 149. — **Hempuskjöldur** með viravirki og krossmarki á, 188.
Hringjustokkur og beltissprota endi í gotneskum stíl, 191.
Húfa: garðahúfa, 279. — spaðahúfa, 347. *
Höfuðband(?), lengja af koparstokkum (koffur?), 170.
Kínga, 247(?). 315.
Knappur (silfurknappur) úr höfuðbandi eða koffri(?), 170.
Laufamylna úr kopar, 319.
Laufaprjónsknappur af gylltu silfri, 53. — **silfurlauf** úr laufaprjónsknappi(?), 224.
Liljukross úr látúni, 341.
Lyklahringur, 72. 155(?). 165. 193. 322(?). — **Lyklahringur** úr kopar, 131.
Lyklasylgja eða lyklahringur oplaus, 27. — **Lyklasylgja** með krossi í, 38. — **Lyklasylgja**, 14. 15. 153. 154. 210. 357.
Möttulskildir (nisti) úr bronzi, 96. 245. 290. 371.
Nalhús rennt, 205. 356.
Prjónakoddi með nálapípum, 348.
Þör (silfurþör) gyllt með myndum, 187. — **silfurþör** með skildi í býsanzkum stíl, 189.
Steinasörvi, 157. 294—297. 328(?), sjá glertölur; sbr. bls. 48—49 athgr.
Styttuband spjaldoð, 90.
Sylgja úr bronzi, 249. — úr kopar, 198. (sbr. 97. 246). 358.
Svuntuknappur með viravirki, gylltur, 288 a. b. — **Svuntuknappur** úr kopar, 318. — **Svuntuknappur** úr prinzmetal, 206. 211.
Tala úr kristalli(?), úr steinasörvi(?), 328.
Vasi (kvennvasi) saumaður með rósum, 349.
Trafakefli, 20. 21. 25. 68. 106. 118. 119. 123. 124. 132. 146. 156. 158. 172. 192. 202. 203 a. b. 248. 251 a. b. 252. 257. 303 a. b. 339. 350. 354.

Búningur karlmannna og gripir:

sbr. Hirzlur, myndir.

- Karlmanns búningur seytjándu aldar(?), skorinn á horni, 33. —
 karlmanns búningur seytjándu aldar, skorinn í trè, 354. —
 sömuleiðis á upphleyptri mynd á tygilkniðs skapti af kopar, 34.
 Brókarheldsknappar úr kopar, 130. 179. 275. — úr prinzmétal,
 110. 209. 223.
 Drengjahúfa, 338.
 Feldardálkur, 97. (sbr. 96. 190).
 Fingurhringur (úr kopar?) snúinn, 13. — Fingurhringur úr
 kopar með stétt, 134. — Fingurhringur úr kopar með steins-
 fari, 218.
 Hringur úr kopar með hálfmána myndum, 228.
 Járnhringja (af fetli eða belti?), 11.
 Kinga úr bronzi, 230.
 Knappur af hvalbeini, 200. — Kopar knappar, 286. 289.
 Nisti eða dálkur úr bronzi, 190.
 Síðhempu þör úr kopar, 320.
 Skóspenna eða knéspenna úr kopar, 236.
 Knappur (úr biskups hempu), 17.

Búningur kvenna eða karla:

- Knappur með víravirki, úr gylltu silfri, 291. — filagrans hnappar
 úr silfri, 79. — víravirkis knappur úr kopar, 195.
 Koparpör, 317.
 Móttuls nisti(?) úr gylltu bronzi, 290.
 Síðhempu þör(?) úr kopar, 239.
 Tala úr brúnum jaspis (úr talnabandi?), 183. — glertala með
 gati (úr talnabandi), 113. — svört með skurði (úr talna-
 bandi?), 344. — með mynd af hörpuskel (úr talnabandi?),
 345.

Húsbúnaður:

- Ábreiða með augnasaum, 270.
 Rekkjurefill eða rúmtjeld, 160. 161. 337.
 Rumsfjöl, 133.
 Sessuver, 89.
 Sparlak eða sparlaksbrún, 199.
 Stóll eða bekkur, 50.

Borðbúnaður:

- Borðdúkur, 269.
 Drykkjarhorn, 33. 43. 212. 261.
 Knifur og gaffall með silfursköptum, 105.
 Leirkanna (vínkanna eða mjaðarkanna), 301.
 Peli hollenzkur, 59. — rósóttur, með tinstút, 353.
 Silfurskeið, 181. 227.
 Skál (drykkjarskál) úr filabeini, 253.
 Tannstaup, 302.
 Vikivaka bikar (tvímenningbikar), 42.
 Vítabikar (leirkanna), 263.
 Ölkanna (hollenzk eða þjóðversk) úr steini, 147.

Hirzlur eða flát og gerfar:

- Baukur látúnsbúinn úr kokos-hnet, 343.
 Baukur eða paraker, 260.
 Dósir: dósir með myndum, 232. — hollenzkar tóbaksdósir, 60. —
 hollenzkar eða þjóðverskar, 150. — sænskar tóbaksdósir, 233.
 — tóbaksdósir úr látúni, 225.
 Ferðakoffort Guðbrands biskups, 40.
 Kistill, 91. 255. — pallkistill með gömlum skurði, 24.
 Skápur (Staðarhóls-Páls) úr eik, 342. — Skápur útskorinn, 219.
 Stokkur með húslagi, 171. — með letri, 250. 259. — með mynd-
 um, 69. 244. — með rósum, 162. — með tappalæsing, 19.
 — parastokkur, 281. — prjónastokkur, 70. 204. 346. —
 skegghnífsstokkur, skorinn, 272. — skrifstokkur, 299. —
 spónastokkur, 26. 267.
 Öskjur með skurði, 201. — trafaðskjur, 125.
 Lyklar: pípulykill, 196. — pípulykill úr kopar, að tröllalæsing, 35.

Vopn, knífar og verjur:

- Brynknifur(?), 186.
 Hringabrynja, slitur, 45. 46.
 Járnþóla (af þalstaf?), 272.
 Knífsblað (af tygilkníf?), 86. — knífsblað, með tréskéiðum og
 tinhólkum, 88. — koparskeptur knifur, 168. — saxknifur(?),
 93. 159. — sjálfskeiðingur (knifur) með koparsmeltu skepti,
 95. — tygilknifur, 4. 23. 34. — vopnknifur eða tygilknifur,
 237. — vopnknifur með látúnsskepti, 180. — kopardoppa af

knífskapti, 36. 325. — knífskapt með koparkinnum, 325. —
knífskapt úr kopar, 287. — knífskapt(?) úr járn, 128.

Korði, 63.

Pálstafur: pálstafsblað, 5(?). 114. 271. 284(?).

Púðurbankur, 343.

Sax(?), 22.

Skjöldur: skjaldarbóla (bukl) af járnrendum skildi, 7. — knappur
með ljóns mynd (af skildi?), 335.

Spjót: fjaðraspjót, 3. 44. 83. 121. — krókaspjót, 207. — skraut-
spjót (fjaðraspjót) silfurtekið, 216.

Steinn í axar líking, 115.

Sverð (skrautsverð), 2. — sverð (sax?) gamalt, eineggjað, 22. —
sverð gamalt, fundið í Þjórsárdal, 120.

Öxi, 5. — steinn í axar líking, 115. — járnþóla (af axarskapti?),
229. — beinhólkur (af axarskapti?), 329.

Brýni: heinbrýni með gati í enda, 9. 87. — brýni með gati, 264.
333. — brýni úr rauðgrýti, 18. — brýni tinbúið, með gati,
324.

Verkfæri m. fl.

Páll eða gref, eða pálraka, 284.

Reizlulóð, 173.

Sólskífa eða sólúr, 307.

Steinsnúður (þráðarsnældu snúður?), 313. 327. 352.

Stíll: brauðstíll, 56. 57. 73. 82. 169. 238. 268. — brauðstíll úr
kopar, 28. — brauðstíll með letri, 41.

Knifar sjá Vopn.

Signet af tönn, 101. — stálsignet, 58. — koparinnsigli, 331. —
innsigli úr tönn, 167(?). 221. — innsigli græfið á hring, 134.
— innsigli(?) úr steini, 220. — málmklumpur (innsigli?),
136.

Kompás-umgjörð af flabeini(?), 307.

Reiðtygi og búnaður hesta:

Beizlisstaung úr kopar, 127. — beizlisstaung úr járn, 145.

Bitill (kjaptamél) úr járn af hringabeizli, 10. — járn-mél, 48. —
kjaptamél úr járn, 249. 309(?). — kjaptamél úr kopar, 12.

Bjalla (af bjöllu-beizli?), 254.

Ístað gamalt, 47. 340. — bronzi-ístað, 332. — horn-ístað, 109.
— járn-ístað, 274.

- Jarnsvipt með hring og keng** (= svipukengur?), 310.
Kverkólar hringja(?) úr járn, 11.
Reiði með koparbúningi, 148. 285. — **reiðakúla úr kopar**, 276.
Reiðgjardar hringjur úr kopar (Bollahringjur), 29.
Skeifa, 49. 135. — **skaflaskeifa**, 111. 112. 184. 314.
Skjöldur (reiðaskjöldur?), 163.
Hjólspori úr járn, 308.

Tafl:

- Hnefatafl**, 1. — **hnefi í hnefatafli**, 1. 6. — **Hnottafl** (= ref-skák?), 1. — **teningur** (húnn í hnottafl), 1. — **Kotrutaflo** úr hvalbeini, 54. 75. 84. — **Skákmaður**, renndur úr beini, 98. — **skáktaflsbiskup** úr hvalbeini, 55. — **Teningur** úr lönn, 292.

Leturmyndir:

- Leturs linur máðar og ólæsilegar**, 182. 261. — **gamallegt letur**, lítill læsilegt, 38. 339. 351. — **Letur á horni**, mjög máð, 261.
Fángamark, 52. 89. 105. 132. 146. 181. 204. 219. (227). 299. 342. 348. — **nafndráttur**, 221. 269. — **nafnknútur**, 91. — **skjaldarmerki**, 52.
Almanak á dósum, 233.
Rímtölflur á dósum, 232.
Bandaletur (til vefnaðar), 90. 161. 337. — **útsaums letur** eða **bandaletur**, 160.
Engilsaxneskt latínuletur, 164. 331. 339. 351. — **letur með engilsaxnesku lagi**, 247. — **hálf-engilsaxneskt latínuletur**, 37.
Fraktúru prentletur, 192.
Gotneskt letur, 219. 266. 276.
Grískt letur, 258.
Höfðaletur, 19. 26. 33. 41. 68. 70. 88. 94. 106. 109. 118. 123. 125. 132. 133. 156. 158. 171. 192. 200. 201. 202. 213. 250. 252. 255. 258. 259. 267. 303a. 350. 354. — **höfðaletur og múnkaletur blandað**, ólæsilegt, 212. — **höfðaletur illt aflestrar**, 124. 170. 257. — **höfðaletur mjög máð**, 248. 261.
Latínuletur, 14. 15. 20. 51. 82. 93. 94. 118. 146. 151. 156. 163. 169. 172. 193. 213. 215. 219. 225. 251a. 255. 261(?). 266. 307. 341. 350. — **rómverskt letur**, 26. — **Latínuletur**

upphleyp, 302. — rómverskar tölur, 282. — skáldskapur með latinuletri, ógreinilegur, 303a.

Múnkaletur, 88. 212. — gamallt múnkaletur, máð, 198.

Rúnir: rúnasteinn, 80. (193). — rúnir á trafakelli, 339. — band-rúnir á trafakelli, 146. — bandrúnir(?) á iönsiglis(?)-hring, 134. — miðaldir rúnaletur, 204. — miðaldir rúnaleturs blendingur, illlæsilegur, 330. — blandaðar með höfðaletri og latinuletri, 156. — réttar og öfugar rúnir, 251a. — villtar rúnir, 258.

Síffrur, 212. 213.

Slafneskt eða rússneskt letur, 182.

Villuletur, 32. 201. 259.

Handrit og bækur:

Skinnhandrit: blöð með latínu, 103. 104. 174. 215. 243. — blöð (með latínu?) lítt læsilegt, 78. — blöð með latinusaung, 138. — blöð með latínu (um Veroniku), 241. — blöð með latínu-saung og nótum, 30. 139. 140. 141. 142. 214. — blöð með latínu (úr bænabók?), 282. — blöð með latínskum nótnasaung, 166. 175. 194. — blöð með saung og nótum, 242. — blöð með nótum, 102. 234. — blöð með únglegrí skrípt, 143. — blöð úr kalendario eða rími, 77. — blaðabrot úr íslenskri bænabók, 144. — blöð úr dómabók, 222. — blaðsbrot með kaupmála (frá 1594), 31. — blöð úr Guðmundar sögu, 176. — blöð (xiv) úr Hauksbók, 76. — blöð úr Jónsbók, 71. — blöð úr Karlamagnús sögu, 280.

Pappírshandrit: stórt handrit um helga staði í biblíunni (Bunting's Itinerarium?)¹, 226. — galdur og forneskja, 32.

Bækur: grallari, 231. — calendarium perpetuum (rími Þórdar biskups), 298.

Myndir:

Mynd biskupsfrúr (Gísla biskups Þorlákssonar) máluð á tré, 62. — Mynd Karls xii., Sviakonúngs, á knappi, 286.

Helgar myndir: Róða eða krossmark, skorin á hvalbeinsspjald, 37. — Krossmark á hempuskildi, úr sílfri, 188. — Krossmark úr sílfri, 300. — Krossmark úr tré, 262. — Krossmark saumað,

¹) sbr. Skýrslur og reikn. Bókmenntafél. 1867, bls. rx.

277. 278. — Krists kross (patriarka kross) með myndum úr látúni, emaleraður, 182. — Krossmark úr bronzi, 240. — Þyrnikóróna gyllt, í tré, 262. — Kross innan í lykasylgju, 38. 154. — Agnus dei (guðs lamb) í skjáhring, skorin á horni, 261. — Krists upprisa, skorin á spjald, 61. — Engill, sem blæs í lúður og heldur á stundaglasi, 61. — Engils mynd á beltishringju úr kopar, 235. — Engils mynd á beltispara stokki úr kopar, 334. — Engils mynd, skorin í tré, 69. — Engils eða manns mynd í tré, 323. — Johannes og María undir krossinum, skorin á hvalbeinsspjald, 37. — sömu myndir, saumaðar, 278. — Mariu mynd úr silfri, 74. 224. — Mariu mynd með barninu, á innsigli, 351. — Kvenmyndir (María guðs móðir og María Magdalena) skornar í tönn, 81. — Konu-mynd (helgrar Veroniku), 241. — Pétur postuli með lykil að himnaríki (saumað mynd), 16. — Postulamyndir saumaðar, 16. — Myndir höggna og málaðar á prædikunarstól: Páll postuli, Pétur postuli með lykilinn, Lukas guðspjallam. með nauts mynd hjá, Jóhannes (?), o. fl., 65. — Dýrlings mynd með glóriu (Andreas postuli?), 307. — Georg hinn helgi á hesti, berst við drekann, mynd í silfri, 53. — Helgs manns mynd (í innsigli), 351.

Manna myndir ymsar: Biskups mynd með mítur, 150. — Riddara mynd með hauk, saumað, 337. — Riddari og riddara frú, myndir á eikarskáp Staðarhóls-Páls, 342. — Mynd karls og konu, upphleyptar í kopar, á knifskapti, 34 (sbr. 168. 363). — Manna myndir, skornar á beinsspjaldi, 152. — á dósam (hollenzkar), 60. — skornar í tré á stól, 50. — í silfri, 187. — með glóriu (á dósam), 150. — á hollenzkum þela (glóri), 59. — á trafaketti, 124. 354. — ofn, 256. — með pipukraga, 152. — Manns mynd úr beini (hæfi úr hæfatafli), 6. — Manns mynd eða konu með kórónu (á dósam), 150. — Konu mynd og barna, á beltis stokki úr kopar, 235. — Manns andlit, myndað á horni, 33. — Manns höfuð, 96. — Manns höfuðskel og tveir lærleggir (innsigli?) graðð í kopar, 134. — Manns hönd, skorin í tré, 68. 350. — Manns fatur á tannstapi, 302. — Mannþyrping skorin á beinsspjaldi (biblíu myndir?), 152. — barns mynd skorin á stokk, 244. — Veiðimaður með byssu og hund, á koparskapti, 168. — Danz-myndir, 34. 60. — Myndir á peningum, sjá peningar. — Taflmaður, sjá tafl.

Goðs mynd eða hlutur(?), 6.

Adam og Eva, útskornar myndir, 261.

Myndir á ölkönnu (hollenzkar eða þjóðverskar): Julius Cæsar, Judas Makkabæus, Alexander, 147.

Myndir (hollenzkar eða þjóðverskar) á dósum, 150. 232. -

Dýra myndir: á söðulreiða af kopar, 148. — Dýra myndir skornar á skáp, 219. — Dýra myndir sæmaðar: fersfættir gammar með neði, fugls klóm og vængjum að framan; ljóns klóm og ljóns hala að aftan (griffónar), 52. — Dýra myndir, skornar í tré á stól: dreka höfuð, tvífætt dýr með mannhöfði og hettu, fiskur og ormur með drekahöfði, maður á vatnahesti, 50. — Dreka höfuð eða varga, 245. — Dreka myndir, 65. 96. 158. — Dreka höfuð, 26. 50. 68. 96. 108. 146. 213. 267. 354. 358. — Vatna hestur, skorinn í tré, 50. — Ljón (sæljón), skorin í tré, 66 a.b. — Vargar fersfættir á trafakessi, 158. — Vargar eða dýr, sem smjúga gegnum hrislur, úr silfri, 189. — Vargs haus skorinn á trafakessi, 350. — Hringur af dýrum (dýra myndum), 302. — Dýra myndir, skornar á horni: refur, göltur, uxi, ljón, hestur, einhyrningur, hjörtur, ljónynja, hafur(?), 43. — Bjarnar mynd, 244. 255. — Einhyrnings mynd, 43. 302. — Galtar mynd, 43. — Hafurs mynd, 43(?). 261. — Hæra mynd, 261. — Hests mynd, 43. 204. — Hjartar mynd, 43. 172. 230. 244. 255. 256. 302. 329. 337. — Hunds mynd, 168. — Ljóns mynd, 43. 124. 147. 244. 269. 302. 335. 337. — Ljónynju mynd, 43. — Neuts mynd, 65. — Mynd af ref (tón), 33. 43. — Úlfalda mynd, 302. — Uxa mynd, 43.

Fugla myndir, 255. 261. 276. — Hæna myndir, 244. — Haukur, 256 ?). 337. — Mynd af krufnum erni, 33. 147. — Dúfna myndir, 161. 337. — Strútsfugl, 255.

Leðurblaka(?), skorin mynd, 255.

Fisk-mynd, skorin í tré, 50. — Lax (guðlax), skorinn í tré, 67.

Hörpuðiskur eða báruskel, 345.

Orma höfuð eða dreka, 358. — Orma myndir grafnar í bein, 329. — Orma myndir, skornar, 50. 255. — Orma myndir úr bronzi, 190. — Orma myndir á bronzi-istöðum, 332. — Höggormurinn í skilningstrénu, 261.

Skilningstréð goðs og illa, skorid, 261.

Tré, myndað, 329. 337.

Blómhringur í silfri, 53. — málaður á postulín, 359.

Blaðakross, skorinn í trè, 91. — **Blöð**, skorið í trè, 64. — í loptverki, af silfri, 191. — **Hrisla**, saumað á rekkjurefli með myndum, 337. — **Hrislur** með hringum og dúfum, 161.

Lauf á processiumerki, 256. — á knappi (af skildi?), 335. — grafið á viravirkis knappi, 288 a. — **Laufamylna** úr kopar, 319. — **Laufaviðar** hrislur í býðnskum stíl (kopar), 29. — **Laufaviður**, ofinn eða saumaður, 51. — skorinn í trè, 69. 204. 219.

Lilja með Mariu mynd, 351. — **Liljukross** úr látúni, 341.

Rós, smárablað, sóley(?), skorið á skáp Staðarhóls-Páls, 342. — rós á beltisstokki úr kopar, 235. — á eir-kingu, 315. — skorið á horni, 212. — á koparplötu, 336. — skorið á þrónastokk, 346. — skorið á trafakefli, 350. — skorið í lönn, 101. — keðjurós, skorið á þrónastokk, 204. — rós á látúnsdósum, 225. — á reiðaskildi, 163. — rós eða knútur, smeltt í hjöltu á sverði, 2. — rós eða sóley, ofin í silki, 256. — rós í hempufloði, 92.

Rósaknútar á spónastokk, 26. — á trafakefli, 132. — rósastrangur á trafakefli, 251 a. — rósa skurðverk, 91.

Rósir á brauðstíl, 73. — á beltishringju af kopar, 235. — gotneskar á beltisparastokki úr kopar, 334. — á bronzíkingu, 230. — úr kopar á kompás-umgjörð úr flabelni, 307. — á koparstokkum, 170. — rósir og knútar á koparbúningi á söðulreiða, 148. — rósir upphleyptar í kopar, 287. — rósir út úr koparhring, 131. — skornar á kistli, 255. — upphleyptar, á hurðarhring, 126. — á málmhring, 108. — á pela, 353. — á ölkönnu úr steini eða leir, 147. — slegnar úr járn, 107. — rósir á knappi úr prinzmatal, 110. — silfurrósir, smelttar í járn, 39. — rósir, snúningar og kóróna, á silfurskeið, 181. — rósir og blöð í loptverki á hringjustokk og beltissprotta enda af silfri, 191. — rósir á skáphurð, 219. — á trafakefli, 118. 123. 124. 156. 158. 257. 354. — skiparósir skornar á bauk, 260. — rósir á stokk, 162. 171. 172. 244. 281. 299. — á trafaskjöm, 125. — rósir gagnskornar á rúmfjöl, 133. — skornar í horn, 43. — saumaðar, 160. 321. 348. 349.

Akkeri, myndað úr silfri, 197.

Blys krosslagt, málað á postulín, 359.

Bók, mynduð, 81, 307.

Byssu mynd, 168.

- Kaleikur með dúk, og kross yfir (á innsigli prests), 331.
- Kóróna á mynd (á dósú), 150. — á Mariu mynd, 74. 81. 351.
— á riddara mynd, 342. — mynduð á silfurskeið, 181. — máluð,
65. — mynduð á dúk, 269. — kórónaður leon, saumaður, 337.
- Lúður, myndaður, 50. 61.
- Lykill (málaður?), 65. — lykils mynd á trafakelli, 124.
- Mánaða merki á látúnsdósú, 233.
- Máni, myndaður í silfri, 224. — hálfmána myndir, eins og perlu-
settar, á koparhring, 228.
- Spjót og staung með njarðarvetti, myndað í látúni, 182.
- Örvamælir Amors, málaður á postulm, 359.
- Knútur, grafinn í kopar, 179. — skorinn út í flabein, 253. —
gagnskorinn á beinspjaldi, 152. — knútur af ormum, skorinn
í bein, 329. — knútur eða rós, smeltt í hjöltu á sverði, 2.
— knúta-uppdráttur á augnasaums-ábreiðu, 270. — knútar,
skornir á trafakelli, 339. — knútar, fléttingar og snúningar á
trafakelli, 25. — knútar og rósir, skornar á stokki, 171, 259.
— á trafakelli, 172, 257.
- Ferhyrningur með lettri í liljukrossi, 341.
- Hringar gagnskornir á stokkabelti, 355. — hringar, brislur og
dæfna myndir, 161. — hringar á eir-kíngu, 315. — á gler-
ölu, 294. — sirklaðir og grafnir á flabeini, 253. — sirklaðir
á beini, 329. — skornir á kistli, 255. — ofnir í silki á
processiumerki, 256.
- Fléttingar á glertölu, 297. — fléttingar á kirkjuhurðar hring, 94.
— á brauðstil, 268. — á trafakelli, 354.
- Snúningur á fingurhring úr kopar, 13. — á eir-kíngu, 315. — á
gömlu ístaði, 340. — á hornstikli, 261. — snúningar á lykla-
hring, 193. — á röndum á lyklasylgju, 153. — snúningar,
rósir og kóróna, á silfurskeið, 181. — snúningar á járnmeilum,
48. — á tennstaupi, 302. — á trafakelli, 25. 252. 354. —
á röndum á stokk, 244. — á skrifstokk, 299. — snúnar
brúmir á lykklahring, 72. — snúnar rendur á knífskapti, 23.
- Tennningar grafnar, 100. 344.
- Krókaverk, á bitli úr kopar, 12.
- Krákustígs krot og bönd á bronzipípu, 100.
- Krot á reizlulóði, 173.
- Lautir (gjörðar) í kristalls(?)ölu, 328.
- Rákir (grafnar) á koparhring, 155. — rákir á glertölu, 296.

Gagnskurður á koparpörum, 317.

Gagnboraður svuntu knappur, 318.

Skurður á koparknappi, 289. — á drykkjarskál úr flabeini, 253. — á svartri tölu, 344. — skurður gamall á pallkistli, 24. — skurður á skáp, 219. 342. — á skeggknífstokki, 273. — á spónastokki, 26. — á trafakelli, 203 a. 252. 354. — skurður vandaður á öskjum, 201.

Gröptur á beizlisstang úr kopar, 127. — á knappi úr prinzmetalli, 209. 223. — á silfurskeið, 227. — á smíðisgrip úr tönn, 167.

Litir (málaðir) á tafltöflum, 1. — á bronzi, 240. — á postulini, 359. — á tré, 62. 339.

Peningar: koparpeningur, 178. — saxneskur peningur (bræðradalur), 185. — saxneskur silfurpeningur, 208.

Listasmíði, sbr. Myndir:

Emalerað eða kolmelt látun, 182. — loptverk úr silfri, á hempuskildi, 149. — á hringjustokki og beltissprotu, 191. — gullrekið eða silfurrekið, 2. — smellt, silfurrekið, 2. 39. 216. — smellt með kopar og litum, 95. — smeltar glertölur, 157. — víravirki á silfri, 105. 188. 195. 288 a. 291. — víravirki á kopar, 130. 195. — flágran, 79. — Rennismiði, 54. 55. 75. 98. 205. 251 b. 356. — Skrautspjót, 216. — Skrautsverð, 2.

Vefnaður og hannyrdir: Baldírað, 347. — Hempuflos eða hempuborði, 92. — Perlusett sparlak, 199. — augnasaumur, 270. — nunnusaumur(?), 337. — knappar saumaðir með taglhári (hrosshári), 17. — einkennilegur saumur (með myndum) á altarisbrún, 52. — Sessuver, 89. — Skatterað(?), 349. — hringofúð, 277. — spjaldofúð stytuband, 90. — silkivefnaður, 256. — grænt klæðishorn eða jaðar, 96. — vefnaður með vaðmáls vend, 8.

Stíll:

býsanzkur stíll, 29. 189. 354. — gotneskur stíll, 191. 334. 351. — fjórtándu eða fimtándu aldar stíll, 315.

Leifar af lifandi skepnum:

leifar af manni, 11. 134. — af dýri (vigtönn úr hundi), 85.

PRENTVILLUR.

Bls. 94¹: nr. 60, les: 160.

— 95²: l. skemmu.

